

## سنت یوحنا رو لکھیوڑو پویتر شاستر

1

<sup>1</sup> جگت رے شروعات میں وچن بتو. او وچن ایشور بھیلو بتو، آن او وچن ایشور  
آپ بتو. <sup>2</sup> او وچن شروع میں ایشور بھیلو بتو. <sup>3</sup> ایشور سبھ کجھ اوئے وچن رے  
وسیلے ٹھاپیو. آن جکو شئے ایشور ٹھاپی تی، اوٹاں میں خاں کوئی شئے وچن بنا  
کونی ٹھاپی. <sup>4</sup> وچن میں جیون بتو، آن او جیون منکھاں خارون اُجالو بتو. <sup>5</sup> اُجالو  
اندھارے میں چمکئی، آن اندھارو کڈھے اوئے اُجالے نا کونی برا خگتو.

<sup>6</sup> ایشور بیکے منکھ نا میلیو، جکے رو نوں یوحنا بتو. <sup>7</sup> او منکھ اوئے جوت رے  
بارے میں گواہی ڈیونٹ خارون آيو، بئی خارا منکھ اوئے رے ذریعے وشواس لے  
آوے. <sup>8</sup> یوحنا آپ او جوت کونی بتو، پٹ اوئے جوت رے بارے میں گواہی ڈیونٹ  
آيو تو. <sup>9</sup> خاچی جوت جکو خاراں منکھاں نا چونٹو ڈیونٹ، او دُنیا میں آون آلو  
بتو.

<sup>10</sup> او وچن دُنیا میں بتو، آن دُنیا اوئے خاں ٹھئی تی. توئی دُنیا رے منکھاں اوئے  
نا کونی اوٹکھیو. <sup>11</sup> او آپرے وطن آيو، پٹ آپرے منکھاں اوئے نا قبول کونی کریو.

<sup>12</sup> توئی جتران منکھاں اوئے نا قبول کریو، آن اوئے ترے وشواس راکھیو، اوٹاں  
منکھاں نا اوئے ایشور را ڈیکرا بٹن رو حق ڈنو. <sup>13</sup> او ایشور را ڈیکرا ایٹاں کونی  
بٹیا جاں منکھاں را ہال ماء ہاپ خاں ہووی. او نی تو پیاں منکھاں ری مرضی  
خاں بٹیا، نی تو دھٹی رے فیصلے خاں بٹیا. پٹ ایشور آپ اوٹاں نا آپرا ڈیکرا  
ٹھاپیا.

<sup>14</sup> وچن منکھ ہویو، آن اپٹے بچ میں رہیو. مہوں اوئے ری بڈائی ڈٹھی، ایہڑی

بڈائی جیمڑی ہاپ ری بیکٹیج ڈیکرے ری ہوئی. آن او بڈائی کرپا آن خچائی  
خان بھریوڑی ہتی.

15 یوحنا اُوئے رے بارے میں اونچی آواز خان گواہی ڈنی، ”اے منکھ او جی  
ہے جکے رے بارے میں مہیں ایٹاں کہیو تو، جکو مہارے لارے آونٹ آکو ہے او  
مہیں خان موٹو ہے، کیانکے او مہیں خان پہل ہتو.“

16 اُوئے ری بھریوڑی خان آپاں خاراں نا کرپا ئی کرپا ملئی ہے،<sup>17</sup> ایسے خارو کہ  
ایشور آپرا حکم موسیٰ رے وسیلے ڈنا، پٹ کرپا آن خچائی یسوع مسیح رے  
وسیلے ملئی.<sup>18</sup> ایشور نا کڈے کئی کونی ڈٹھو. پٹ ایشور رو بیکٹیج ڈیکرو،  
جکو آپرے ہاپ رے پاخے میں پیٹھو ہے، اُوئے ایشور نا بتایو ہے.

19 جڈے یہودی اگوائٹاں یروشلم شہر خان بیکل رے پوجاریاں آن شیوادھاریاں نا  
یوحنا کڈھے اے پوچھن ملیا ”تھوں کُن ہو؟“

20 تو یوحنا اے گواہی ڈنی. اُوئے بات کونی لکائی آن صاف بات کری، ”ہوں  
ایشور رو چٹیوڑو مسیح کونی ہاں.“

21 جڈے اوائ پوچھیو، ”پچھے تھوں کُن ہو؟ کی تھوں ایلیاہ ہو؟“  
اُوئے کہیو، ”نہ، ہوں کونی ہاں.“

اوائ پوچھیو، ”کی تھوں ایشور رو خاص پیغام ڈیونٹ آلا ہو؟“  
اُوئے کہیو، ”نہ.“

22 تو اوائ بھلے یوحنا نا پوچھیو، ”تھوں کُن ہو؟ مہوں نا کہو تو مہیں آپرے  
میلنٹ آلاں نا کہہ خگاں کہ تھوں آپرے بارے میں کی کہی؟“

23 جڈے اُوئے کہیو، ”ہوں او ہاں جکو اونچی آواز خان بیابان میں ایٹاں کہیں،  
پرہو خاروں رستو خدھو کرو، جاں ایشور رو پیغام ڈیونٹ آئے یسعیاہ کہیو تو.“

24 تو اوائ میلیوڑے منکھاں میں کئینک فریسی ٹولی را منکھ ہتا.<sup>25</sup> اوائ یوحنا

خاں ایٹاں پوچھیو، ”جے تھوں نی تو ایشور رو چٹیورو مسیح ہو، نی تو ایلیاہ، نی تو ایشور رو خاص پیغام ڈیون آلا ہو، تو پچھے تھوں پویر شنان کیاں ڈئی؟“

<sup>26</sup> یوحنا اوناں نا بلتی ڈئی، ”ہوں صرف پوٹی خاں پویر شنان ڈئیں۔ پٹ اپٹے بچ

میں بیک ایہڑو منکھ بیٹھو ہے جکے نا تھوں کونی اولکھتا۔<sup>27</sup> اے او رو او ہے جکو مہیں خاں پچھے آئی وو۔ ہوں اوئے ری جتی را کخا کھولٹ رے لائق کونی۔“

<sup>28</sup> اے خارے باتاں یردن دریا رے پار بیت عنیہ گان میں ہوئے، جیتھ یوحنا منکھاں نا پویر شنان ڈیوتو۔

<sup>29</sup> بچے ڈنھ یوحنا یسوع نا آپ خومھوں آتے ڈٹھو، آن کہیون لاگو، ”جوؤ،

اے ایشور رو گھیٹو ہے، جکو دنیا رے منکھاں را پاپ مٹاخے۔<sup>30</sup> اے او رو او ہے جکے رے بارے میں مہیں ایٹاں کہیو تو، او مہیں خاں پچھے اون آلو ہے، پٹ او مہیں خاں موٹو ہے، کیانکے او مہیں خاں پہل بتو۔<sup>31</sup> توئی مہیں آپ اوئے نا اگے کونی اولکھیو تو۔ ہوں اوئے نا اسرائیلی قوم میں ظاہر کرن خاروں آیو ہاں آن پوٹی خاں پویر شنان ڈئیں۔“

<sup>32</sup> پچھے یوحنا اے گواہی ڈئی، ”مہیں پویر آتما نا کبوتر رے روپ میں آکاخ

خاں اوئے ماتھے اترتے ڈٹھو، آن پویر آتما اوئے تے ریو۔<sup>33</sup> ایئے خاں پہل مہیں اوئے نا کونی اولکھیو تو۔ پٹ ایشور جکے مہنا پوٹی خاں پویر شنان ڈیون خاروں میلیو ہے، اوئے مہنا ایٹاں کہیو تو، تون جکے ماتھے پویر آتما نا اترتے آن رتے جوئخ، اے او رو او ہے جکو پویر آتما خاں پویر شنان ڈیخے۔<sup>34</sup> آن اے مہیں

آپ اونکھیاں خاں ڈٹھو ہے آن گواہی ڈئیں وو کہ اے ایشور رو ڈیکرو ہے۔“

<sup>35</sup> بچے ڈنھ بھلے یوحنا آن اوئے رے چیلاں میں ہے اوتھ بیٹھا بتا۔<sup>36</sup> یوحنا

یسوع نا پاخے خاں جاوتے ڈٹھو آن چیلاں نا کہیو، ”جوؤ، اے ایشور رو گھیٹو

ہے۔“

37 یوحنا را پینھائیں چیلا اُوئے ری اے بات خُن یسوع لارے ہویا را۔<sup>38</sup> یسوع اُوئاں نا آپ لارے آوتا جورا آن کہیو، ”تھوں مہیں لارے کیاں آؤ وا؟“ اُوئاں بلتی ڈنی، ”گرو جی، تھوں کیتھ رہی؟“

39 جڈے یسوع اُوئاں نا کہیو، ”آؤ جوؤ۔“ تو او بھیلہ گیا آن جوہو، جیتھ یسوع ربتو۔ شام رو چاراں رو ٹائم ہو گیو تو ایٹے خاروں او رات یسوع کڈھے ٹکیا۔

40 او ہے جٹا جکو یوحنا ری بات خُن یسوع لارے گیا تا، اُوئاں میں بیک اندریاس بتو، جکو شمعون پطرس رو بھائی بتو۔<sup>41</sup> اندریاس پہلکو کوم اے کریو کہ آپرے بھائی شمعون نا جو لادھو آن اُوئے نا کہیو، ”مہوں نا ایشور رو چٹیوڑو مسیح لادھو رو۔“<sup>42</sup> او شمعون نا یسوع کڈھے لے آيو۔ یسوع اُوئے نا جو رو کہیو، ”توں یوحنا رو ڈیکرو شمعون ہے۔ آج خاں لے تھارو ناں کیفا بوخے۔“ جکے نا یونانی بولی میں پطرس کہی جکے رو مطلب ہے پتھر۔

43 ہجے ڈنھ یسوع گلیل رے صوبے میں جاوٹ رو فیصلو کریو۔ تو اُوئے فلپس نا بھیلو لیو آن اُوئے نا کہیو، ”مہیں لارے آ۔“<sup>44</sup> فلپس بیت صیدا شہار رو بتو،

جکے شہار خاں اندریاس آن پطرس آوڑا بتا۔<sup>45</sup> تو فلپس نتن ایل نا خہنٹیو آن اُوئے نا کہیو، ”مہوں نا او منکھ لادھو رو، جکے رے بارے میں موسیٰ آپرے شاستر میں اگے لکھیو تو، آن جکے رے بارے میں ایشور رو پیغام ڈیون آلاں اگے لکھیو تو۔ او یوسف رو ڈیکرو یسوع ہے، جکو ناصرت شہار رو ہے۔“

46 نتن ایل کہیو، ”ناصرت شہار خاں کوئی بھلو منکھ نخر خگئی؟“

تو فلپس اُوئے نا کہیو، ”توں آپ ہال جو رو۔“

47 جڈھے یسوع نتن ایل نا آپ ڈخا اوتے ڈٹھو، تو اُوئے رے بارے میں کہیو،

”جوؤ، اے خچو اسرائیلی ہے، جکے میں کوئی ٹھگی کونی.“

48

نتن ایل یسوع نا کہیو، ”تھوں مہنا کوکر اولکھئی؟“

یسوع اُوئے نا بلتی ڈنی، ”فلپس رے تھنا بولو کرن خا پہلی مہیں تھنا

انجیر رے بن بیٹھا ڈٹھو تو.“

49

نتن ایل کہیو، ”گرو جی، تھوں ایشور را ڈیکرا ہو. تھوں اسرائیلی قوم را راجا

ہو.“

50

تو یسوع اُوئے نا کہیو، ”مہیں کہیو ہے مہیں تھنا انجیر رے بن بیٹھا ڈٹھو

تو، ایئے خاروں تون مہیں تے وشواس لایو ہے؟ تون ایئے خا وی موئے باتاں

جوئخ.“<sup>51</sup> یسوع اُوئے نا بدبیک کہیو، ”ہون تھوں خاراں نا خچ کہیں، تھوں

آکاخ کھلیوڑو جوخو، آن ایشور رے فرشتاں نا چڑھتا آن آدم زاد ماتھے اترتا

جوخو.“

2

<sup>1</sup> تیجے ڈنھ گلیل صوبے رے قانا شہار میں بیک بیہا بتو، آن یسوع ری ماء

اوتھ بتی. <sup>2</sup> یسوع نا آن اُوئے رے چیلاں نا بیہا ری دعوت بتی. <sup>3</sup> اوتھ کی ہویو،

انگوراں رو رس گھٹ گیو. یسوع ری ماء اُوئے نا کہیو، ”ایٹاں رو انگوراں رو

رس گھٹ گیو ہے.“

4

تو یسوع آپری ماء نا کہیو، ”اماں، اے تون مہنا کہن خا رو کہی؟ مہارو ٹائم

ہالی تک کونی آیو.“

5

جڈے اُوئے ری ماء بیہا میں شیوا کرن آلان نا کہیو، ”جاں اے تھوں نا

کرن رو کہہ، اوٹاں کرو.“

6

اوتھ، یہودی دھرم ری ریت ہے جاں، ہاتھ دہوون خاروں پتھر را چھے تھوں

بتا. ہر بیک ٹھوں میں ہے من کٹ پوٹی آوتو. <sup>7</sup> یسوع شیوادھاریاں نا کہیو،

”ٹھاواں میں پوٹی بھرو رو.“ تو اوتان ٹھاواں نا تاروتار بھریا را.

<sup>8</sup> تو یسوع اوتان نا کہیو، ”ہمے ایٹاں میں کئینک کاڈھ بیہاں رے انتظام کرن آکرے نا ڈو.“ تو اوتان ایٹاں رو ایٹاں کریو.

<sup>9</sup> جڈے انتظام کرن آکرے او پیو، تو پوٹی انگوران رو رس بٹیوڑو بتو. اوتے نا کوئی

خبر کونی ہتی کہ اے انگوران رو رس کیتھ خاں آبو ہے. پٹ شیوادھاری، جکاں پوٹی بھریو تو، اوتان نا پوری خبر ہتی. تو انتظام کرن آکرے لاڈے نا بولو کران

<sup>10</sup> اوتے نا کہیو، ”خارا منکھ بھلو انگوران رو رس پہلی پیٹائی. پچھے جڈھے خارائی پی خوش ہوئی، پچھے جیہڑو تہڑو رس ڈئی. پٹ تھوں اے خاراں خاں بھلو رس ہالی تک راکھیوڑو ہے.“

<sup>11</sup> یسوع اے پہلکو پرچو گلیل صوبے رے قانا شہار میں ڈنو، آن ایسے خاں اوتے آپری طاقت ظاہر کری. اے جون اوتے را چیلا اوتے تے وشواس لایا.

<sup>12</sup> اوتے خاں پچھے یسوع آپری ماء، آپرے بھایاں آن آپرے چیلاں بھیلو کفرنحوم شہار میں گیو. اوتھ او کئینک ڈنھ ریا.

<sup>13</sup> جڈھے یہودی دھرم ری عید فسح نیڑی آئی، جڈے یسوع یروشلم شہار میں

<sup>14</sup> گیو. اوتھ موٹے مندر میں اوتے پیاری ڈٹھا جکو گاؤ مال، رڈھو مال آن کبوتر ایشور رے نوں تے چاڑھن خاروں بیچتا بتا. آن جکو دان میں ڈیون خاروں خاص

پیخا بدلی کرن آلا بتا، اوتان نا پیٹھوڑا ڈٹھا. <sup>15</sup> جڈے یسوع کھپڑی رو چاپک

ٹھان اوتان خاراں پیاریاں نا ریڈھے مال آن گاؤ مال بھیلو موٹے مندر خاں باھر کاڈھیا. آن اوتے پیخا بدلی کرن آلاں را پیخا نوکھیا، آن میزاں اوٹھلا ڈنے.

<sup>16</sup> کبوتر بیچن آلاں نا اوتے کہیو، ”ایٹاں نا ایتھ خاں لے جاؤ. مہارے باپ رے

گھر نا پیڑی نی ٹھاؤ۔“<sup>17</sup> جڈے یسوع رے چیلان نا شاستر ری اے لکھیوڑی  
بات یاد آئی، ”تھارے گھر ری غیرت مہناں کھا جاخے۔“

<sup>18</sup> پچھے یہودی اگوائان یسوع خاں پوچھیو، ”توں مہوں نا کیہڑو پرچو بتائخ  
جکے خاں ثابت ہووے، تھنا ایٹاں کرن رو حق ہے؟“

<sup>19</sup> تو یسوع اوٹان نا بلتی ڈنی، ”تھوں ایئے مندر نا نوکھو رو، آن ہوں تینہاں  
ڈنہاں میں بھلے ایئے نا ٹھائخ رو۔“

<sup>20</sup> جڈے اوٹان کہیو، ”ایئے مندر نا ٹھاوٹ میں چھیتالیخ خال لاگا ہےن، تو  
توں تینہاں ڈنہاں میں ایئے نا بھلے کوکر ٹھائخ رو؟“

<sup>21</sup> پٹ یسوع آپرے بدن رے بارے میں کہیو تو کہ اے ایشور رو مندر ہے۔

<sup>22</sup> اوئے خاں پچھے جڈے او موڑاں میں خاں جیوتو ہویو، جڈے اوئے رے  
چیلان نا یاد آو یسوع اے بات کہی تی، آن اوٹان اوئے شاستر ری بات ترے آن  
یسوع ری اوئے کھیوڑی بات ترے ویساہ راکھیو۔

<sup>23</sup> جڈے یسوع عید فسح رے ٹائم یروشلم شہار میں ہتو، جڈے گھٹان منکھاں  
اوئے را بتایوڑا پرچا جون اوئے ترے ویساہ راکھیو۔<sup>24</sup> پٹ یسوع نا اوٹان منکھاں ترے

بھروسو کونی ہتو، کیانکے اوئے نا خاراں منکھاں رے بارے میں خبر ہتی۔  
<sup>25</sup> اوئے نا کوئی ضرورت کونی ہتی کہ کوئی منکھ اوئے نا کہی رے بارے میں  
کہ، کیانکے اوئے نا آپ نا خبر ہتی ہتی ہر بیک منکھ رے من میں کی ہے۔

3

<sup>1</sup> فریسی ٹوٹی رو بیک منکھ ہتو جکے رو نون نیکدیٹس ہتو۔ او یہودی دھرم رو

بیک اگوائ ہتو۔<sup>2</sup> بیک رات او یسوع کڈھے آو، آن کہیو، ”گرو جی، مہناں  
خبر ہے تھوں ایشور را میلیوڑا خکھاوٹ آلا ہو، کیانکے جیہڑا پرچا تھوں بتاؤ،

ایہڑا پرچا کوئی بتا کونی خگیو ہوؤنت، جے ایشور اوئے بھیلو نی ہوؤنت۔“

<sup>3</sup> یسوع اوئے نا کہیو، ”ہوں تھوں نا خچ کہیں کوئی منکھ ایشور رے راج میں اتری تک آ کونی خگتو، جتری تک او بھلے نی جلمے۔“

<sup>4</sup> تو نیکدیئس کہیو، ”ہیک بوڈھو منکھ بھلے کوکر جلم خگئی؟ او بھلے آپری ماء رے پیٹ میں جاخے آن او بھلے اوئے نا جٹخے کی؟“

<sup>5</sup> جڈے یسوع اوئے نا کہیو، ”ہوں تھوں نا خچ کہیں جتری تک کوئی منکھ پوٹی آن پویتر آتما خاں نی جلمے، اتری تک او ایشور رے راج میں آ کونی خگتو۔<sup>6</sup> جکو انسان خاں جلمئی، او انسان ہے۔ پٹ جکو پویتر آتما خاں جلمئی، او آتما ہے۔<sup>7</sup> تھوں مہاری ایئے کہیوڑی بات تے حیران نی ہویا کہ تھوں خاراں نا بھلے جلم لیون چایجے۔<sup>8</sup> بائیرو جاں چلئی، اوٹاں لاگئی۔ اوئے رو خوخاٹ خنٹ میں آوئی، پٹ خیر کونی پڑتی کہ کیتھ خاں آوئی آن کیتھ جاوئی۔ خاگرے نمونے خاں جکو پویتر آتما خاں جلمئی، او وی ایٹاں رو ایٹاں ہے۔

<sup>9</sup> تو نیکدیئس اوئے خاں پوچھیو، ”اے باتاں کوکر ہو خگئی؟“

<sup>10</sup> جڈے یسوع کہیو، ”تھوں اسرائیلی قوم را خکھاوٹ آلا ہو، توئی تھوں نا اوٹاں باتاں رے بارے میں خبر ئی کونی؟“<sup>11</sup> ہوں تھوں نا خچ کہیں ہوں او باتاں کرئیں جکاں رے بارے میں مہناں خبر ہے، آن اوٹاں باتاں ری گواہی ڈٹیں جکاں نا مہیں اونکھیاں خاں ڈٹھے ہے پٹ تھوں منکھ مہاری ڈنوڑی گواہی کونی منتا۔

<sup>12</sup> مہیں ایئے دُنیا رے شئیوں رے مثالان ڈے تھوں منکھاں خاں باتاں کریے ہے پٹ تھوں مہارے باتاں کونی منتا۔ جے ہوں آکاخ رے باتاں کراں، تو پچھے تھوں کوکر منخو؟<sup>13</sup> کوئی منکھ آکاخ ماتھے کڈے کونی گیو، پٹ آدم زاد جکو آکاخ خاں آیوڑو ہے، چھڑو او جی۔<sup>14</sup> جیہڑے نمونے بیابان میں موسیٰ پیتل رو نانگ



لکڑی تے چاڑھ اُونچو کریو تو، ایہڑے نمونے ضروری ہے آدم زاد نا وی اُونچو  
چاڑھیو جاوے، <sup>15</sup> تاکہ ہر بیک منکھ جکو اُوئے تے وشواس راکھئے، اُوئے نا  
ہمیشہ رو جیون ملئے۔“

<sup>16</sup> بات اے ہے ایشور دُنیا رے منکھاں خاں ایہڑو پریم کریو جو اُوئے آپرو  
بیک ٹیج ڈیکرو ڈنو، جکو وی اُوئے تے وشواس راکھئے، او ناس کونی ہووے،  
پن اُوئے نا ہمیشہ رو جیون ملئے۔ <sup>17</sup> ایشور آپرے ڈیکرے نا دُنیا میں ایئے خاڑوں  
کونی میلیو کہ او دُنیا رے منکھاں نا سزا ڈیون رو فیصلو کرے، پن اُوئے نا ایئے  
خاڑوں میلیو کہ اُوئے رے وسیلے دُنیا ری منکھاں نا چھٹکارو ملے۔

<sup>18</sup> جکو وی یسوع تے وشواس راکھئی، اُوئے تے سزا رو فیصلو کونی۔ پن جکو  
اُوئے تی وشواس کونی راکھتو، اُوئے تے سزا رو فیصلو پہل ہویو رو، کیانکے اُوئے  
ایشور رے بیکے ٹیج ڈیکرے تے وشواس کونی راکھیو۔ <sup>19</sup> اے سزا رو فیصلو ایئے  
خارو ہویو، اجالو دُنیا میں آہیو ہے پن منکھاں اندھارے نا اُجالے خاں گھٹو پسند  
کریو، کیانکے اُوئاں را کوم بُرا بتا۔ <sup>20</sup> جکو بُرا کوم کرئی، اُوئے نا اجالو بلکل  
کونی پسند، آن او اُجالے کڈھے کونی آوتو، متاں اُوئے را بُرا کوم ظاہر نی ہووے۔  
<sup>21</sup> پن جکو منکھ خاچے باتاں تے چلئی، او اُجالے کڈھے آئی، تاکہ اے بات  
ظاہر ہووے کہ اُوئے منکھ را کوم ایشور ری مرضی را ہے۔

<sup>22</sup> اُوئے خاں پچھے یسوع آن اُوئے را چیلایہودیہ صوبے رے باہراڑی رے  
علاقے میں گیا۔ اوتھ یسوع اُوئاں بھیلو رہون لاگو، آن منکھاں نا پوئتر شان ڈیون  
لاگو۔

<sup>23</sup> اُوئاں ڈنہاں میں یوحنا وی منکھاں نا پوئتر شان ڈیوتو۔ او شالیم شہار رے  
نیڑو عینون میں بتو، کیانکے اوتھ گھٹو پوٹی بتو۔ منکھ اُوئے کڈھے آرا، اُوئے  
خاں پوئتر شان لیوتا۔ <sup>24</sup> اے خارے باتاں یوحنا نا جیل میں بند کرن خاں پہل

رے ہے .

25 پچھے یوحنا رے چيلاں آن کھی یهودی منکھ رے بچ میں پوِتر شان ری  
ریت رے بارے میں بحث ہوئی .<sup>26</sup> ایئے تے چيلا یوحنا کڈھے آ اوئے نا کہیو،  
”گرو جی، او منکھ جکو یردن دریا رے پہلوڑے پاخے تھوں بھیلو بتو، جکے  
رے بارے میں تھوں گواہی ڈنی تی، او وی منکھاں نا پوِتر شان ڈئی، آن خارا  
منکھ اوئے کڈھے جاوئی.“

27 جڈے یوحنا کہیو، ”کئی منکھ نا چھڑو او ملئی جکو ایشور اوئے نا ڈئی .

28 تھوں آپ اے گواہی ڈے خگئی کہ مہیں ایٹاں کہیو تو ہوں ایشور رو چٹپوڑو  
مسیح کونی ہاں . پٹ ایشور مہناں اوئے خاں پہلی میلیو ہے .<sup>29</sup> مثال، لاڈی  
لاڈے ری ہے . یار کون ڈے لاڈے ڈخا جووئی . آن جڈے او لاڈے ری آواز  
خٹئی تو ڈھگ خوش ہوئی . ایہڑے نمونے خاں مہارو دل خوشی خاں بھر گیو  
رو .<sup>30</sup> ضرور ہے کہ او بدھے آن ہوں گھٹاں .

31 او جکو ماتھے خاں آوئی او خاراں خاں ماتھے ہے . او جکو دُنیا خاں آیوڑو  
ہے ، او چھڑو دُنیا خاں واسطو راکھئی، آن جکو وی او کہی، او چھڑو دُنیا رے  
باتاں ہوئی . پٹ او جکو آکاخ خاں آیوڑو ہے ، او خاراں خاں ماتھے ہے .<sup>32</sup> اوئے  
جکو ڈٹھو آن خٹيو ہے ، اوٹاں باتاں رے بارے میں گواہی ڈے منکھاں نا  
خمجھاوئی . پٹ منکھ اوئے رے باتاں کونی متا .<sup>33</sup> توئی جکو اوئے رے باتاں

منئی، او گواہی ڈئی کہ ایشور خاچو ہے .<sup>34</sup> کیانکے جکے نا ایشور میلیو ہے ، او  
ایشور رے باتاں کرئی، ایئے خارو جو ایشور اوئے نا پوِتر آتما بے حد ڈئی .<sup>35</sup>

باپ آپرے ڈیکرے خاں پریم کرئی، آن اوئے خبھو کجھ اوئے رے ہاتھاں میں ڈنو  
ہے .<sup>36</sup> جکو ڈیکرے تے وشواس راکھئی، اوئے نا ہمیشہ رو جیون ملئی . پٹ جکو

ڈیکرے رو کہیو کونی منتو، او جیون نا کونی جووے کیانکے ایشور ری اوئے تے ریخ ریخے .

4

<sup>1</sup> فریسی ٹوٹی رے منکھاا خٹیو کہ یسوع یوحنا خاا بدھیک چیلا کرئی وو، آن اوئے خاا بدھیک منکھاا نا پویر شان ڈئی وو. <sup>2</sup> خچرے ٹی یسوع آپ منکھاا نا پویر شان کونی ڈیوتو، پٹ آپرے چیلاا خاا پویر شان ڈیراتو. <sup>3</sup> جڈے پرہو یسوع نا خبر پڑی کہ فریسی ٹوٹی رے منکھاا اے خٹیو ہے، جڈے او یہودیہ صوبو چھوڑ بھلے گلیل صوبے ڈخا روانو ہویو.

<sup>4</sup> اوتھ جاوٹ خاا رو اوئے نا سامریہ علاقے خاا ہون جاوٹو بتو. <sup>5</sup> تو بہوتو بگتو او سامریہ رے بیکرے شہار کڈھے پگو، جکرے رو نون شوخار بتو. او شہار اوئے زمین رے نیڑو بتو جکو یعقوب آپرے ڈکرے یوسف نا ڈنی تی. <sup>6</sup> اوتھ یعقوب رو کہوہ بتو. تو یسوع سفر خاا تھکن کہوہ رے پاخے میں جا بیٹھو. او ٹائم ڈپیار رو بتو.

<sup>7</sup> اوئے ٹائم سامری قوم ری بیک لگائی اوتھ پوٹی بھرٹ آئی. جڈے یسوع اوئے نا کہیو، ”ہائی، مہنا پوٹی پیٹال.“ <sup>8</sup> یسوع ایسے خاا رو ایٹاا کہیو، کیانکے اوئے را چیلا اوئے ٹائم ہائی لیون شہار میں گیوڑا بتا.

<sup>9</sup> اوئے لگائی یسوع نا کہیو، ”تھوں یہودی ہو، تو پچھے تھوں مہیں سامری قوم ری لگائی خاا پوٹی کیاا مانگئی؟“ اوئے ایسے خاا رو ایٹاا کہیو، کیانکے یہودی قوم سامری قوم خاا نفرت راکھتا.

<sup>10</sup> جڈے یسوع بلتی ڈنی، ”جے تھنا ایسے بات ری خبر ہوونت ایشور کی ڈئی، آن اے وی خبر ہوونت کہ ہوں تھیں خاا پوٹی مانگن آو کٹ ہاا، تو توں مہیں

خاں مانگیو ہوونت آن ہوں تھنا جیون ڈیونٹ آلو پوٹی ڈنو ہوونت۔“

<sup>11</sup> لگائی کہیو، ”سائیں، تھوں کڈھے پوٹی کاڈھنٹ خاروں کوئی ٹھوں کونی،

آن کہوہ اوندو ہے۔ تو پچھے تھوں آپرو جیون رو پوٹی کوکر بھرخو؟<sup>12</sup> تھوں  
آپرے آپ نا ایٹے ڈاڈے یعقوب خاں موٹو سمجھئی کی؟ اوتے مھوں نا اے کہوہ  
ڈنو تو۔ او آپ ایٹے خاں پیوتو، آن اوتے را ڈیکرا آن اوتے رو مال وی ایٹے خاں  
پیوتو۔“

<sup>13</sup> ایٹے تے یسوع کہیو، ”جکو وی اے پوٹی پیٹی، اوتے نا بھلے ترخ لاگھے۔

<sup>14</sup> پٹ جکو مھارو ڈیورٹو پوٹی پیٹی، اوتے نا ہمیشہ تک ترخ کونی لاگے۔ مھارو  
ڈیورٹو پوٹی اوتے میں پاتال ری پوٹی آلی کر نکلتو ربحے، جکے خاں اوتے نا  
ہمیشہ رو جیون ملخے۔“

<sup>15</sup> جڈے لگائی کہیو، ”سائیں، او پوٹی تھوں مھنا ڈو، جکو مھنا ترخ نی

لاگے، آن ہوں بھلے ایتھ پوٹی بھرٹ خاروں نی آوں۔“

<sup>16</sup> تو یسوع کہیو، ”جا، آن آپرے دھٹی نا ایتھ لے آ۔“

<sup>17</sup> لگائی کہیو، ”مھارو دھٹی ہے کونی۔“

<sup>18</sup> جڈے یسوع کہیو، ”توں ٹھیک کہی تھیالو دھٹی کونی ہے، کیانکے تھیں

اگرے پانچ دھٹی کریا ہے آن بیٹا جکے بھیلی توں ری وی او تھارو دھٹی کونی۔  
تھیں خچ کہیو ہے۔“

<sup>19</sup> لگائی کہیو، ”سادھو جی، ہوں اوٹکھ گی ہاں تھوں ایشور رو پیغام ڈیونٹ آلا

<sup>20</sup> ہو۔ مھانری سامری قوم را ڈاڈا اوتے پہاڑ تے بھگتی کرتا۔ پٹ تھوں یھودی

ایٹاں کہی کہ بھگتی کرن ری صحیح جگھا یروشلم شہار میں ہے۔“

<sup>21</sup> جڈے یسوع کہیو، ”ہائی، مھاری بات من۔ او ٹائم آئی وو جڈے تھوں نی

تو اُوئے پہاڑ تے جا باپ رِی بھگتی کرخو، نی تو یروشلم شہار میں جا کرخو۔  
<sup>22</sup> تھوں سامری قوم آلا ایشور رِی بھگتی کرئی، پِن اُوئے نا اولکھتا ئی کونی۔ پِن  
 مہیں یہودی ایشور نا اولکھئی آن اُوئے رِی بھگتی کرئیں، کیانکہ مُگتی یہودی  
 قوم میں خاں ہے۔ <sup>23</sup> توئی ایہڑو ٹائم آئی وو، آن بیٹا آبو رو، جڈے خچا بھگتی  
 کرن آلا باپ رِی بھگتی آتما آن خچائی خاں کرخے، کیانکہ باپ رِی مرضی ہے  
 کہ ایہڑے نمونے منکھ اُوئے رِی بھگتی کرے۔ <sup>24</sup> ایشور آتما ہے، آن جکو منکھ  
 اُوئے رِی بھگتی کرئی، اُوئاں نا آتما آن خچائی خاں اُوئے رِی بھگتی کرن  
 چاہیجے۔“

<sup>25</sup> جڈے لگائی کہیو، ”مہنا خبر ہے ایشور رو چٹیوڑو مسیح آون آلو ہے، جکے  
 نا خرسٹس کہی۔ جڈے او آخے، تو او آپاں نا خبھو کجھ خمجھاخے۔“

<sup>26</sup> یسوع اُوئے نا کہیو، ”ہوں جکو تھیں خاں بولاں وو، ہوں او رو او ہاں۔“

<sup>27</sup> اُوئے ٹائم یسوع را چیلا پاچھا آیا، آن او حیران بتا بیی یسوع لگائی خاں  
 باتاں کرئی وو۔ توئی کہی یسوع خاں کونی پوچھیو کہ تھوں کیاں اُوئے خاں  
 باتاں کرئی وا، آن تھورو اُوئے خاں کیہڑو کوم ہے؟

<sup>28</sup> پچھے لگائی آپرو دلو چھوڑ پاچھی شہار میں گی، آن اوتھ جان منکھاں نا  
 کہیو، <sup>29</sup> ”بالو، بالن بیکے ایہڑے منکھ نا جوؤ، جکے مہارا خارا ئی کوم مہناں  
 کہیا ہے۔ ایئاں ہو خگئی کی؟ او منکھ ایشور رو چٹیوڑو مسیح ہووے۔“ <sup>30</sup>  
 منکھ شہار خاں نخر یسوع کڈھے آون لاگا۔

<sup>31</sup> اُوئے ٹائم یسوع را چیلا اُوئے نا منتھ کرن لاگا، ”گرو جی، ہاٹی کھاؤ۔“

<sup>32</sup> پِن یسوع اُوئاں نا کہیو، ”مہیں کڈھے کھاون خاروں او ہے، جکے رِی تھوں  
 نا خبر کونی۔“

33 تو چيلا بيڪرے پڄرے نا ڪهون لاڳا، ”گرو جي خارون ڪوئي ڪئينڪ ڪهادهو لے آيو هے ڪي؟“

34 پڻ يسوع اونا نا ڪهيو، ”مهاريو ڪهادهو اے هے ڪه بون ايشور ري مرضي ترے بهان جڪے مهنا ميليو هے، آن اونه رو ڏيوڙو ڪوم پورو ڪران. 35 ڪي تهون

ڪهوتا ڪوني ڪه لپارے ميں چار مهينا پڙيا هے. پڻ بون تهون نا ڪهين وو بيئا اونڪه ڪهول ڪهيتا نا جوو، فصل پڪ گي هے، آن بيئا لپارے رو ٿام هے.

36 بيئا او ٿام هے جڏے لپارے آو آپري مزدوري لئي وو آن هميشه رو جيون ڏيون خارون دهان بهيلو ڪري وو تاڪه باون آو آن لپارے آو بنهئي بهيلا خوش هوے.

37 اے بات خچي هے، ”هڪ منڪه باوني، پڻ پجو منڪه باڏهي.“ 38 مهين تهون

نا او باڏهن خارون ميليا هے جڪے ميں تهون اگے ڪوئي ڪوم ڪوني ڪريو. پيجان منڪهان ڪوم ڪريو هے، آن تهون اونا رے ڪريوڙے ڪوم رو فاندو لو وا.“

39 اونه شهر رے گهٽان سامري قوم آلا يسوع ترے وشواس راڪهيو، ڪيانڪے

اونه لگائي اونا نا گواي ڏے ڪهيو تو، ”مهين جڪو ڪريو ايئه منڪه مهنا

خارے باتان ڪهے رے.“ 40 پچھے سامري قوم را منڪه يسوع ڪڏهے آيا، آن

اونه نا منتھ ڪرڻ لاڳا، ”مهون ڪڏهے ريو.“ تو او اونا ڪڏهے جائي هے ڏنھ

ريو. 41 آن پيجان گهٽان منڪهان يسوع رے باتان خن اونه ترے وشواس لايا. 42 او

اونه لگائي نا ڪهون لاڳا، مهين اے وشواس راڪهين تهانري ڪهيوڙي بات رے

خارون ڪوني، پڻ ايئه رے خارون جو مهون آپ اونه رے باتان خنيه آن مهون

نا خبر هے او خاري دنيا رے منڪهان نا مگتي ڏيون آو هے.“

43 پيا ڏنان خان پچھے يسوع گليل صوبے ڏخا روانو هيو، 44 ڪيانڪه اونه آپ

اگے ڪهيو تو، ”ايشور رو پيغام ڏيون آگے ري آپرے ديس ميں عزت ڪوني هوتي.“

45 جڏے او گليل ميں آيو، تو اتهلا منڪه اونه خان خوشي خان مليا، ڪيانڪے او

وی یروشلم شہار میں عیدِ فسح تے گیا تا، آن اوائں او خرائی موٹا کوم ڈٹھا تا  
جکو یسوع اوتھ عید تے کریا تا.

46 یسوع گلیل صوبے رے قانا شہار میں بھلے آیو، جیتھ اوائے پوٹی خان  
انگوراں رو رس ٹھاہیو تو.

47 کفرنحوم شہار میں راجا رو بیک آفیسر بتو، جکے رو ڈیکرو بیمار بتو. جڈے  
اوائے خٹیو یسوع یہودیہ صوبو چھوڑ ایتھ گلیل صوبے میں آیو ہے، تو اوائے کڈھے  
آ اوائے نا عرض کری، ”گرو جی، مہربانی کر بالو، آن مہارے ڈیکرے نا خاجو  
خورو کرو، کیانکہ او مرٹ تے ہے.“

48 جڈے یسوع اوائے نا کہیو، ”تھوں منکھ عجیب کوم آن پرچا جوٹ خان ٹال  
مہیں تے وشواس کونی راکھو.“

49 آفیسر کہیو، ”گرو جی، بالو، نی توٹی مہارو چھو کرو مر جاخے رو.“

50 جڈے یسوع اوائے نا کہیو، ”توں آپرے گھرے جا. تھارو ڈیکرو خاجو خورو  
ہو گیو ہے.“ آفیسر یسوع ری ایئے بات تے وساه راکھیو، آن آپرے گھراں ڈخا  
روانو ہو گیو.

51 آفیسر پاچھو آپرے گھراں نا گیو، اوائے را نوکر مارگ میں اوائے رے بھیلا  
ہویا، آن اے پیغام ڈے کہیو، ”تھورو چھو کرو خاجو خورو ہو گیو ہے.“

52 ایئے تے آفیسر نوکراں خان پوچھیو، ”چھو کرو کہی ٹائم ٹھیک ہویو تو؟“

تو اوائے کہیو، ”کالھے ڈنھ رے بیکے بجے اوائے رو تا اتر گیو تو.“

53 جڈے باپ خمجھ گیو چھو کرو اوائے ئی خاگے ٹائم ٹھیک ہو گیو تو، جکے  
ٹائم یسوع مہناں ایٹاں کہیو تو، ”تھارو ڈیکرو خاجو خورو ہو گیو ہے.“ اے خٹ  
آفیسر یسوع تے وشواس راکھیو، آن اوائے رے گھر رے خاراں منکھاں وی  
وشواس راکھیو.

54  
ایہڑے نمونے یسوع یہودیہ صوبو چھوڑ گلیل صوبے میں آ بھلے پیجی دفعہ  
پرچو بتاویو۔

5

<sup>1</sup> اُوئے خاں پچھے یہودیاں ری بیک عید آئی، ایسے خاراں یسوع یروشلم شہار  
میں عید تے گیو۔

<sup>2</sup> اوتھ یروشلم میں بھبڈ رے نوں آئے دروازے کڈھے بیک تلا ہے، جکے نا  
عبرانی بولی میں بیت حسدا کہوتا۔ اُوئے تلا رے چودھاری پانچ سُوفا، <sup>3</sup> آن  
اُوئاں سُوفاں بیٹھا اندھا، منڈا، لولہا آن بجا ایہڑا بیمار منکھ پڑیا ہوتا۔ (اُوئے تلا  
میں او پوٹی چلن رے انتظار میں ہوتا، <sup>4</sup> کیانکے کڈھے کڈھے ایشور رو بیک  
فرشتو اوتو آن تلا میں اُترتو، آن پوٹی نا چولتو۔ جڈے جکو وی پوٹی چلن ری  
گھڑی خاراں خاں پہلی اُوئے میں جاوتو، اُوئے نا کیہڑی وی بیماری ہوتی او  
خاجو خورو ہو جاوتو۔)

<sup>5</sup> اوتھ بیک منکھ بتو، جکو اٹھینخ خالاں خاں بیمار بتو۔ <sup>6</sup> یسوع اوتھ آ اُوئے  
منکھ نا پہل ڈٹھو، آن خمجھ گیو بیی او گھٹے وقت خاں ایہڑی حالت میں ہے۔  
جڈے اُوئے نا پوچھیو، ”توں خاجو خورو ہون چاہویں کی؟“

<sup>7</sup> اُوئے کہیو، ”سائیں، مہیں کڈھے کوئی ایہڑو منکھ کونی، جکو مہناں پوٹی  
چلن ری گھڑی تلا میں چھوڑے۔ جڈے ہوں اُوئے میں جاوُن ری کوشش  
کریں، تو پجو کوئی مہیں خاں پہلی پوٹی میں بیٹھو اُتر جاوئی۔“

<sup>8</sup> یسوع اُوئے نا کہیو، ”اٹھی ابھیج۔ آپرو بچھاٹو اُکھن آن جا۔“ <sup>9</sup> جھٹ میں او  
منکھ خاجو خورو ہو گیو، آن آپرو بچھاٹو اُکھن جاوُن لاگو۔

جکے ڈنہ اے بات ہوئی، او پویتر ڈنہ بتو۔ <sup>10</sup> ایسے خاراں یہودیاں را اگواں



اُوئے خاجے منکھ نا کہوٹن لاگا، ”آج پوئتر ڈنہ ہے، تھناں آج بچھاٹو اُکھٹن جاوٹن نی چاہیجے۔“

<sup>11</sup> تو خاجے منکھ اُوٹاں نا بلتی ڈنی، ”جکے مھناں خاجو خورو کریو ہے، اُوئے مھناں کہیو ہے آپرو بچھاٹو اُکھٹن آن جا۔“

<sup>12</sup> تو اگوٹاں پوچھیو، ”او منکھ کُن ہے؟ جکے تھناں بچھاٹو اُکھٹن رو آن جاوٹن رو کہیو ہے۔“

<sup>13</sup> پُن خاجے منکھ نا ایئے ری کوئی وی خبر کونی بتی کہ او کُن ہے، کیانکے گھمنخان ری وجہ خاں یسوع اوتھ خاں نخرن آلی کری۔

<sup>14</sup> اُوئے خاں پچھے یسوع اُوئے خاجے منکھ نا بیکل میں ٹکریو، آن اُوئے نا کہیو، ”جو، ہمے تُوں خاجو خورو ہو گیو ہے، تُوں ہمے بھلے خراب کوم متے کرے، نی توٹی تھاری حالت پہلکی حالت خاں وی بدھیک خراب بوخے۔“

<sup>15</sup> جڈے خاجو منکھ بوہو گیو، آن جان یهودی اگوٹاں نا کہیو، ”او منکھ یسوع ہے، جکے مھناں خاجو خورو کریو ہے۔“

<sup>16</sup> ایئے خاروں یهودی اگوٹاں یسوع نا تنگ کرن لاگا، کیانکہ او ایہڑا کوم پوئتر ڈنہ رو کرتو۔ <sup>17</sup> پُن یسوع اُوٹاں نا اے جواب ڈنو، ”مھارو باپ ہالی تک کوم

کرتو رہی، آن ہوں وی کوم کرتو رہیں۔“ <sup>18</sup> ایئے خاروں یهودی اگوٹاں یسوع نا مارن ری بدھیک کوشش کرن لاگا، کیانکہ او نی چھڑو پوئتر ڈنہ رے حکم نا ٹوڑتو، پُن ایشور نا آپرو باپ کہہ آپ نا ایشور خریکو وی کرتو۔

<sup>19</sup> ایئے تے یسوع یهودی اگوٹاں نا کہیو، ”ہوں تھوں نا خچ کہیں ڈیکرو آپری مرضی خاں کئیں کر کونی خگتو۔ او چھڑو اُوٹاں کر خگئی جاں آپرے باپ نا کرتے جوئی۔ جکو وی کوم باپ کرتی، او کوم ڈیکرو وی کرتی۔“ <sup>20</sup> کیانکے باپ ڈیکرے خاں پریم کرتی، آن جکو کوم او آپ کرتی او خارا ئی ڈیکرے نا

بتاؤئی۔ او اوائ کوماں خاں وی موٹا کوم اوائے نا بتائخے، جکاں نا تھوں منکھ  
 جون حیران ہو جاخو۔<sup>21</sup> کیانکے جھڑے نمونے ہاپ مووڑاں نا جیوتا کر اٹھائی  
 آن اوائ نا جیون ڈئی، اوائئی ڈیکرو وی جکاں نا جیون ڈیون چاؤئی، اوائ نا  
 ڈئی۔<sup>22</sup> کیانکے ہاپ کئی رو نیا کونی کرتو، پٹ ڈیکرے تے نیا کرن رو خارو  
 کوم چھوڑیو ہے۔<sup>23</sup> بی خارا لوک ڈیکرے ری عزت کرے جاں ہاپ ری کرئی۔  
 جکو ڈیکرے ری عزت کونی کرتا او اوائے ہاپ ری وی کونی کرتا جکے اوائے نا  
 ملیو ہے۔

<sup>24</sup> ہوں تھوں نا خچ کہیں جکو منکھ مہارو وچن منئی، آن اوائے تے وشواس  
 راکھئی جکے مہناں ملیو ہے، اوائے منکھ نا ہمیشہ رو جیون ملیو ہے، آن اوائے تے  
 ہمیشہ ری سزا رو فیصلو کونی۔ او موت خاں بچ گیو ہے، آن اوائے نا جیون ملیو  
 ہے۔

<sup>25</sup> ہوں تھوں نا خچ کہیں او ٹائم آئی وو، آن بیٹا آ گیو ہے، جڈے او منکھ  
 جکو مووڑاں ری جگھا ہے او ایشورے رے ڈیکرے رو بولو خٹخے، آن جکو اوائے  
 رے باتاں منخے اوائ نا جیون ملخے۔<sup>26</sup> کیانکے ہاپ ڈیکرے نا اے حق ڈنو  
 ہے کہ جھڑے نمونے اوائے خاں جیون ملئی، ایہڑے نمونے ایسے خاں وی جیون  
 ملئی۔<sup>27</sup> آن ہاپ اوائے نا نیا کرن رو وی حق ڈنو ہے، کیانکے او آدم زاد ہے۔

<sup>28</sup> ایسے بات تے تھوں حیران نی ہو وو، کیانکے ایہڑو ٹائم آخے جڈے مووڑا  
 منکھ خرائی قبران میں اوائے رو بولو خٹخے، آن قبران خاں نخر آخے۔<sup>29</sup> اوائ  
 منکھاں جکاں بھلا کوم کریا بوخے، او ہمیشہ رو جیون لیون خاڑوں جیوتا ہو  
 اٹھخے۔ آن اوائ جکاں خراب کوم کریا بوخے، او ہمیشہ ری سزا خاڑوں جیوتا ہو  
 اٹھخے۔

<sup>30</sup> ہوں آپری مرضی خاں کئیں کر کونی خگتو۔ جاں ایشور مہناں نیا کرن رو

کہی، اوٹاں ہوں نیا کرئیں۔ آن ہوں انصاف خاں فیصلا کرئیں، کیانکے ہوں آپری  
 مرضی کونی پٹ اوتے ری مرضی پوری کرٹ چاہوئیں، جکے مہناں میلیو ہے۔“  
<sup>31</sup> ”جے چھڑو ہوں آپرے بارے میں گواہی ڈیونت، تو کوئی ثبوت کونی ہوونت  
 بئی مہاری گواہی خاچی ہے یا کونی۔<sup>32</sup> پٹ بیک بچو ہے جکو مہارے بارے میں  
 گواہی ڈئی، آن مہناں خبر ہے اوتے ری ڈیوڑی گواہی مہارے بارے میں ثبوت  
 ہے۔

<sup>33</sup> تھوں یوحنا کڈھے منکھاں نا پوچھنٹ میلیا، آن اوتے خاچی گواہی ڈئی۔<sup>34</sup>  
 مہناں منکھاں ری ڈیوڑی گواہی ری کوئی ضرورت کونی۔ توئی ہوں یوحنا ری  
 ڈیوڑی گواہی ری بات کرئیں، بئی تھوں نا مگتی ملے۔<sup>35</sup> یوحنا پلتے ڈیئے ری  
 کار بتو۔ او منکھاں نا اُجیخ ڈیوتو، آن تھوں تھوڑی لگ اوتے ری ڈیوڑے آجائے  
 میں خوش بتا۔

<sup>36</sup> پٹ مہارے بارے میں بیک بچی گواہی ہے جکو یوحنا ری گواہی خاں وی  
 موٹی ہے۔ او اے ہے کہ جکو کوم مہارے باپ مہناں پورا کرٹ خاروں ڈنا ہے،  
 آن جکو ہوں کراں وو، او کوم آپ مہارے بارے میں گواہی ڈئی بئی مہارے باپ  
 مہناں میلیو ہے۔

<sup>37</sup> بچو مہارے باپ جکے مہناں میلیو ہے، اوتے آپ مہارے بارے میں گواہی  
 ڈئی ہے۔ تھوں اوتے ری آواز کڈھے کونی خٹی، نی تو اوتے رو روپ ڈٹھو ہے،  
<sup>38</sup> آن نی تو تھوں اوتے رو وچن من میں راکھئی، کیانکے تھوں اوتے نا کونی متنا

جکے نا باپ میلیو ہے۔<sup>39</sup> تھوں شاستر رے باتاں دھیان ڈے پڑھئی، کیانکے  
 تھوں خمجھئی اوٹاں خاں تھوں نا ہمیشہ رو جیون ملخے۔ پٹ او خاگی شاستر  
 مہارے بارے میں گواہی ڈئی،<sup>40</sup> توئی وی تھوں ہمیشہ رو جیون لیونٹ خاروں  
 مہیں کڈھے کونی آوتا۔

41 بات ایٹاں کونی کہ ہوں منکھاں خاں آپری عزت کراوٹ چاہوئیں۔<sup>42</sup> پٹ ہوں

تھوں رے بارے میں خمجھئیں تھوں من میں ایشور خاں پریم کونی راکھتا۔

43 ہوں آپرے باپ رے نوں خاں آیو باں، توئی وی تھوں مہناں کونی متا۔ پٹ جے

پجو کوئی آپرے نوں خاں آوے، تو اوئے نا تھوں ضرور منخو۔<sup>44</sup> تھوں چھڑو

بیکے پجے خاں عزت کراوٹ چاہوئی آن او عزت جکو ایشور تھوں نا ڈٹی کونی  
چاہوئا۔ تو پچھے تھوں کوکر وشواس راکھ خگخو؟

45 تھوں ایٹاں نی خوچو ہوں باپ کڈھے تھوں ری شکایت کرئیںخ۔ او جکو

46 تھوں ری شکایت کرخے، او موسیٰ آپ بوخے، جکے تے تھوں رو آخرو ہے۔

جے تھوں موسیٰ ری لکھیوڑی بات منی ہوونت، تو مہاری بات وی منی ہوونت،

کیانکے اوئے مہارے بارے میں لکھیو ہے۔<sup>47</sup> پٹ تھوں موسیٰ رے لکھیوڑے

باتاں کونی متا، تو پچھے مہارے باتاں کوکر منخو؟“

6

<sup>1</sup> اوئے خاں پچھے یسوع گلیل ری جھیل رے پہلوڑے پاخے گیو، جکے نا

تیریاں ری جھیل وی کہی۔<sup>2</sup> تمام گھٹا منکھ یسوع لارے گیا، کیانکے اوئاں

اوئے را او خارا پرچا ڈٹھا تا جکو اوئے بیماراں رے خارو کریا تا۔<sup>3</sup> پچھے یسوع

بیکے پہاڑ ماتھے چڑھ آپرے چیلاں بھیلو بیٹھو تو۔<sup>4</sup> اوئاں ڈنھاں میں یہودییاں ری

عید فسح آوٹ آلی بتی۔

<sup>5</sup> پچھے یسوع خومہوں جوویو، تو گھٹان منکھاں نا آپ کڈھے اوئے ڈٹھا۔

جڈے اوئے فلپس خاں پوچھیو، ”ایٹاں منکھاں نا کھالاوٹ خاروں آپاں باٹے کیتھ

خاں مول لے خاں؟“<sup>6</sup> اوئے فلپس رو آزموتو لیوٹ خاروں ایٹاں پوچھیو، کیانکے

یسوع نا اگے خبر ہتی بئی ہوں کی کریخ.

<sup>7</sup> تو فلیپس اُوائے نا بلتی ڈنی، ”ہ سو چاندی را سکا ہوونت، توئی وی ایٹاں

خاراں نا ہائی پوری کونی ہوونت، جکو ہر بیک نا ٹکڑو ٹکڑو آوے.“

<sup>8</sup> جڈے یسوع رے چیلاں میں بیک جکو شمعون پطرس رو بھائی اندریاس ہتو،

اُوائے یسوع نا کہیو، <sup>9</sup> ”ایتھ بیک چھوکرو ہے جکے کڈھے پونچ جو رے ہائے

آن ہے مچھے ہے. پئ اتران گھٹاں منکھاں خاروں کی بوخرے؟“

<sup>10</sup> تو یسوع کہیو، ”منکھاں نا پیخاٹو.“ اُوائے جگھا گھٹو گاخ ہتو، ایسے خاروں

او گاخ تے پیٹھا. اوتھ اندازو پونچ ہزار چھڑا مرد ہتا. <sup>11</sup> پچھے یسوع او ہائے

لیسے، آن شکر کرن اُوائے نا جکو پیٹھا تا بند ڈنے. پچھے خاگرے نمونے شکر

کرن مچھے وی ڈنے. منکھاں نا جتری بھائی، اتری کھاہی.

<sup>12</sup> جڈے منکھ کہا دھاپیا، تو یسوع آپرے چیلاں نا کہیو، ”بچیوڑا ٹکڑا بھیلہ

کرو، بئی کئیں ضائع نی ہووے.“ <sup>13</sup> تو چیلاں ہائیاں را ٹکڑا بھیلہ کریا جکو

کھاوٹ آلاں بچایا تا، آن اُوائے پونچاں جو رے ہائیاں را بچیوڑا ٹکڑاں خاں چیلاں

بارھے ٹوکرا بھریا.

<sup>14</sup> جڈے منکھاں یسوع رو اے پرچو ڈٹھو، تو او ایٹاں کہوٹ لاگا، ”اے تو او

رو او ایشور رو نبی ہے جکو دُنیا میں آوٹ آو ہتو.“ <sup>15</sup> یسوع نا اے خبر ہتی کہ

منکھ مہناں زوری جہال آپرو راجا ٹھاوٹ چاہوئی، ایسے خاروں او پہاڑاں میں

بیکھلو بوہو گیو.

<sup>16</sup> جڈے ڈنہ آتھوٹ آو ہتو، تڈے یسوع را چیلا پہاڑ خاں اتر جھیل تے گیا.

<sup>17</sup> اوتھ پیڑی میں چڑھ پاچھا جھیل رے ہجے پاخرے کفرنحوم شہار ڈخا جاوٹ

لاگا. اُوائے ٹائم رات ہو گئی تی، آن یسوع ہالی تک اُوائے کڈھے پاچھو کونی آيو

18 تو. گھٹو بائرو چَلنِ لاگو، آن جھیل رو پوٹی گھٹو اوتھال پُتھال ہووَن لاگو.

19 جڈے چِیلا بیڑی نا تین چار میل لگ لے گیا، تو اُوئاں یسوع نا جھیل رے

پوٹی ماتھے بیوتے آن بیڑی رے نیڑو اوتے ڈُٹھو، ایسے تے او گھٹا پیسی گیا. 20 پٹ

یسوع اُوئاں نا کہیو، ”تھوں پیہو متے. اے ہوں ہاں.“ 21 تو اُوئاں یسوع نا  
خوشی خاں بیڑی میں بینخائیو، آن یکدم بیڑی اوتھ پگ گئی جیتھ اُوئاں نا جاوٹو  
بتو.

22 بچے ڈُٹھ جکو گھٹا منکھ اُوئے جھیل رے پہلوڑے پاخے رہ گیا تا، او  
خمجھیا کالھے ایتھ چھڑو بیک بیڑی بتی، آن یسوع آپرے چِیلاں بھیلو اُوئے بیڑی  
میں کونی چڑھیو تو آن چِیلا چھڑا بیکھلا گیا تا. 23 جڈے کئینک بچے بیڑے  
تیریاں شہار خاں اُوئے جگھا رے نیڑے آئے، جیتھ پرہو یسوع ہاٹیاں خارو  
شکر کریو تو، آن پچھے منکھاں ہاٹے کھادھے تے. 24 جڈے خاراں منکھاں  
ڈُٹھو ایتھ نی تو یسوع ہے نی تو اُوئے را چِیلا، تو او اُوئاں بیڑیاں میں چڑھ یسوع  
نا جوَن خارو کفرنحوم شہار ڈُخا روا نا ہویا.

25 جڈے منکھاں یسوع نا جھیل رے بچے پاخے جو لادھو، تو اُوئاں یسوع نا  
پوچھیو، ”گرو جی، تھوں ایتھ کڈے آیا ہو؟“

26 جڈے یسوع اُوئاں نا کہیو، ”ہوں تھوں نا خچ کہیں تھوں مھناں ایسے خارو  
کونی جوتا کہ تھوں مھارے پرچاں رو مطلب خمجھیو ہے. پٹ مھناں ایسے

خارو جوو وا بئی تھوں ہاٹے کھا دھاپیا. 27 آپری پوری کوشش ایہڑے کھادھے

خارو نی کرو جکو خراب ہو جاوئی. پٹ ایہڑے کھادھے خارو کرو جکو  
ہمیشہ تک رہی، آن جکے خاں ہمیشہ رو جیون ملئی. او کھادھو آدم زاد تھوں نا  
ڈینخے، کیانکے ایشور ہاپ اُوئے نا اے کوم کرن رو حق ڈنو ہے.“

28 جڈے اُوٹاں پوچھیو، ”مہوں نا کی کرٹ چاہیجے جکو مہیں ایشور را کوم پورا کراں؟“

29 یسوع بتتی ڈنی، ”ایشور را کوم اے ہرے تھوں اُوئے تے وشواس راکھو جکے نا ایشور میلیو ہرے۔“

30 جڈے اُوٹاں پوچھیو، ”تھوں کیہڑو پرچو بتاؤئی، جکے نا جو مہیں تھیں تے وشواس راکھاں؟ تھوں کیہڑو کوم کرخو؟“ 31 جڈے اپٹا باپ ڈاڈا بیابان میں ہتا، جڈے اُوٹاں من کھادھو تو، جاں شاستر میں لکھیوڑے ہرے، ’اُوئے اُوٹاں نا کھاوٹ خاڑوں آکاخ خاں ہاٹی ڈنی۔“

32 جڈے یسوع اُوٹاں نا کہیو، ”ہوں تھوں نا خچ کہیں او موسیٰ کونی ہتو جکے تھوں نا آکاخ خاں خاچی ہاٹی ڈنی تی۔ پٹ او ہرے مہارو باپ، جکو تھوں نا آکاخ خاں خاچی ہاٹی ڈنی۔“ 33 کیانکے ایشور ری ڈیوڑی ہاٹی او ہرے جکو آکاخ خاں آیوڑی ہرے، آن دُنیا ری منکھاں نا جیون ڈنی۔“

34 جڈے اُوٹاں کہیو، ”سادھو جی، او ہاٹی مہوں نا ہمیشہ ڈیتا رو۔“

35 تو یسوع اُوٹاں نا کہیو، ”جیون ڈیون آلی ہاٹی ہوں ہاں۔ جکو مہیں کڈھے اوئی، اُوئے نا کڈھے وی بوکھ کونی لاگے۔ آن جکو مہیں تے وشواس راکھئی، اُوئے نا کڈھی وی ترخ کونی لاگے۔“ 36 پٹ جاں مہیں تھوں نا اگے کہیو تو،

37 تھوں مہناں ڈٹھو ہرے، توئی وی تھوں مہیں تے وشواس کونی راکھتا۔ جترا منکھ مہارو باپ مہناں ڈٹی، او خارا ئی مہیں کڈھے آخرے آن جکو مہیں کڈھے آخرے، اُوئے نا ہوں کڈھے وی کونی کاڈھاں۔“ 38 کیانکے ہوں آکاخ خاں ایئے

39 خاڑوں آبو ہاں بی مہاری آپری مرضی نی، پٹ اُوئے ری مرضی پوری کراں جکے مہناں میلیو ہرے۔ مہناں میلہٹ آگے ری مرضی اے ہرے، جترا منکھ اُوئے مہناں

ڈنا ہے، اُوٹاں میں ہوں بیکے نا وی نی گمّاؤں، پٹ ڈنیا رے آخری ڈنہ اُوٹاں نا  
بھلے جیوٹا کراں۔<sup>40</sup> کیانکے مہارے باپ ری مرضی اے ہے، جتِرا ڈیکرے نا  
جووے آن اوئے تی وشواس راکھے، اُوٹاں نا ہمیشہ رو جیون ملے، آن ہوں ڈنیا  
رے آخری ڈنہ اُوٹاں نا بھلے جیوٹا کراں۔“

<sup>41</sup> ایئے تے یہودی یسوع ری گلا کرٹ لاگا، کیانکے اوئے کہیو تو، ”آکاخ  
خاں آیوڑی ہاٹی ہوں ہاں۔“<sup>42</sup> او کہوٹ لاگا، ”اے منکھ یوسف رو ڈیکرو یسوع  
کونی کی؟ آپاں ایئے رے مائیتراں نا اولکھئیں۔ تو پچھے او کوکر کہی ہوں آکاخ  
خاں آیوڑو ہاں؟“

<sup>43</sup> جڈے یسوع اُوٹاں نا کہیو، ”آپت میں گلا نی کرو۔“<sup>44</sup> کوئی منکھ اُتری تک  
مہیں کڈھے آکونی خگتو، جتری تک مہارے باپ جکے مہناں میلیو ہے، اوئے  
نا مہیں کڈھے نہ چھکے۔ آن ہوں ڈنیا رے آخری ڈنہ اوئے نا بھلے جیوٹو کر  
اُٹھائیںخ۔

<sup>45</sup> نبیاں رے صحیفاں میں ایٹاں لکھیوڑو ہے، ”ایشور آپرے خاراں منکھاں نا  
خکھاخے۔“ جتِراں منکھاں باپ رے باتاں خُن اوئے کڈھے آخیکھئی، او خارا  
ئی مہیں کڈھے آوئی۔<sup>46</sup> ایٹاں کونی کہ کئی منکھ باپ نا ڈٹھو ہے پٹ چھڑو  
اوئے جکو ایشور کڈھے خاں آیوڑو ہے، اوئے جی باپ نا ڈٹھو ہے۔

<sup>47</sup> ہوں تھوں نا خچ کہیں جکو وشواس راکھئی، اوئے نا ہمیشہ رو جیون ملیو

ہے۔<sup>48</sup> جیون ڈیون آلی ہاٹی ہوں ہاں۔<sup>49</sup> تھوں رے باپ ڈاڈاں بیابان میں او من

کھادھو تو، توئی وی او مر گیا۔<sup>50</sup> پٹ آکاخ خاں آیوڑی ہاٹی اے ہے، جکے نا  
کھاوٹ خاں منکھ کونی مرتو۔<sup>51</sup> آکاخ خاں آیوڑی جیون ڈیون آلی ہاٹی ہوں آپ

ہاں۔ جکو وی او ہاٹی کھاوئی، او ہمیشہ تک جیوٹو رخنے۔ اے ہاٹی جکو ہوں  
ڈیئخ، او مہارو آپرو بدن ہے۔ آن او ہوں ایئے خاروں ڈیئخ کہ ڈنیا رے منکھاں نا



جیونِ ملے۔“

52 ایسے تے یہودی آپت میں ایٹاں تکرار کرن لاکا، ”اے منکھ آپاں نا کوکر آپرو  
مونخ کھلا خگھئی؟“

53 جڈے یسوع اوتان نا کہیو، ”ہوں تھوں نا خچ کہیں جتری تک تھوں آدم زاد  
رو مونخ کونی کھاؤ، آن جتری تک تھوں اوتے رو لوبی کونی پیو، اتری تک تھوں  
میں جیون کونی بووے۔“ 54 جکو وی مہارو مونخ کھاوئی، آن مہارو لوبی پیئی،

اوتے نا ہمیشہ رو جیون ملیو ہے، آن دنیا رے آخری ڈنہ ہوں اوتے نا جیوتو  
کریخ۔ 55 کیانکے مہارو مونخ حقیقت میں کھاوڑی شے ہے، آن مہارو لوبی  
حقیقت میں پیٹری شے ہے۔ 56 جکو وی مہارو مونخ کھاوئی آن مہارو لوبی

پیئی، او مہیں میں رہی آن ہوں اوتے میں رہیں۔ 57 جہڑے نمونے جیون ڈیون آئے  
باپ مہناں ملیو ہے، آن ہوں باپ رے کرے جیوتو باں، ایہڑے نمونے جکو  
مہناں کھاوئی، او وی مہارے کری جیوتو ریخے۔ 58 اے او ہاٹی ہے جکو آکاخ  
خان آیوڑی ہے۔ او ہاٹی ایہڑی کونی جکے نا اٹے باپ ڈاڈان کھادھی تی آن  
توئی وی مر گیا تا۔ جکو او ہاٹی کھاوئی، اوتے نا ہمیشہ رو جیون ملخے۔“

59 یسوع اے خارے باتاں جڈے کہے جڈے او کفرنحوم شہار رے بھگتی  
گھر میں خکھاوتو وو۔

60 یسوع رے اے باتاں خن اوتے رے چیلاں میں گھٹاں جٹاں کہیو، ”اے  
باتاں بالکل ڈکھے ہے ایٹاں نا کن منخے؟“

61 پیٹ یسوع آپرے من میں خمجھ گیو بی مہارا چیلا ایسے بات رے بارے میں  
گلا کرئی وا۔ ایسے خاروں اوتان نا کہیو، ”ایٹاں باتاں خاں تھورو وشواس اکھٹیج  
گیو ہے کی؟“ 62 جسے تھوں آدم زاد نا اوتھ آکاخ ماتھے چڑھتے جوخو جیتھ او اگے

بتو، تو پچھے کی بوخرے؟<sup>63</sup> او پوِتر آتما ہے جکو جیون ڈٹی. مہارے مونخ رو کوئی فائدو کونی. جکو باتاں مہیں تھوں خاں کریئے ہے، اوئاں خاں پوِتر آتما آن جیون ملئی.<sup>64</sup> پٹ تھوں میں کئینک ایہڑا ہے جکو مہیں تے وشواس کونی راکھتا.

یسوع اے بات کہی، کیانکے شروع خاں لے اوئے نا خبر بتی کُن کُن مہیں تے وشواس کونی راکھتا، آن او کُن ہے جکو مہناں جہلاخے.

<sup>65</sup> تو یسوع بھلے کہیو، ’اوئے بات رے کرے مہیں تھوں نا اگے ایئاں کہیو تو کوئی منکھ مہیں کڈھے اتری تک آ کونی خگتو، جتری تک باپ اوئے نا ایئاں کرن ری ہمت نی ڈے.’

<sup>66</sup> اوئے ٹائم خاں لے یسوع رے چیلاں میں گھٹاں جٹاں یسوع نا چھوڑ ڈنو، آن اوئے لارے کونی گیا.<sup>67</sup> تو یسوع آپرے بارباں چٹیورٹو چیلاں خاں پوچھیو، ’تھوں وی مہناں چھوڑن چاہوئی کی؟‘

<sup>68</sup> جڈے شمعون پطرس اوئے نا بلتی ڈنی، ’پرہو، مہیں بچے کے کڈھے

جاؤں؟ چھڑو تھوں ہو جکے رے باتاں خاں ہمیشہ رو جیون ملئی.<sup>69</sup> مہوں تھوں تے وشواس راکھیو ہے، آن مہوں نا پکی تسلی ہے کہ تھوں ایشور را میلیورٹو پوِتر ہو.’

<sup>70</sup> جڈے یسوع اوئاں نا کہیو، ’مہیں آپ تھوں بارباں جٹاں نا کونی چٹیا ہاں

کی؟ توئی پٹ تھوں میں بیک شیطان ہے.’

<sup>71</sup> یسوع اے بات شمعون اسکریوتی رے ڈیکرے یہوداہ رے بارے میں کہی تی، جکو بارباں چٹیورٹو چیلاں میں خاں بیک بتو، آن یسوع نا جھلاوٹو آلو بتو.

1 اُوئے خاں پچھے یسوع گلیل صوبے میں پھرتو ریو. او یھودیہ صوبے میں جاوڻ خاں پاخو کرتو، کیانکے اوتھلا یھودی اگواڻ اُوئے نا مارڻ چاہوتا.

2 یھودی دھرم ری عید نیڑی آئی، جکے نا خیام ری عید کہی. 3 جڈے یسوع رے بھایاں اُوئے نا کہیو، ”ایتھ خاں روانہ ہو یھودیہ صوبے میں جا، بی او موٹا کوم جکو تُوں کرئی وو، او کوم تھارا اوتھلا چیلہ جو خگے. 4 جکو منکھ مشہور ہووڻ چاہوئی، او آپرا کوم لکاء کونی خگتو. تُوں ایہڑا کوم کرئی وو، تو پچھے آپرو آپ نا خاری دُنیا تے ظاہر کر.“ 5 یسوع رے بھایاں ایٹاں کہیو، کیانکے او وی اُوئے تے وشواس کونی راکھتا بتا.

6 جڈے یسوع اُوٹاں نا کہیو، ”مھارے جاوڻ رو ٹائم ہالی کونی آیو. پڻ تھوں کہی وی ٹائم جا خگئی. 7 دُنیا را منکھ تھوں خاں بیر راکھ کونی خگتا. پڻ مھیں خاں او بیر راکھئی، کیانکے بُوں اُوٹاں رے بارے میں گوابی ڈے کہیں کہ اُوٹاں را کوم بُرا ہے. 8 تھوں آپ بھلیں عید تے جاؤ. بُوں بیٹا ایئے عید تے اوتھ کونی جاوڻ چاہوتو، کیانکے مھارے جاوڻ رو ٹائم ہالی کونی آیو ہے.“

9 ایٹاں کہہ یسوع گلیل صوبے میں ریو.

10 جڈے یسوع را بھائی عید تے یروشلم شہار میں گیا، اُوئے خاں پچھے یسوع آپ وی اوتھ گیو. پڻ او صاف نمونے نی، پڻ لک چھپ میں گیو.

11 تو یھودی اگواڻ یسوع نا عید تے جوتا وا، آن کہوٹا وا، ”او کیتھ ہے؟“ 12 آن منکھاں ری میڑ میں وی گھٹا منکھ یسوع ری بارے میں کھس بس کرتا وا. کئینک کہوٹا وا، ”او نیک منکھ ہے.“ پڻ پیجا کہوٹا وا، ”نا نا، ایٹاں کونی. او منکھاں نا ٹھگ اُندھے پاخے پھیرئی.“ 13 پڻ کوئی وی منکھ یسوع رے بارے میں خاراں رے رُوپرو کونی ہولیو، کیانکے او خارا ئی آپرے یھودی اگواٹاں خاں

پہوتا۔

14 جڈے عید رے ہفتے را آدھا ڈنہ ٹرپ گیا، پچھے یسوع بیکل میں گیو آن

15 ایئے تے یہودی اگوان حیران ہو گیا، آن کہوٹ لاگا، ”اے

منکہ خیکھٹ خاں ٹال کوکر شاستر رے باتاں خمجھئی؟“

16 جڈے یسوع اوٹاں نا کہیو، ”جکو باتاں ہوں خکھاؤں وو، او مہارے آپرے

باتاں کونی، پیٹ اوئے رے باتاں ہے جکے مہناں میلیو ہے۔ 17 جے کوئی منکہ

ایشور ری مرضی تے بیہوٹ چاہوئی، تو اوئے نا مہارے خکھایوڑے باتاں رے بارے میں خبر بوخے، کہ اے باتاں ایشور کڈھے خاں ہے یا ہوں چھڑو آپرے

پاخے خاں کہوئیں وو۔ 18 جکو منکہ آپرے پاخے خاں ہولئی، او آپری عزت

بدھاوٹ چاہوئی۔ پیٹ جکو منکہ آپ نا میلٹ آئے ری عزت بدھاوٹ چاہوئی، او

منکہ خچو ہے آن اوئے میں کوئی کوڑ کونی ہووے۔ 19 موسیٰ تھوں نا ایشور را

حکم کونی ڈنا کی؟ توئی وی تھوں میں کوئی ایشور رے حکماں تے کونی

بیہوتا۔ تو پچھے تھوں کیہٹ خاروں مہناں مارٹ چاہوئی؟“

20 ایئے تے خاراں منکھاں کہیو، ”تھوں نا تو بہوت لاگوڑو ہے۔ تھوں نا کٹ

مارٹ چاہوئی؟“

21 پیٹ یسوع اوٹاں نا کہیو، ”مہیں بیک کوم کریو، آن تھوں خارا ئی حیران ہو

گیا او۔ 22 موسیٰ تھوں نا ختنو کراوٹ رو حکم ڈنو۔ پیٹ او ختنو کراوٹ ری بات

موسیٰ خاں نا، پیٹ تھوں رے پاپ ڈاڈاں خاں شروع ہوئی ہے۔ آن تھوں پویتر ڈنہ

رو وی چھوکراں را ختنا کراوئی۔ 23 جاں تھوں موسیٰ رے لکھیوڑے حکماں نا

نی ٹوڑٹ خاروں پویتر ڈنہ رو چھوکراں را ختنا کرتا رہی، تو پچھے تھوں مہیں تے

کے خاروں ریخ کرئی؟ جکو مہیں پویتر ڈنہ رو بیکے منکہ رو پورو بدن خاجو

24 خورو کریو ہے۔ تھوں خوچے بغیر مہارے بارے میں فیصلو نی کرو، پٹ  
انصاف خاں فیصلو کرو۔“

25 پچھے یروشلم شہار رے روٹ آلاں میں کئینک جٹا کہوٹ لاگا، ’اے منکھ  
او رو او کونی کی؟ جکے نا اپٹا اگواٹ مارٹ ری کوشش کرئی وا۔‘<sup>26</sup> جوؤ، اے  
خاراں رے روبرو بولئی وو، پٹ او ایٹے رو نوں ئی کونی لیوتا۔ اپٹے دھرم را اگواٹ  
خمجھ گیا را کی؟ اے منکھ خچی ایشور رو چٹیورو مسیح ہے۔<sup>27</sup> پٹ جڈے  
ایشور رو چٹیورو مسیح آخے، تو کئی نا خبر کونی بوخے کہ او کیتھ آہو ہے۔ آن  
آپاں نا خبر ہے اے منکھ کتھلو ہے۔

28 ایٹے تے یسوع ہیکل میں خکھاوتے اونچی آواز خاں کہیو، ’تھوں نا خبر ہے  
مہارو نوں کی ہے، آن مہارو شہار کہیو ہے۔ توئی وی ہوں آپری مرضی خاں  
کونی آہو پٹ جکے مہناں میلیو ہے، او خچو ہے، آن تھوں اُوئے نا کونی اولکھتا۔  
پٹ ہوں اُوئے نا اولکھئیں، کیانکے ہوں اُوئے کڈھے خاں آہورو ہاں آن اُوئے  
مہناں میلیو ہے۔‘

30 ایٹے تے منکھ اُوئے نا جھالٹ ری کوشش کرٹ لاگا۔ پٹ کوئی اُوئے نا ہاتھ  
ئی کونی لگا خگیو، کیانکے اُوئے رو ٹائم ہالی کونی آہو تو۔

31 پٹ اُوٹاں خاراں منکھاں میں گھٹاں منکھاں یسوع تے وشواس راکھیو، آن او  
ایٹاں کہوٹا، ”جڈے ایشور رو چٹیورو مسیح آخے، او ایٹے منکھ خاں بدھیک  
پرچا بتاخے کی؟“

32 جڈے فریسی ٹوئی رے منکھاں خٹیو بئی منکھاں میں ایٹے بات ری بارے  
میں کھس بس ہوئی وی کہ یسوع ایشور رو چٹیورو مسیح ہے، تڈے اُوٹاں آن  
موٹاں پوجاریاں آپرے سپاہیاں نا ملیا کہ او یسوع نا جھال آوے۔

33 جڈے یسوع کہیو، ”ہالی تھوڑی تک ہوں تھوں بھیلو ہاں، آن اُوئے خاں

پچھے ہوں اُوئے کڈھے جائیخ جکے مہناں میلیو ہے۔<sup>34</sup> تھوں مہناں جوخو، پٹ  
ہوں تھوں نا کونی لادھاں۔ جیتھ ہوں ہوئیخ، اوتھ تھوں آ کونی خگو۔“

ایئے تے یہودی اگواٹ بیکے بچے نا کہوٹ لاگا، ”اے منکھ کیتھ بھج  
جاخے جکو مہیں ایئے نا جو کونی خگاں؟ کی اے اِپٹی قوم رے منکھاں کڈھے  
جاخی جکو یونانیاں میں بیٹھا ہے؟ آن اوتھ جا یونانی قوم ری منکھاں نا  
خکھاخے؟“<sup>35</sup> ایئے رے کہوٹ رو مطلب کی ہے؟، ”تھوں مہناں جوخو، پٹ ہوں  
تھوں نا کونی لادھاں،“ آن ”جیتھ ہوں ہوئیخ، اوتھ تھوں آ کونی خگو۔“

عید رے آخری آن خاراں خاں موٹے ڈنھ یسوع اُٹھی ابھیجو، آن زور خاں  
کہیو، ”جے کیئے نا ترخ لاگرے، تو او مہیں کڈھے آ پیئے۔“<sup>38</sup> جکو مہیں تے  
وشواس راکھئی، جاں شاستر میں لکھیوڑے ہے اُوئے رے من میں جیون ڈیون آئے  
پوٹی رے ندے بہنھے۔“

اے بات یسوع پوئتر آتما رے بارے میں کہی، جکو اُوئے خاں پچھے اُوئاں  
منکھاں نا ملٹ آو ہتو جکاں یسوع تے وشواس راکھیو ہتو۔ ہالی پوئتر آتما میلیوڑو  
کونی ہتو، کیانکے ایشور یسوع نا ہالی تک آکاخ میں آپرے جلال میں کونی لیو  
تو۔

جڈے خاراں منکھاں یسوع رے اے باتاں خُٹھے، تو اُوئاں میں کئینک  
کہوٹ لاگا، ”اے منکھ خچی ایشور رو نبی ہے۔“<sup>41</sup> ”بجا منکھ کہوٹا وا،“ اے  
ایشور رو چُٹیوڑو مسیح ہے۔“ ”پٹ بجا کہوٹ لاگا،“ ایشور رو چُٹیوڑو مسیح گلیل  
صوبے خاں کوکر آخرے؟<sup>42</sup> کیانکے شاستر میں ایئاں لکھیوڑو ہے کہ ایشور رو  
چُٹیوڑو مسیح داؤد راجا ری پیڑھی رو بوخے، آن بیت لحم شہار میں جلم خے  
جیتھ داؤد آگرے ربتو۔“

تو یسوع رے کرے خاراں منکھاں میں آپت میں اختلاف ہو گیو۔<sup>44</sup> اُوئاں

میں کئینک یسوع نا جھالٹ چاہوتا، پٹ کوئی اوئے نا ہاتھ ئی کونی لگا خگیو.

45

پچھے بیکل را سپاہی موٹاں پوجاریاں آن فریسی ٹوئی رے منکھاں کڈھے  
پاچھا آیا. اوٹاں سپاہیاں خاں پوچھیو، ”تھوں اوئے نا کہٹ خاروں جھال کونی  
آیا؟“

46

تو سپاہیاں بلتی ڈنی، ”کوئی منکھ ایٹاں کڈے وی کونی بولیو، جاں او  
منکھ بولئی.“

47

ایئے تے فریسی ٹوئی رے منکھاں کہیو، ’اوئے تھوں نا وی ٹھگیا ہے کی؟

48

دھرم رے اگواٹاں میں یا مھوں فریسی ٹوئی آلاں میں کئی اوئے تے وشواس

49

راکھیو ہے کی؟ نا، کئی وی کونی. پٹ او بے خمجھ منکھ جکاں نا شاستر  
ری کوئی خبر ئی کونی ہے، او ایشور را پٹیورا ہے.“

50

پٹ اوٹاں فریسی ٹوئی آلاں میں بیک نیکدیٹس بتو، جکو اگے یسوع کڈھے

گیو تو. ایئے اوٹاں نا کہیو،<sup>51</sup> ”آپٹی شاستر میں لکھیوڑے حکماں رے مطابق،  
جتری تک مھیں کیئے منکھ ری بات خٹ نی لاں کہ اوئے کی کریو ہے، اتری  
تک مھیں اوئے ری سزا رو فیصلو کر کونی خگتا.“

52

جڈے اوٹاں نیکدیٹس نا کہیو، ”توں وی گلیل صوبے رو ہے کی؟ صحیح  
نمونے شاستر میں جو، تھناں خبر پڑھے گلیل صوبے میں ایشور رو کوئی نی  
کونی آوے.“

53

اوئے خاں پچھے خارا ئی منکھ آپرے آپرے گھرے بوبا گیا.

1

8 پٹ یسوع زیتون نوں رے پہاڑ تے گیو.

2

پچھے ڈنھ خاکلے یسوع بھلے بیکل میں پاچھو آیو. اوتھ خارا ئی منکھ اوئے  
کڈھے آیا، آن یسوع پیخ اوٹاں نا خکھاوٹ لاگو.

<sup>3</sup> جڈے فقیہ آن فریسی ٹولی را منکھ بیکی لگائی نا یسوع کڈھے لے آیا، جکو

بُرو کوم کرتی جھلیجی تی. اوٹاں لگائی نا خاراں ری بیج میں اُبھجائی، <sup>4</sup> آن

یسوع نا کہیو، ”گرو جی، اے لگائی بُرو کوم کرتی جھلیجی ہے. <sup>5</sup> مُوسیٰ رے

لکھیوڑے حُکماں میں مُوسیٰ آپاں نا ایہڑیاں لگایاں نا ککرا مارنُ رو کہیو ہے.

ایسے خاراں تھوں کہو تھوں آپ کی کہی؟“

<sup>6</sup> اوٹاں یسوع نا پھخاوُنُ خاراں ایٹاں کہیو تو، بی اوٹاں نا کوئی بات ملے،

جکے تے او یسوع رو قصور کاڈھ خگے.

پنُ یسوع بیٹھو ہو آپری اونگلی خاں زمین تے لکھنُ لاگو. <sup>7</sup> پنُ او یسوع خاں

پوچھتا ریا، تو یسوع اُٹھی اوبھیجو، آن اوٹاں نا کہیو، ”تھوں میں جکے وی

کوئی گناہ کونی کریو، او خاراں خاں پہل ایسے لگائی نا ککرو مارے.“ <sup>8</sup> پچھے

یسوع بھلے بیٹھو ہو زمین تی لکھنُ لاگو.

<sup>9</sup> اے بات خُنُ خارا ئی موٹا آن چھوٹا بیکے بجے لارے بیکو کو ہو کھسک

گیا. چھڑو یسوع اوتھ بیکھلو ریو، آن لگائی اوٹے خومھے رہ گی. <sup>10</sup> جڈے

یسوع اُٹھی اوبھیجو، آن لگائی نا کہیو، ”ہائی، اے خارا کیتھ گیا؟ کی تھیں تے

سزا ڈیونُ رو فیصلو کیسے کونی ڈنو؟“

<sup>11</sup> تو لگائی کہیو، ”جی، کونی. کیسے وی کونی ڈنو.“

پچھے یسوع اوٹے نا کہیو، ”ہوں وی تھناں سزا کونی ڈیوتو. جا، آن بھلے

کڈھی وی گناہ متے کرے.“

<sup>12</sup> یسوع بھلے منکھاں نا خکھاوُنُ لاگو، آن کہیو، ”ہوں دُنیا رو اُجالو ہاں.

جکو وی مھیں لارے آخرے، او کڈے وی اندھارے میں کونی بہے، پنُ اوٹے نا

جیونُ رو اُجالو ملخے.“



13 ایسے تے فریسی ٹوٹی رے منکھاں اُوئے نا کہیو، ’توں آپرے بارے میں گواہی  
ڈٹیں، ایسے خاوں ثبوت کونی کہ تھاری بات خاچی ہے۔“

14 یسوع اُوئاں نا بلتی ڈنی، ’ہوں بہلائیں بیکھلو آپرے بارے میں گواہی ڈٹیں،  
توئی مہیں کڈھے ثبوت ہے مھاری ڈیوڑی گواہی خاچی ہے، کیانکے مہناں خبر  
ہے ہوں کیتھ خاں آیو ہاں، آن کیتھ جاؤں وو۔ پٹ تھوں نا خبرئی کونی ہوں  
کیتھ خاں آیو ہاں، آن کیتھ جاؤں وو۔ 15 تھوں چھڑو منکھاں ری سوچ آئی کار

16 فیصلو کرئی، پٹ ہوں آپ کیئے رو فیصلو کونی کرتو۔ پٹ جڈے ہوں فیصلو  
کرئیں، جڈے مھارا فیصلو خچو ہے، کیانکے ہوں بیکھلو نیا کونی کرتو۔ پٹ ہوں  
آن او جکے مہناں میلیو ہے، مہیں پنہائیں بھیلا ہو نیا کرئیں۔ 17 تھوں رے آپرے  
شاستر میں وی موسیٰ رو لکھیوڑو اے حکم ہے کہ پیاں منکھاں ری ڈیوڑی گواہی  
خاں خچ رو ثبوت ہوئی۔ 18 ہوں او ہاں جکو آپرے بارے میں گواہی ڈٹیں، آن  
پیجو مھاری گواہی ڈیوڑی آکو مھوں رو باپ ہے، جکے مہناں میلیو ہے۔“

19 جڈے او یسوع خاں پوچھن لاگا، ’تھوں رو باپ کیتھ ہے؟‘

تو یسوع بلتی ڈنی، ’تھوں نی تو مہناں اولکھئی، نی تو مھارے باپ نا  
اولکھئی۔ جے تھوں مہناں اولکھیو ہونت، تو مھارے باپ نا وی اولکھیو  
ہونت۔“

20 یسوع اے باتاں بیکل میں خکھاوتے اُوئے جگھا کہے، جیتھ دھرم دان  
خاوں پیٹے راکھیوڑے ہتے۔ توئی وی اُوئے نا کیئے کونی جھالیو، کیانکے ہالی  
اُوئے رو ٹائم کونی آیو تو۔

21 یسوع بھلے یہودی اگوائیاں نا کہیو، ’ہوں جائیخ رو، آن تھوں مہناں جوخو۔  
پٹ تھوں پاپاں ری معافی ملن بنا مر جاخو۔ جیتھ ہوں جاوئیں، اوتھ تھوں آ کونی  
خگتا۔“

22 جڈے اگواں آیت میں بیکے بجے نا کہوٹ لاگا، ”اے آپ نا آپ مارخے،  
کی؟ جکو ایٹاں کہی جیتھ ہوں جاوئیں، اوتھ تھوں آ کونی خگتا.“

23 پٹ یسوع اوٹاں نا کہیو، ”تھوں بینٹھلا ہو، پٹ ہوں ماتھلو ہاں. تھوں ایئے دُنیا  
را ہو، پٹ ہوں ایئے دُنیا رو کونی. 24 مہیں تھوں نا بیٹا کہیو تو تھوں آپرے پاپاں  
ری معافی ملٹ بنا مر جاخو. جے تھوں ویساہ کونی راکھتا خچی ہوں کٹ ہاں،  
تو تھوں آپرے پاپاں میں مر جاخو.“

25 جڈے اوٹاں یسوع خاں پوچھیو، ”توں کٹ ہے؟“

26 تو یسوع کہیو، ”شروع خاں لے ہوں تھوں نا کہیں وو کہ ہوں کٹ ہاں. مہیں  
کڈھے گھٹے ایہڑے باتاں ہے جکو ہوں تھوں رے بارے میں کہہ خگئیں، آن  
جکاں رے کرے ہوں تھورو نیا کر تھوں رو فیصلو کر خگئیں. پٹ ہوں چھڑو او  
باتاں دُنیا رے منکھاں نا کہیں جکو مہیں آپرے میلٹ آئے خاں خٹھے، آن او  
خچو ہے.“

27 پٹ او منکھ کونی خمجھیا بی یسوع اوٹاں نا آپرے باپ رے بارے میں

28 کہی وو. ایئے خاروں یسوع کہیو، ”جڈے تھوں آدم زاد نا اونچو چاڑھنخو،  
تڈے تھوں نا خبر پڑھے کہ خچی ہوں کٹ ہاں. آن تھوں نا ایئے ری وی خبر  
پڑھے بی ہوں آپری پاخے خاں کئیں کونی کرتو، پٹ جکو باتاں مہارے باپ  
مہناں خکھائے، او ہوں کرئیں. 29 اوئے جکے مہناں میلیو ہے، او مہیں بھیلو ہے.  
اُوئے مہناں بیکھلو کونی چھوڑے، کیانکے ہوں او کوم ہمیشہ کرتو ریں، جکو  
اُوئے نا پسند آوئی.“

30 جڈے یسوع اے باتاں کرتو وو، تڈے گھٹاں منکھاں اُوئے تے وشواس

راکھیو.

31 پچھے یسوع، جکاں یہودیایں اُوئے تے وشواس راکھیو تو، اوٹاں نا ایٹاں

کہیو، ”جے تھوں مہارے باتاں تے بہوتا رہو، تو تھوں خچی مہارا چیلا ہو۔

<sup>32</sup> جڈے تھوں نا خچ ری خبر پڑھے، آن او خچ تھوں نا آزاد کرھے۔“

<sup>33</sup> تو اوناں کہیو، ”مہیں ابراہیم ری اولاد ہاں، آن مہیں کڈھے وی کیئے را

غلام کونی بٹیا ہاں۔ تو پچھے تھوں کے رے کرے کہو وا تھوں آزاد بوخو؟“

<sup>34</sup> تو یسوع کہیو، ”ہوں تھوں نا خچ کہیں جکو وی پاپ کرئی، او پاپاں رو

غلام ہے۔ <sup>35</sup> گھر میں جکو غلام ہے، او ہمیشہ تک اوتھ کونی رتو۔ پٹ جکو

مالک رو ڈیکرو ہے، او ہمیشہ تک اوتھ ری۔ <sup>36</sup> ایئے خاروں جے ڈیکرو تھوں نا

آزاد کرئی، تو پچھے تھوں خچی آزاد بوخو۔

<sup>37</sup> مہناں خبر ہے تھوں ابراہیم ری اولاد ہو۔ توئی وی تھوں مہناں مارٹ ری

کوشش کرئی، کیانکے تھوں مہارے باتاں کونی مَنتا۔ <sup>38</sup> جکو مہیں آپرے پاپ

کڈھے ڈٹھو ہے، اُوئے رے بارے میں ہوں تھوں نا کہیں۔ پٹ تھوں او کوم کرئی

جکو تھوں رے پاپ تھوں نا خکھایا ہے۔

<sup>39</sup> پٹ اوناں بلتی ڈنی، ”مہوں رو پاپ تو ابراہیم ہے۔“

تو یسوع کہیو، ”جے تھوں ابراہیم ری اولاد ہوونت، تو تھوں ابراہیم جیہڑا کوم

کرت۔ <sup>40</sup> مہیں تھوں نا او خچے باتاں کہے ہاں جکو مہیں ایشور خاں خٹھے،

پٹ تھوں مہناں مارٹ خاروں کرئی۔ ابراہیم ایہڑو کوم کونی کریو تو۔ <sup>41</sup> تھوں ایہڑا

کوم کرئی جیہڑا تھوں رو پاپ کرئی۔“

تو اوناں کہیو، ”مہیں حرام ری اولاد کونی ہاں۔ مہوں رو چھڑو بیک پاپ ہے،

او ایشور ہے۔“

<sup>42</sup> جڈے یسوع کہیو، ”جے ایشور تھوں رو پاپ ہوونت، تو تھوں مہیں خاں

پریم کریو ہوونت، کیانکے ہوں ایشور خاں ہوو، آن ایشور کڈھے خاں آہو ہاں۔

ہوں آپری مرضیٰ خاں کونی آیو، پٹ اُوئے مہناں میلیو ہے۔<sup>43</sup> تہوں مہارے باتاں

کیاں کونی خمجھتا؟ تہوں ایئے خاوں کونی خمجھتا کیانکے تہوں خمجھٹئی

کونی چاہوتا۔<sup>44</sup> تہوں آپرے باپ شیطان ری اولاد ہو، آن تہوں چھڑو آپرے باپ

ری مرضیٰ پوری کرٹ چاہوئی۔ او شروع خاں لے خون کرٹ آلو ہے، آن خچ رے

پاخے رو کونی، کیانکے اُوئے میں خچ ہے ئی کونی۔ جڈے او کوڑ بولئی، تڈے

او آپرے لچھٹاں آلی کار بولئی، کیانکے او آپ کوڑو ہے، آن او کوڑاں رو باپ

ہے۔<sup>45</sup> پٹ ہوں خچ بولئیں، ایئے خاوں تہوں مہارے باتاں کونی منتا۔<sup>46</sup> تہوں

میں کٹ مہیں تے گناہ ثابت کرئی؟ جڈے ہوں خچ بولاں وو، تو تہوں مہارے

باتاں کیاں کونی منتا؟<sup>47</sup> جکو ایشور رے پاخے رو ہے، او ایشور رے باتاں منئی۔

پٹ تہوں ایشور رے پاخے را کونی ہو، ایئے خاوں تہوں اے باتاں کونی منتا۔“

جڈے یہودی اگواناں یسوع نا کہیو، ”مہیں خچ کونی کہوتا کی؟ تُوں<sup>48</sup>

سامری قوم رو ہے آن تہناں بھوت لاگوڑو ہے۔“

تو یسوع بلتی ڈنی، ”مہناں بھوت لاگوڑو کونی۔ ہوں مہارے باپ ری عزت<sup>49</sup>

کرئیں آن تہوں مہاری بے عزتی کرئی۔<sup>50</sup> ایٹاں کونی بئی ہوں آپری عزت کراوٹ

چاہوئیں۔ پٹ پیجو بیک ہے جکو مہاری عزت کراوٹ چاہوئی، آن او منکھاں رو نیا

کرٹ آلو ہے۔<sup>51</sup> ہوں تہوں نا خچ کہیں، جے کوئی مہارے باتاں تی بہے، او

کڈھے وی کونی مرے۔“

جڈے یہودیوں اُوئے نا کہیو، ”ہمے مہوں نا پکی تسلی ہوئی ہے تہناں<sup>52</sup>

بھوت لاگوڑو ہے۔ ابراہیم مر گیو، آن ایشور را نبی وی مر گیا۔ پٹ تُوں کہیں وو

جے کوئی مہارے باتاں تے بہے، او کڈے وی کونی مرے۔<sup>53</sup> تُوں مہوں رے

ڈاڈے ابراہیم خاں موٹو ہے کی؟ او مر گیو رو، آن ایشور را نبی وی مر گیا۔ تُوں

آپرے آپ نا کی خمجھئیں؟“

54 یسوع بلتی ڈنی، ”جے ہوں آپ آپری عزت کراونت، تو مہاری عزت کئیں  
 نی ہوونت۔ پٹ جکو مہاری عزت کرائی وو، او مہارو باپ ہے۔ آن تھوں ایٹاں  
 کہو وا او مہورو ایشور ہے۔ 55 تھوں اُوئے نا اولکھتا ئی کونی۔ پٹ ہوں اُوئے نا  
 اولکھئیں۔ جے مہیں ایٹاں کہیو ہوونت ہوں ایشور نا کونی اولکھتو، تو ہوں تھوں  
 جیہڑو کوڑو ہویو ہوونت۔ پٹ ہوں اُوئے نا اولکھئیں، آن اُوئے رو کہیو منئیں۔ 56  
 تھورو ڈاڈو ابراہیم ایئے بات ری اُمید تے خوش ہویو کہ او مہارا ڈنہ جوخے۔ آن  
 اُوئے ڈٹھا، آن خوش ہویو۔“

57 جڈے یہودیّاں اُوئے نا کہیو، ”توں ہالی پچاخ خالاں رو ئی کونی، تو پچھے  
 تھیں کوکر ابراہیم نا ڈٹھو ہے؟“

58 تو یسوع اُوٹاں نا کہیو، ”ہوں تھوں نا خچ کہیں ابراہیم رے پیدا ہووٹ خاں  
 پہل ہوں ہاں۔“

59 اے بات خٹ اُوٹاں یسوع نا مارنٹ خاروون ککرا اُکھٹیا۔ پٹ یسوع لک ہیکل  
 خاں باہر نخر گیو۔

## 9

1 یسوع جاوتو وو آن اُوئے بیک منکھ ڈٹھو جکو جائے جلم خاں اوندھو ہتو۔  
 2 جڈے چیلاں یسوع خاں پوچھیو، ”گرو جی، اے منکھ کرے رے گناہ رے  
 کرے اوندھو جاییو؟ اُوئے رے آپرے گناہ رے کرے؟ یا اُوئے رے ماء باپ رے  
 گناہ رے کرے؟“

3 تو یسوع بلتی ڈنی، ”نی تو آپرے گناہ رے کرے، نی تو ماء باپ رے گناہ  
 رے کرے اے اوندھو جاییو۔ پٹ اے منکھ ایئے خاروون اوندھو جاییو بی اُوئے میں  
 ایشور را کوم ظاہر ہووے۔ 4 جتری تک ڈنہ ہے، اتری تک آپاں نا اُوئے را کوم

کرن چاہیجے، جکے مہناں میلیو ہے۔ پٹ رات آون آلی ہے، جڈے کوئی منکھ کوم کر کونی خگئے۔<sup>5</sup> جتیری تک ہوں دُنیا میں ہاں، اتری تک ہوں دُنیا رو اُجالو ہاں۔“

<sup>6</sup> ایٹاں کہہ یسوع زمین تے تھوکیو، آن تھوک میں مٹی گوہ اندھے رے اونکھیاں تے مکھی۔<sup>7</sup> پچھے یسوع اندھے نا کہیو، ”توں جان شیلوخ نوں رے تلا میں اونکھے دھو۔“ شیلوخ رو مطلب ہے میلیوڑو۔

جڈے اُوئے اندھے جان اونکھے دھوئے، آن جووٹو جووٹو پاچھو آيو۔<sup>8</sup> ایسے تے اُوئے رے پاڑے آلا آن او منکھ جکاں اُوئے نا اگے پنتے ڈٹھو تو، او کہوٹن لاگا، ”اے او خاگو منکھ کونی کی؟ جکو اگے پیخ پنتو۔“<sup>9</sup> کئینک منکھ کہوٹا، ”ہاوے، ای او رو او ہے،“ آن کئینک منکھ کہوٹا، ”نہ نہ، اُوئے جیہڑو پجو کوئی ہے۔“ پٹ او منکھ آپ کہوتو ریو، ”ہوں او رو او ہاں۔“

<sup>10</sup> جڈے منکھاں اُوئے خاں پوچھیو، ”تھارے اونکھے کوکر خاجے ہوئے؟“

<sup>11</sup> تو اُوئے بلتی ڈنی، ”او منکھ جکے نا یسوع کہی، اُوئے مٹی گوہ مہارے اونکھیاں تے مکھی، آن مہناں کہیو شیلوخ نوں رے تلا تے جا اونکھے دھو۔ ایسے خاروں ہوں گیو، اونکھے دھوئے، آن ہوں جووٹن لاگو۔“

<sup>12</sup> جڈے اُوٹاں خاجے ہویوڑے منکھ نا پوچھیو، ”او منکھ کیتھ ہے؟“

اُوئے کہیو، ”مہناں کوئی خبر کونی۔“

<sup>13</sup> جڈے جکو اگے اوندھو ہتو، منکھ اُوئے نا فریسی ٹولی آلاں کڈھے لے گیا۔

<sup>14</sup> تو او ڈنھ جکے تے یسوع مٹی گوہی تی آن اوندھے رے اونکھے خاجے

کیسے تے، او پویتر ڈنھ ہتو۔<sup>15</sup> ایسے خاروں فریسی ٹولی رے منکھاں وی اُوئے منکھ خاں پوچھیو، ”توں کوکر جووٹن لاگو؟“

اُوئے کہیو، ”اُوئے منکھ مہارے اونکھیاں تے مٹی مکھی، آن مہیں جان  
اونکھے دھوئے، آن بیٹا جو خگئیں.“

16 جڈے فریسی ٹوٹی را کئینک منکھ کہوٹ لاگا، ”او منکھ ایشور کڈھے خاں  
کونی آو، کیانکے پویر ڈنھ نا کونی متو.“  
پن اُوئاں میں کئینک پجاں کہیو، ”کوئی پاپی ایہڑا پرچا کوکر بتا خگئی؟“  
ایہڑے نمونے اُوئاں میں اختلاف ہوو.

17 تو اُوئاں بھلے پجی دفعہ خاجے ہویوڑے منکھ خاں پوچھیو، ”اُوئے تھارے  
اونکھے کھولے ہے، تُوں آپ اُوئے رے بارے میں کی کہیں؟“  
اُوئے کہیو، ”او ایشور رو نبی ہے.“

18 پن یہودی اگوئاں ہالی کونی منیو بتو بی او منکھ اگے اوندھو بتو، آن بھلے  
جووٹ لاگو ہے. ایئے خاروں اُوئاں خاجے ہویوڑے منکھ رے ماء پاپ نا آپ  
کڈھے ہولو کرایو، ”آن اُوئاں خاں پوچھیو، ”کی اے تھوں رو ڈیکرو ہے؟ جکے  
رے بارے میں تھوں کہی وا جائے جلم خاں اوندھو بتو؟ تو پچھے بیٹا کوکر جو  
خگئی.“

20 جڈے اُوئے رے ماء پاپ بلتی ڈنی، ’مھوں نا خبر ہے اے مھوں رو ڈیکرو  
ہے، آن اے اوندھو جابو تو. 21 پن بیٹا کوکر جو خگئی، آن ایئے رے اونکھے  
کے کھولے ہے، مھوں نا اُوئے رے بارے میں کوئی خبر کونی. تھوں آپ ایئے  
خاں پوچھو رو. اے موٹو ہے، آن اے آپ آپرے بارے میں کہہ خگئی.“ 22

اُوئاں ایئے خاروں ایئاں کہیو، جو او یہودی اگوئاں خاں پیہوتا. کیانکے اگوئاں  
آپت میں اگے اے فیصلو کریو تو، ”جے کوئی منکھ یسوع نا ایشور رو چٹیوڑو  
مسیح کہخے، تو اُوئے نا دھرم خاں باہر کاڈھ خاں.“ 23 اُوئے بات رے کرے  
خاجے ہویوڑے منکھ رے ماء پاپ کہیو تو، ”اے موٹو ہے، ایئے خاں پوچھو  
رو.“

24 ایئے خارو فریسی ٹوٹی آلاں بھلے بجی دفعہ اوئے منکھ نا آپ کڈھے اوٹ  
رو کہیو، جکو اگے اوندھو ہتو، آن اوئے نا کہیو، ”ایشور رو تھنا خونخ ہے،  
تو خچ بول. مہوں نا خبر ہے او منکھ پاپی ہے.“

25 جڈے خاجے ہویوڑے منکھ بلتی ڈنی، ”مہنا ایئے ری کوئی خبر ئی کونی  
کہ او پاپی ہے یا کونی. مہنا چھڑو ایئے بات ری خبر ہے ہوں اوندھو ہتو، آن ہیٹا  
جو خگئیں.“

26 تو فریسیاں اوئے خاں پوچھیو، ”اوئے تھنا کی کیو؟ اوئے کوکر تھارے  
اونکھے کھولیسے؟“

27 جڈے اوئے بلتی ڈنی، ”مہیں تھوں نا اگے کہیو تو، پٹ تھوں مہاری بات نا  
کون ئی کونی ڈنو. تھوں کے رے کرے بھلے خٹن چاہوئی؟ تھوں وی اوئے را  
چیلہ بٹن چاہوئی کی؟“

28 ایئے تے فریسیاں اوئے نا بھلو برو کہن کہیو، ”تو جی اوئے رو چیلو ہے،  
مہیں تو موسیٰ را چیلہ ہاں. 29 مہوں نا خبر ہے ایشور موسیٰ خاں باتاں کریے تے.  
پٹ اوئے منکھ رے بارے میں مہوں نا خبر ئی کونی او کیتھ خاں آہو ہے.“

30 تو خاجے ہویوڑے منکھ بلتی ڈنی، ”واہ، اے عجیب بات ہے. اوئے مہارے  
اونکھے کھولیسے، آن توئی وی تھوں نا خبر ئی کونی او کیتھ خاں آہو ہے.

31 مہوں نا خبر ہے ایشور پاپی منکھ ری بات کونی خٹنو. پٹ ایشور اوئے ری بات

خٹنی جکو ایشور پرست ہوئی آن اوئے ری مرضی تے بہئی. 32 دُنیا رے شروع  
خاں لے اے بات کڈھے وی خٹن میں کونی آئی کہ کئی منکھ جائے جلم خاں  
اوندھے رے اونکھے کھولیسے ہوئے. 33 ہمے او منکھ جے ایشور کڈھے خاں نی

آیوڑو ہوونت، تو او کئیں وی کر کونی خگیو ہونت.“



34 جڈے فریسیاں اُوئے نا کہیو، ”تُوں جائے جِلَم خاں چھڑو پاپی ہے، آن تُوں مہوں نا خِکھاوُن چاہویں کی؟“ پچھے اُوئاں اُوئے منکھ نا دھرم خاں باہر کاڈھ چھوڑیو۔

35 جڈے یسوع نا خبر پڑی اُوئے منکھ نا دھرم خاں باہر کاڈھ چھوڑیو ہے، تو یسوع اُوئے نا جو لادھو، آن اُوئے خاں پوچھیو، ”کی تُوں آدم زاد تے وشواس راکھئی؟“

36 اُوئے بلتی ڈنی، ”سادھو جی، مہناں کہو او کُن ہے، تو ہوں اُوئے تے وشواس راکھ خگاں۔“

37 تو یسوع اُوئے نا کہیو، ”تھیں اُوئے نا ڈٹھو ہے، آن او ہوں ہاں جکو تھیں خاں بولاں وو۔“

38 جڈے اُوئے کہیو، ”پرہو، ہوں تھوں تے وشواس راکھئیں۔“ آن اُوئے یسوع رے پگے پڑ سیس نوایو۔

39 پچھے یسوع کہیو، ”ہوں نیا کرن خاڑوں ایئے دُنیا میں آیو ہاں، بئی اندھا منکھ جو خگرے، آن جکو جو خگئی، او اندھا ہو جاوے۔“

40 فریسی ٹوٹی را کئینک منکھ یسوع کڈھے بیٹھا تا۔ یسوع ری اے بات خُن اُوئاں کہیو، ”مہیں وی اندھا ہاں کی؟“

41 تو یسوع اُوئاں نا کہیو، ”جے تھوں خچی اندھا ہوونت، تو تھوں پاپی نی بٹیا ہوونت۔ پُن تھوں کہو وا بئی مہیں جووئیں وا۔ ایئے خاڑوں تھوں ہالی پاپی ہو۔“

10

1 ”ہوں تھوں نا خچ کہیں جکو وی بھیڈاں ری باڑی مئیں دروازے خاں کونی جاوتا، پُن جے کیئے پاخے خاں چڑھ مئیں جاوئی، او منکھ چور آن دھاڑیل ہے۔“

2 پڻ جڪو دروازے خان مٿين جاوئي، او بهيڏاڻ رو ريڏهار هے. 3 اُوئے خاروون چوڪيدار دروازو كهوئي، آن بهيڏاڻ اُوئے رو هولو خُٽتيس. او آپرے بهيڏاڻ رو نو لرن بولو كرئي، آن اوئاڻ نا باهر لرن آوئي. 4 جڏے او آپرے خارے بهيڏاڻ باهر كاڏهئي، تو او آپ بهيڏاڻ رے آگرے آگرے بهي، آن بهيڏاڻ اُوئے لارے بهي، 5 ڪيانڪرے بهيڏاڻ اُوئے رو بولو اوٿڪهئي. بهيڏاڻ غير منڪه لارے بالڪل ئي ڪوني بهه، پڻ اُوئے خان بهج جاخرے، ڪيانڪرے او غير رو بولو ڪوني اوٿڪهترے. 6 يسوع اے مثال اوئاڻ نا خُٽائي، پڻ اوئاڻ خمجهيو ئي ڪوني بي يسوع رے كهوڻ رو مطلب ڪي هے.

7 ايئے خاروون يسوع بهترے اوئاڻ نا كهيو، ”هُون تھون نا خچ ڪهيس بهيڏاڻ خاروون دروازو هُون با. 8 پجا جڪو وي مهيس خان پهلي آيا، او خارا ئي چور آن دهاڙيل بتا. پڻ بهيڏاڻ اوئاڻ رے بيلے نا دهيان ڪوني ڏنو. 9 هُون آپ دروازو با. جڪو وي مهيس خان مهينا جاوئي، اُوئے نا مگتي ملخرے. او مهينا باهر آخرے جاخرے، آن چارو وي لرن خرے. 10 چور چهڙو ايئے خاروون آوئي بي چوري ڪرے، مارے، آن ختم ڪرے. پڻ هُون ايئے خاروون آيو با، بي منڪهان نا جيون ملے، مطلب بهرپور جيون ملے.

11 هُون بهلو ريڏهار با. بهلو ريڏهار بهيڏاڻ خاروون آپري جان ڏئي. 12 جڪو منڪه چرائي لرن بهيڏاڻ چارئي، او آپ ريڏهار ڪوني، ني تو بهيڏاڻ رو مالڪ هے. جڏے او نهار نا اوترے جووئي تو او بهيڏاڻ نا چهوڙ بهج جاوئي. پچھے نهار ڪئينڪ بهيڏاڻ نا جهالئي، آن بجياڻ خاراڻا نا كهندا ڏئي. 13 چرائي آلو منڪه ايئے خاروون بهجئي ڪيانڪرے او چهڙو چرائي ليون آلو هے، آن بهيڏاڻ ري ڪوئي پرواه ڪوني ڪرتو.

14 ہوں بھلو ریڈھار ہاں۔ جاں مہارو باپ مہناں اوٹکھئی، آن ہوں مہارے باپ نا  
 اوٹکھئیں،<sup>15</sup> ائیاں ہوں آپرے بھیڈاں نا وی اوٹکھئیں، آن مہارے بھیڈاں مہناں  
 اوٹکھئی۔ آن ہوں آپری جان آپرے بھیڈاں خاروں ڈئیں۔<sup>16</sup> آن مہارے پجے وی  
 بھیڈاں ہے جکو ایئے باڑی رے کونی۔ مہناں اوتاں نا وی ضرور لے آوئے ہے۔ او  
 مہارو ہولو خٹخے، آن پچھے بیک چھونگ آن بیک ریڈھار بوخے۔

17 مہارو باپ مہیں خاں ایئے خاروں پریم کرتی کہ ہوں آپری جان ڈئیں، بی ہوں  
 بھلے آوئے نا پاچھی لاں۔<sup>18</sup> کوئی مہیں خاں زوری لے کونی خگتو، پین ہوں  
 آپری مرضی خاں آپری جان ڈئیں۔ مہناں آپری جان ڈیون ری طاقت ہے، آن مہناں  
 بھلے آوئے نا پاچھی لیون ری طاقت ہے۔ ائیاں کرن رو حکم مہارے باپ مہناں  
 ڈنو ہے۔“

19 اوتاں باتاں رے کرے یہودی منکھاں میں بھلے اختلاف ہوگیو۔<sup>20</sup> اوتاں میں  
 گھٹا منکھ کہوتا وا، ”ایئے نا بھوت لاگوڑو ہے، اے تھڑیوڑو ہے۔ تھوں ایئے رے  
 باتاں کہن خاروں خٹئیں وا؟“<sup>21</sup> پین پجا منکھ کہوتا وا، ’بھوت لاگوڑو منکھ  
 ایہڑے باتاں کوکر کر خگئی؟ کوئی ایہڑو بھوت کونی جکو اوندھے رے اونکھے  
 کھول خگئی۔“

22 جڈے او عید آئی، جکے نا یروشلم شہار میں بیکل نا بھلے پویتر کرن ری  
 یاد میں مناوتا۔ او خینالے را ڈنھ بتا،<sup>23</sup> آن یسوع بیکل میں سلیمان نوں رے  
 برانڈے میں پھرتو وو۔

24 جڈے یہودی اگوان آوئے رے چودھاری پھر آیا آن کہون لاگا، ”توں کتری  
 تک مہوں میں شک راکھیخ؟ جے توں ایشور رو چٹیوڑو مسیح ہے تو مہوں نا  
 صاف کہہ رو۔“

25 یسوع اوتان نا بلتی ڈنی، ”مہیں تھوں نا اگے کہیو تو، پٹ تھوں مہاری بات کونی منتا۔ جکو کوم ہوں مہارے باپ رے کہوں خاں کرئیں، او آپ مہارے بارے میں ثبوت ہے۔“ 26 پٹ تھوں کونی منتا، کیانکے تھوں مہارے بھیڈاں میں خاں کونی ہو۔ 27 مہارے بھیڈاں مہارو بولو خٹئی۔ ہوں اوتان نا اوٹکھئیں، آن او مہیں لارے بہی۔ 28 ہوں اوتان نا ہمیشہ رو جیون ڈئیں، آن او کڈھے وی نرگ میں ہلاک کونی ہووے۔ آن اوتان نا مہارے ہاتھا خاں کوئی وی زوری کونی لے جاوے۔ 29 مہارے باپ جکے اے مہناں ڈنے ہے، او خاراں خاں موٹو ہے۔ آن اوئے رے ہاتھا خاں کوئی اوتان نا زوری لے کونی خگتو۔ 30 ہوں آن مہارو باپ بیک ہاں۔“

31 جڈے یہودی اگواناں یسوع نا مارنٹ خاروں بھلے ککرا اکھٹیا۔ 32 ایئے تے یسوع اوتان نا کہیو، ”مہیں تھوں نا مہارے باپ رے بارو ڈھگ بھلا کوم کر بتایا ہے۔ اوتان میں کہہ کوم رے خاروں تھوں مہناں ککرا خاں مارنٹ چاہوئی؟“ 33 جڈے اوتان بلتی ڈنی، ”کیئے بھلے کوم رے خاروں کونی پٹ ایئے بات رے خاروں مہیں تھناں ککرا خاں مارنٹ چاہوئیں، جکو تھیں ایشور ری بے عزتی کی ہے، کہ توں انسان ہو رو آپ نا ایشور خریکو کرئی وو۔“

34 یسوع اوتان نا کہیو، ”تھوں رے شاستر میں ایشور ری کہیوڑی اے بات لکھیوڑی ہے،“ ”مہیں کہیو تھوں ایشور ہو۔“ 35 ایشور آپ اوتان منکھاں نا ایٹاں کہی وو، جکاں نا اوئے کلام ڈنو، تھوں ایشور ہو۔ آن شاستر بدل کونی خگتی۔ 36 ہمے مہناں باپ آپری شیوا خاروں چٹيو ہے، آن دُنیا میں میلیو ہے۔ تو پچھے جڈے مہیں کہیو ہے ہوں ایشور رو ڈیکرو ہاں، تو تھوں کہنٹ خاروں کہی ہوں ایشور ری بے عزتی کرئیں وو؟ 37 جے ہوں مہارے باپ را کہیوڑا کوم کونی

کرتو، تو بھلائیں مہاری بات نی منو۔<sup>38</sup> پڻ جے ہوں اُوئے را کہیوڑا کوم کریں،  
 بھلائیں تھوں مہاری بات کونی منتا، تو گھٹ میں گھٹ مہارے کومان نا تو  
 منو۔ آن تھوں ایٹاں جوٹو آن خمجھو ہاپ مہیں مئیں ہے، آن ہوں ہاپ مئیں  
 ہاں۔“

<sup>39</sup> جڈے اُوٹاں بھلے یسوع نا جھالڻ ری کوشش کی، پڻ او اُوٹاں ری ہاتھاں  
 خاں نخر گیو۔

<sup>40</sup> پچھے یسوع یردن دریا پار کر بھلے اوتھ جا ریو، جیتھ شروع میں یوحنا  
 پوٲتر شان ڈیوتو۔<sup>41</sup> اُوئے کڈھے گھٹا منکھ آیا، آن او آت میں کہوٹ لاگا،  
 ”یوحنا کوئی پرچو کونی بتایو تو۔ پڻ جکو باتاں یوحنا ایسے منکھ رے بارے میں  
 کہے تے، او خارے خچے ہے۔“<sup>42</sup> آن اوتھ گھٹاں منکھ یسوع تے وشواس لایا۔

## 11

<sup>1</sup> بیک لعزر نوں رو منکھ بتو، جکو بیمار بتو۔ او بیت عنیاہ گوں میں ربتو، جیتھ  
 اُوئے رے ہے بینھاں مریم آن مارتھا وی رتے۔<sup>2</sup> اے او مریم ہے جکے اُوئے خاں  
 پچھے پرہو یسوع رے پگاں تے عطر نوکھیو آن آپرے ماتھے رے بالاں خاں  
 پگاں نا آچھا کیا۔ اُوئے رو جی بھائی لعزر بیمار بتو۔  
<sup>3</sup> جڈے پیال بینھاں یسوع نا اے پیغام ڈے ملیو، ”پرہو، تھورو پریمی دوست  
 بیمار ہے۔“

<sup>4</sup> جڈے یسوع نا اے پیغام ملیو، تو اُوئے کہیو، ”ایسے بیماری رو نتیجو موت  
 کونی۔ پڻ اے بیماری ایسے خاروں آئی ہے کہ ایشور ری عزت ہووے، آن ایسے  
 بیماری رے کرے ایشور رے ڈیکرے ری وی عزت ہووے۔“

<sup>5</sup> یسوع مارتھا آن اُوئے ری بیہن خاں آن لعزر خاں ڈھگ پریم کرتو۔<sup>6</sup> جڈے

اُوئے نا خبر پڑی کہ لعزّٰر بیمار ہے، تو او پجا ہے ڈنھ اوتھ رو اوتھ ریو۔  
 7 اُوئے خاں پچھے اُوئے آپرے چیلاں نا کہیو، ”ہالو، ہمے آپاں یہودیہ صوبے  
 میں بھلے پاچھا بہاں۔“ 8 چیلاں اُوئے نا کہیو، ”گرو جی، تھوڑا ڈنھ پہل اُتھلاں  
 منکھاں تھوں نا ککراں خاں مارن چابیو تو، تو پچھے تھوں بھلے اوتھ کیاں  
 جاوئی؟“

9 یسوع بلتی ڈنی، ”ڈنھ میں اُجالے را بارے گھنٹا کونی بووتا کی؟ جکو وی  
 10 ڈنھ ری بہی، او کونی اوتھڑکتو، کیانکے او دُنیا رے اُجالے خاں جوخے۔ پِن  
 جکو رات ری بہی، او اوتھڑک جاخے، کیانکے اُوئے کڈھے اُجالوئی کونی۔“  
 11 اے باتاں کہہ یسوع آپرے چیلاں نا بدھیک کہیو، ”اپنو دوست لعزّٰر خُو گیو  
 رو۔ پِن ہوں اُوئے نا جگاؤن خاروں جائیں وو۔“

12 جڈے چیلاں اُوئے نا کہیو، ”پرہو جی، جے خُو گیو رو، تو پچھے ٹھیک  
 ہو جاخے۔“

13 یسوع رے کہوٹ رو مطلب اے بتو بئی لعزّٰر مر گیو رو۔ پِن چیلاں خمجھیو  
 14 او چھڑو اُونگھ ری بارے میں کہی وو۔ ایئے خاروں یسوع اُوٹاں نا صاف  
 کہیو، ”لعزّٰر مر گیو رو۔“ 15 اُن تھوں خاروں ہوں خوش ہاں جکو ہوں اوتھ کونی  
 بتو، بئی تھوں مہیں تے ویساہ راکھو۔ پِن ہمے ہالو، اُوئے کڈھے ہالاں۔“  
 16 ایئے تے توما جکے نا توام وی کہوٹا، اُوئے پجاں چیلاں نا کہیو، ”ہالو، آپاں  
 وی ہالاں، اُن یسوع بھیلّا مراں۔“

17 جڈے یسوع اوتھ پُگو، تڈے اُوئے نا خبر لاگی لعزّٰر ری لاش نا قبر میں  
 پوری نا چار ڈنھ ہو گیا را۔

18 بیت عنیاہ گوں یروشلم شہار خاں نیڑو بتو، کوئی ہے میل رو پنڈھ بتو۔ 19 اُن

گھٹا یہودی اوتھ مارتھا آن مریم کڈھے اوٹاں رے بھائی رے افسوس کرن خاروں  
آیا تا.

<sup>20</sup> جڈے مارتھا خٹیو یسوع آئی وو، تو او اوئے نا ملن خاروں گی. پڻ مریم  
گھرے بیٹھی تی. <sup>21</sup> جڈے مارتھا یسوع نا کہیو، ”پرہو جی، جی تھوں ایتھ  
ہوونت، تو مہارو بھائی نی مؤو ہونت. <sup>22</sup> توئی وی ہالی مہناں تسلی ہے جکو  
وی تھوں ایشور خاں مونگخو، او ایشور تھوں نا ڈیخے.“

<sup>23</sup> یسوع اوئے نا کہیو، ”تھارو بھائی بھلے جیوتو بوخے.“

<sup>24</sup> تو مارتھا کہیو، ”مہناں اے خبر ہے جڈے دنیا رے آخری ڈنہ ایشور خاراں  
منکھاں نا جیوتا کر اٹھاخے، تو او بھلے جیوتو بوخے.“

<sup>25</sup> جڈے یسوع اوئے نا کہیو، ”جیوتا کر اٹھالٹن آو آن جیون ڈیونٹ آو ہوں ہاں.  
جکو مہیں تے وشواس راکھئی، او بہلائیں مر جاوے، توئی وی او جیوتو  
ریخے.“ <sup>26</sup> ہر بیک منکھ جکو جیوتو ہے آن مہیں تے وشواس راکھئی، او کڈے  
وی کونی مرے. ایئے بات تے کی تون ویساہ راکھئی؟“

<sup>27</sup> جڈے مارتھا کہیو، ”ہاوے پرہو، ہوں وشواس راکھیں تھوں ایشور را چٹیوڑا  
مسیح ہو، آن ایشور را ڈیکرا ہو، آن تھوں او ہو جکو دنیا میں آون آلا ہتا.“

<sup>28</sup> ایٹاں کہہ مارتھا گی بوہی، آن آپری پیہن مریم نا پاخے خاں ہولو کر اے بات  
کرن لاگی، ”گرو جی ایتھ آہو ہے، آن تھناں ہولو کرئی وو.“ <sup>29</sup> مریم اے خن  
جھٹ میں اٹھن یسوع کڈھے گئی.

<sup>30</sup> یسوع ہالی گوں میں کونی آہو تو، پڻ اوتھ رو اوتھ اوہو تو جیتھ مارتھا اوئے  
خاں ملی تی. <sup>31</sup> نو او یہودی جکو مریم رے گھرے افسوس کرن خاروں آیا تا،  
جڈے اوٹاں ڈٹھو بئی مریم جھٹ میں اٹھی بوہی گئی ری، جڈے او وی اوئے

لارے گیا، کیانکے اُوٹاں خوچو بئی مریم آپرے بھائی ری قبر تے رووٹن خاروں  
جائی وی.

32 جڈے مریم یسوع کڈھے آئی، تو اُوئے نا جون اُوئے رے پگے لاگی، آن

کہیو، ”پرہو جی، جے تھوں ایتھ ہوونت، تو مہارو بھائی نی موو ہوونت.“

33 جڈے یسوع اُوئے نا روتی ڈٹھی آن اُوئے بھیلا آیوڑاں یہودیایاں نا روتے ڈٹھا، تو

اُوئے رو دل بھریج گیو، آن اُوئے نا ڈھگ ڈکھ ہوو. 34 اُوئے پوچھیو، ”تھوں اُوئے  
نا کیتھ بُریو ہرے؟“

تو اُوٹاں کہیو، ”پرہو جی، تھوں آپ ہال جوو رو.“ 35 جڈے یسوع رویو رو.

36 ایئے تے یہودیایاں کہیو، ”جوو، اے اُوئے خاں کیترو ڈھگ پریم کرتو.“

37 پِن اُوٹاں میں کئینک منکھاں کہیو، ”ایئے اُوئے اوندھے رے اونکھے کھولے

تے، تو پچھے ایئے نا مرٹن خاں بچا کونی خگیو کی؟“

38 تو یسوع رے من میں بھلے گھنٹو ڈکھ ہوو، آن او قبر تے آیو. قبر بیک غار

میں ہتی، آن اُوئے رے موئڈے تے بیک موٹو پتھر آڈو ڈیوڑو ہتو. 39 جڈے یسوع

کہیو، ”پتھر نا بیکے پاخے کرو.“ تو مووڑے منکھ ری پیہن مارتھا یسوع نا

کہیو، ”پرہو جی، ہمے قبر میں باخ بوخے، کیانکے اُوئے نا ڈھکی نا آج

چوتھوں ڈنھ ہرے.“

40 پِن یسوع اُوئے نا کہیو، ”مہیں تھناں ایٹاں کونی کہیو تو کی؟ جے تُوں

وِشواس راکھیخ، تو تُوں ایشور ری طاقت جوئخ.“ 41 پچھے منکھاں پتھر نا بیکے

پاخے کر چھوڑیو. جڈے یسوع آکاخ ڈخا جو ایٹاں دُعا مونگ کہیو، ”اے

باپ، ہُوں تھارا تھورا منئیں جکو تھیں مہاری خُٹی ہرے. 42 مہناں خبر ہرے تُوں

بمیشہ مہاری خُٹی. پِن ہُوں آخے پاخے بیٹھا ایٹاں منکھاں خاروں ایٹاں کہیں وو،



بئی اے ویساہ کرے کہ تھیں مہناں میلیو ہے۔“

43 ایٹاں کہہ یسوع موٹو ہولو ڈے کہیو، ”ارے لعزر، باہر نخر آ۔“<sup>44</sup> ایئے تے او

منکہ جکو مر گیو تو، او قبر خاں باہر نخر آيو۔ اوئے رے ہاتھاں پگاں تے پٹا  
بیڑھیوڑا ہتا، آن اوئے رے ماتھے تے وی گابھو بیڑھیوڑو ہتو۔ جڈے یسوع منکھاں  
نا کہیو، ”ایئے نا کھولو رو آن جاوٹ ڈو۔“

45 پچھے جکو یہودی منکہ مریم کڈھے آیوڑا ہتا، آن جکاں ڈٹھو بئی یسوع

کی کیو ہے، اوٹاں میں گھٹاں منکھاں یسوع تے وشواس راکھیو۔<sup>46</sup> پٹ اوٹاں میں  
کٹینک منکہ فریسی ٹوٹی رے منکھاں کڈھے گیا، آن اوٹاں نا خاری بات کر  
خٹائی کہ یسوع کی کیو ہے۔

47 ایئے خاروں موٹاں پوجاریاں آن فریسی ٹوٹی ری منکھاں آپری پنچائت بھیلی  
کی، آن کہیو، ’ہمے آپاں کی کرخاں؟ کیانکے او منکہ گھٹا پرچا بتاوی وو۔

48 جی آپاں اوئے نا ایٹاں رو ایٹاں چھوڑ ڈاں، تو خارا ئی منکہ اوئے تے وشواس  
راکھنے۔ آن پچھے جکو رومی قوم آلا ہے، او آخرے آن نی چھڑو بیکل نا ختم  
کرخے، پٹ اپٹی قوم نا وی ختم کرخے ری۔“

49 اوئے پنچائت میں بیکے رو نوں کائفا ہتو، جکو اوئے سال رو مکھ پوجاری

ہتو۔ اوئے اوٹاں نا کہیو، ”تھوں بالکل کئیں کونی خمجھتا۔“<sup>50</sup> تھوں نا اتری وی  
خبر کونی پڑتی وی؟ اپٹو فائدو ایئے میں ہے کہ اپٹی قوم خاروں بیک منکہ مرے،  
متے پوری قوم ختم نی ری ہووے۔“

51 جکو بات کائفا کی تی، او آپری طرف خاں کونی ہتی۔ پٹ خچی اوئے سال

رو مکھ پوجاری ہووتے اوئے ایشور ری طرف خاں پیغام ڈنو تو بئی یسوع یہودی  
قوم خاروں مرخے۔<sup>52</sup> آن یسوع نی چھڑو یہودی قوم خاروں مرخے، پٹ او ایشور  
رے اوٹاں منکھاں خاروں وی مرخے جکو دھار دھار ہویوڑا ہے۔ او ایٹاں کرخے

کہ اُوٹاں خاراں نا بیکی ٹولی میں بھیلہ کرخے .

53 تو اُوئے ڈنہ خاں لے پنچائتِ آلاں یسوع نا مارنُ خاڑوں رتھی .

54 ایئے بات رے کری یسوع اُوئے خاں پچھے یہودیایں میں اعلانیہ کونی پھریو .

پن اُوہا نخر اُوئے علاقے میں گیو جکو بیابان رے نیڑو ہے ، آن افرائیم نوں رے شہار میں جا آپرے چیلان بھیلو اتھ رہوٹ لاگو .

55 پچھے یہودیایں ری فسح ری عید نیڑی آئی . آن باہراڑی را گھٹا منکھ عید

56 خاں پہل یروشلم شہار میں آیا ، بئی دھرم رو جاں رواج ہے آپ نا پویتر کرے .

اُوٹاں منکھاں یسوع نا جوٹ خاڑوں ایتھ اتھ پھرتا ریا ، آن بیکل میں ابھیج بیکے پجے نا پوچھنُ لاگا ، ”تھوں رو کی خیال ہے ، او عید تے آخرے یا کونی آوے؟“

57 تو موٹاں پوجاریاں آن فریسی ٹولی رے منکھاں اے حکم ڈنو تو کہ جے کئی

منکھ نا ایئے بات ری خبر ہووے کہ یسوع کیتھ ہے ، تو او مھوں نا خبر ڈے ، تو مھیں یسوع نا جھال خگاں .

## 12

1 فسح ری عید خاں چھے ڈنہ پہل یسوع بیت عنیاہ گوں میں آو ، جیتھ لعزر

رتو . لعزر او منکھ بتو جکے نا یسوع مووڑاں خاں جیوتو کریو تو .<sup>2</sup> پچھے اُوٹاں

یسوع خاڑوں دعوت کی . دعوت میں مارتھا شیوا چاکری کرتی وی ، آن لعزر پجاں دعوتیاں بھیلو بتو ، جکو یسوع بھیلہ باٹی کھاوٹ خاڑوں بیٹھا تا .

3 پچھے مریم ادھ سیر جٹاماسی نوں رے بٹ رو خچو آن قیمتی عطر لے یسوع

رے پگاں تے ڈھول چھوڑیو ، آن آپرے ماتھے رے بالان خاں اُوئے رے پگاں نا اچھا کریا . عطر ری خوشبو خارے گھر میں بکھر گئی .

4 پن یہوداہ اسکریوتی جکو یسوع رے چیلان میں خاں بیک بتو آن جکے اُوئے

خاں پچھے یسوع نا جھلایو، اُوئے کہیو،<sup>5</sup> ”ایئے عطر ری قیمت تین خُو چاندی  
 را سکہ ہے۔ تو پچھے اُوئے عطر کیاں کونی بیچیو، آن ایئے را پئیخا غریباں نا  
 کیاں کونی بلا ڈُنا؟“<sup>6</sup> اُوئے ایئاں ایئے خاروں کونی کہیو تو کہ او غریباں رو  
 خیال راکھتو، پٹ اُوئے ایئے خاروں کہیو تو، کیاںکے او آپ چور بتو، آن دھرم  
 دان آئی گوتھلی اُوئے رے حوالے ہووتی، آن او اُوئاں پئیخاں میں آپ خاروں  
 چوری کرتو۔

<sup>7</sup> جڈے یسوع یہودآہ نا کہیو، ”ایئے ہائی نا چھوڑ ڈے۔ ایشور ری مرضی ہتی  
 اے عطر مہارے بُورٹ رے ڈنہ تک بچا راکھے۔<sup>8</sup> غریب ہمیشہ تھوں کڈھے  
 بوخرے، پٹ ہوں ہمیشہ تھوں کڈھے کونی ہوئاں۔“

<sup>9</sup> اُوئے ٹائم گھٹاں یہودیآں نا خبر پڑی کہ یسوع بیت عنیاہ گوں میں ہے، تو او  
 اوتہ آیا۔ او نی چھڑو یسوع رے خاروں آیا، پٹ لعزر نا وی جووٹ آیا، جکے نا  
 یسوع مووڑاں خاں جیوتو کریو تو۔<sup>10</sup> ایئے تے موٹاں پوجاریاں آپت میں فیصلو کیو  
 مہیں لعزر نا وی ماراؤں،<sup>11</sup> کیاںکے اُوئے رے کرے گھٹا یہودی مہوں نا چھوڑ  
 یسوع تے وشواس راکھئی۔

<sup>12</sup> بچے ڈنہ او گھٹا منکھ جکو عید مناوٹ خاروں یروشلم شہار میں آیا تا، اُوئاں  
 خٹیو یسوع ایتہ آئی وو۔<sup>13</sup> جڈے اُوئاں کھجیاں رے ڈاٹھے ہاتھاں میں اُکھٹ، آن  
 یسوع نا خوشی خاں ملٹ خاروں شہار خاں باہر نخریا۔ او ایئاں ہولتا وا،  
 ”ایشور ری عزت ہووے۔“

ایشور ری برکت اُوئے تے ہووے  
 جکو ایشور رے نوں خاں آوئی،  
 آن جکو اسرائیلی قوم رو راجا ہے۔“

<sup>14</sup> یسوع بیک گڈھی رو بچیو ہاتھ کیو، آن اُوئے تے پیخ گیو، جاں شاستر میں

لکھیوڑو ہے،

15 ”پیہو نی، صیون شہار راں منکھاں۔

جوؤ، تھورو راجا آئی وو۔

او گڈھی رے پچھے تے پیخ آئی وو۔“

16 اوئے ٹائم یسوع را چیلا اے باتاں کونی خمجھیا۔ پٹ اوئے خاں پچھے،

جڈے ایشور یسوع نا عزت ڈے آکاخ میں اکھٹیو، تڈے اوئاں نا یاد آو اے  
باتاں یسوع رے بارے میں اگے شاستر میں لکھیوڑے ہتے، آن اوئے تے پورے ہو  
گیے۔

17 ہمے جکو گھٹا منکھ یسوع بھیلا ہتا، جڈے اوئے لعزر نا قبر خاں نخرن

خاروں ہولو کریو تو، آن اوئے نا مووڑاں خاں جیوتو کریو تو، او خارا ئی منکھ ایسے

بات ری گواہی ڈے کہوتا ریا تا۔ 18 ایسے خاروں او موٹو ٹولو یسوع رو استقبال

کرن خاروں نخریو، کیانکے اوئاں خٹیو تو کہ یسوع او پرچو بتایو ہے۔

19 جڈے فریسی ٹولی رے منکھاں آپت میں کہیو، ”بات صاف ہے تھوں خاں

کئیں کونی ہووے۔ جوؤ، خاری دُنیا اوئے لارے ہالئی وی۔“

20 جکو منکھ یروشلم شہار میں عید تے ایشور ری بھگتی کرن خاروں آیوڑا ہتا،

اوئاں میں کئینک یونانی قوم آلا وی ہتا۔ 21 او منکھ فلپس کڈھے آیا، جکو گللی

صوبے رے بیت صیدا شہار رو ہتو، آن اوئے نا عرض کی، ”سائیں، مہیں یسوع

خاں ملن چاہوئیں۔“ 22 تو فلپس جا اندریاس نا کہیو، آن پچھے فلپس آن اندریاس

پنہائیں جٹاں یسوع کڈھے جا بات کی۔

23 ایسے تے یسوع اوئاں نا کہیو، ”او ٹائم ہمے آو ہے جڈے آدم زاد نا جلال

ملخرے۔ 24 ہوں تھوں نا خچ کہیں جتری تک کٹک رو پیج زمین میں جا مر نی

جاوے، اتری تک او چھڑو بیکھلو ری۔ پٹ جے مر جاوے، تو اوئے خاں پیجا

گھٹا ڈاٹا ہوئی۔<sup>25</sup> جکو آپری جان خاں پریم راکھنے، او اوئے نا گماخے۔ پٹ  
 جکو ایئے دُنیا میں آپری جان خاں بیر راکھئی، او ہمیشہ رو جیون ملٹ خاڑوں  
 آپری جان نا بچا راکھنے۔<sup>26</sup> جی کوئی مہاری شیوا کرئی، اوئے نا مہیں لارے  
 اوٹ چایجے۔ آن جیتھ بون بوئخ، اوٹھ مہارو شیوادھاری وی بوخے۔ آن جے  
 کوئی مہاری شیوا کرخے، مہارو باپ اوئے عزت کرخے۔“  
<sup>27</sup> ہمے مہارے من میں گھٹو ڈکھ ہے، پٹ بون کی کہواں؟ بون ایٹاں کہواں  
 کی؟ ”اے باپ، مہناں ایئے ٹائم خاں بچا۔“ نا، ایٹاں کونی کہواں، کیانکے ایئے  
 ٹائم خاڑوں بون آہاں۔  
<sup>28</sup> ”اے باپ، تون آپری عزت کرا۔“  
 جڈے آکاخ خاں بیک آواز آئی، ”مہیں آپری عزت کرائی ہے، آن بون بہلے  
 آپری عزت کرائیخ۔“  
<sup>29</sup> جکو منکھ اوٹھ پیٹھا بتا اوٹاں او آواز خنٹ کہیو، ”گآج ہویو ہے۔“ پٹ بچاں  
 منکھاں کہیو، ”بیکے فرشتے اوئے خاں بات کی ہے۔“  
<sup>30</sup> ایئے ترے یسوع کہیو، ’اے آواز مہیں خاڑوں کونی، پٹ تھوں خاڑوں آئی ہے۔  
<sup>31</sup> بیٹا او ٹائم ہے جڈے ایئے دُنیا رے منکھاں رو نیا بوخے۔ بیٹا ایئے دُنیا رو راج  
 کرن آکو شیطان آپرے راج خاں کاڈھیو جاخے۔<sup>32</sup> آن مہناں جڈے ایئے دُنیا خاں  
 اونچو چاڑھیو جاخے، اوئے گھڑی بون خاراں منکھاں نا آپ ڈُخا چھک لئیخ۔“  
<sup>33</sup> یسوع اوئے بات خاں منکھاں نا ایٹاں خمجھایو بی مہاری موت کہے نمونے  
 ری بوخے۔  
<sup>34</sup> ایئے ترے خاراں منکھاں اوئے نا کہیو، ”مہوں شاستر میں خٹیو ہے ایشور رو  
 چٹیوڑو مسیح ہمیشہ تک جیوتو رہنے۔ تو پچھے تھوں کوکر کہی آدم زاد نا  
 اونچو چاڑھیو جاخے؟ آدم زاد کُن ہے؟“

35 جڈے یسوع اوائا نا کہیو، ”ہالی تھوڑی تک اُجالو تھوں کڈھے ہے۔ جتری

تک اُجالو تھوں کڈھے ہے، اتری تک اُجالے میں آگھا ہالتا رو، متے تھوں تے  
اندھارو نی رو آوے۔ جکو اندھارے میں بہئی، اُوئے نا خبر کونی ہووئی بئی کیتھ  
جاؤں وو۔<sup>36</sup> جتری تک اُجالو تھوں کڈھے ہے، اتری تک اُجالے تے وشواس

راکھو، کہ تھوں اُجالے میں ہالن آلا ہوؤ۔“

یسوع اے خارے باتاں کہہ بوہو گیو، آن اوائا خاں لک گیو۔

37 یسوع اوائا رے رُوہرو اترا گھٹا پرچا بتایا تا، توئی وی اوائا یسوع تے

وشواس کونی راکھیو۔<sup>38</sup> ایٹاں ایٹے خاروں ہوہو جاں ایشور رو پیغام ڈیون آئے

یسعیاء رے بات پوری ہوئی،

”اے ایشور، مہارے ڈیوڑے نیاپے تے کیئے وی ویساہ کونی

راکھیو۔ آن پرہورے بتاویڑی طاقت کیئے وی کونی اولکھی۔“

39 ایٹے بات رے کرے او وشواس راکھ کونی خگیا، کیانکے

یسعیاء اے وی کہیو،

40 ”ایشور اوائا رے اونکھے بند کر چھوڑیے ہے،

آن اوائا را من ضیدی کر چھوڑیا ہے،

آن جاں او آپرے اونکھیاں خاں نی جووے،

آپرے من خاں نی خمجھے،

آن مہیں خاں مگتی لیون خاروں مہیں ڈخا نی پھرے۔“

41 یسعیاء اے باتاں ایٹے خاروں کہے تے جو اُوئے یسوع ری بڈائی ڈٹھی تی۔

ایٹے خاروں یسعیاء اے باتاں اُوئے رے بارے میں کہے تے۔

42 توئی وی یہودی اگوائاں میں گھٹاں جٹاں یسوع تے وشواس راکھیو۔ پٹن او

فریسی ٹوئی رے منکھاں خاں پیہوتا، متے او اوائا نا دھرم خاں باہر نی کاڈھے

را. ایسے خاروں اُوٹاں آپرو وشواس ظاہر کونی کریو.<sup>43</sup> اُوٹاں ایشور خان عزت نا گھٹ پسند کی، آن منکھاں خان عزت نا بدھیک پسند کی.

44 پچھے یسوع موٹے بولے خاں کہیو، ”جکو مہیں تے وشواس راکھئی، او چھڑو مہیں تے کونی، پٹ اُوٹے تے وی وشواس راکھئی جکے مہناں میلیو ہرے.

45 آن جکو مہناں جووئی، او اُوٹے نا وی جووئی جکے مہناں میلیو ہرے.<sup>46</sup> ہوں اُجالو ہو دُنیا میں آیو ہاں، جکو وی مہیں تے وشواس راکھئی، او آندھارے میں کونی ربتو.<sup>47</sup> جے کوئی مہارے باتاں خُٹئی، پٹ اُوٹاں تے کونی بیہوتو، تو ہوں آپ اُوٹے نا سزا ڈیوٹ رو فیصلو کونی کراں. کیانکے ہوں دُنیا رے منکھاں نا سزا ڈیوٹ رو فیصلو کرٹ خاروں کونی، پٹ اُوٹاں نا بچاوٹ خاروں آیو ہاں.<sup>48</sup> توئی وی جکو مہناں قبول کونی کرتو آن مہارے باتاں کونی منتو، اُوٹے رو نیا کرٹ آلو ہرے. کیانکے جکو وچن مہیں کریو ہاں، اُوٹے وچن رے کرے دُنیا رے آخر میں نیا رے ڈنہ اُوٹے نا سزا رو فیصلو ملخے.<sup>49</sup> کیانکے جکو وچن مہیں کریو ہاں، مہیں آپری مرضی خاں کونی کریو پٹ مہارے باپ جکے مہناں میلیو ہرے، اُوٹے مہناں حُکم ڈنو ہرے کہ مہناں کی کہوٹ آن کی بولٹ چاہیجے.<sup>50</sup> آن مہناں خبر ہرے ایشور رے حُکم خاں منکھاں نا ہمیشہ رو جیون ملئی. ایسے خاروں جکو ہوں کہیں، ہوں ایٹاں رو ایٹاں کہیں جاں مہارے باپ مہناں کہیو ہرے.“

13

<sup>1</sup> عیدِ فسح کھاوٹ خاں پہل یسوع نا خبر ہتی کہ ہمرے او ٹائم آیو رو جڈے ہوں ایسے دُنیا نا چھوڑ آپرے باپ کڈھے جائیخ. آن یسوع جکو ہمیشہ آپرے اُوٹاں منکھاں خاں پریم کرتو آیو جکو ایسے دُنیا میں بتا، پچھاڑی تک اُوٹاں خاں پریم راکھتو آیو.

2 آتھن آئی ہائی راکھیوڑی ہتی، آن شیطان آگرے شمعون اسکریوتی رے ڈیکرے  
یہوداہ رے من میں اے خیال نوکھیو تو کہ او یسوع نا جھلاوے۔<sup>3</sup> یسوع نا  
خبر ہتی مہارے پاپ خبھو کجھ مہارے کہوٹ میں راکھیو ہے، آن ہوں ایشور  
کڈھے خاں آیو ہاں آن ایشور کڈھے جاوٹ آلو ہاں۔<sup>4</sup> جڈے او ہائی کھان اٹھیو،  
تو اوئے آپرو گگھو اٹاریو آن تولیو لے کرک تے ہوندھیو۔<sup>5</sup> پچھے پوٹی ٹھوں میں  
لے آپرے چیلاں را پگ دھوونٹ لاگو، آن کرک تے بادھوڑے تولیے خاں اوٹاں را  
پگ آچھا کرنٹ لاگو۔

6 جڈے او شمعون پطرس کڈھے آیو، تو پطرس اوئے نا کہیو، ”پرہو، تھوں  
مہارا پگ دھو خو کی؟“

7 تو یسوع اوئے نا کہیو، ”اے جکو ہوں کرئی وو او تھاری خمجھ میں بیٹا  
کونی آوے، پٹ اوئے خاں پچھے تھناں خمجھ میں آخے۔“

8 پٹ پطرس کہیو، ”تھوں مہارا پگ کڈے وی کونی دھوؤ۔“  
جڈے یسوع اوئے نا کہیو، ”جے ہوں تھارا پگ نی دھوٹاں، تو تھارو مہیں خاں  
کوئی واسطو کونی ہووے۔“

9 تو شمعون پطرس کہیو، ”پرہو، نی چھڑو مہارا پگ دھوؤ، پٹ مہارا ہاتھ آن  
مہارو موہنڈو وی دھوؤ رو۔“

10 پٹ یسوع کہیو، ”جکو آگرے جھیلیوڑو ہے، اوئے رے چھڑو پگاں نا دھوونٹ  
ری ضرورت ہے، پجو خارو صاف ہے۔ آن تھوں صاف ہو، پٹ خارا ئی کونی۔“

11 یسوع نا خبر ہتی اوئے نا جھلاوٹ آلو کٹ ہے، ایسے خاروں اوئے کہیو کہ تھوں  
خارا ئی صاف کونی۔

12 پچھے جڈے یسوع خاراں چیلاں را پگ دھو لیا آن بھلے آپرو گگھو پھر ہائی



خاروں بیٹھو بیٹھو، جڈے چیلان نا کہیو، ”کی تھوں خمجھئی مہیں تھوں خاں  
 ایٹاں کے رے کرے کریو ہاں؟<sup>13</sup> تھوں مہناں گرو آن پرہو کہی، آن تھوں ٹھیک  
 کہی، کیانکے او بوں ہاں۔<sup>14</sup> ایئے خاروں جڈے تھورو پرہو آن گرو بو رو مہیں  
 تھوں را پگ دھویا ہے، تو تھوں نا وی بیکے بچے را پگ دھوون چایجے۔  
<sup>15</sup> کیانکے مہیں تھوں نا بیک نمونو ڈنو ہے، جاں جہڑے نمونے مہیں تھوں ری  
 شیوا کی ہے، ایہڑے نمونے تھوں نا وی ایٹاں کرٹو ہے۔<sup>16</sup> بوں تھوں نا خچ  
 کہیں غلام آپرے مالک خاں موٹو کونی، نی تو میلیوڑو منکھ آپرے میلن آئے خاں  
 موٹو ہے۔<sup>17</sup> تھوں جے اے باتاں خمجھئی آن اوٹاں تے بہوتا رہی، تو تھوں  
 بھاگاں آلا ہو۔

<sup>18</sup> بوں تھوں خاراں رے بارے میں کونی کہوتو۔ مہناں خبر ہے مہیں کیہڑا  
 منکھاں نا چٹیا ہے، توئی وی مہیں اوٹاں خاراں نا چٹیا ہے جاں اے شاستر ری  
 بات پوری ہوئی،

”جکو مہیں بھیلی ہاٹی کھاوئی، او مہارے خلاف ہویو ہے۔“<sup>19</sup>  
 بوں بیٹا تھوں نا اے بات ہوون خاں پہل کہیں وو، جاں جڈے  
 ایٹاں ہووے، تو تھوں ویساہ کرو بوں خچی کٹ ہاں۔<sup>20</sup> بوں تھوں  
 نا خچ کہیں جکو مہارے میلیوڑو منکھاں نا قبول کرئی، او مہناں  
 وی قبول کرئی۔ آن جکو مہناں قبول کرئی، او اوئے نا وی قبول  
 کرئی جکے مہناں میلیو ہے۔“

<sup>21</sup> اے باتاں کہہ پچھے یسوع آپرے من میں گھٹو پریشان ہویو، آن آپرے من  
 ری بات ظاہر کر کہیو، ”بوں تھوں نا خچ کہیں تھوں میں بیک جٹو مہناں  
 جہلاخے۔“<sup>22</sup> ایئے تے چیلہ بیکے بچے نا جوون لاگا، کیانکے اوٹاں نا کوئی  
 خبر کونی ہتی کہ یسوع کہے چیلے رے بارے میں کہی وو۔

23 تو چيلاں ميں بيڪ جڻو، جڪو يسوع رو پريمي چيلو هتو، او يسوع رے پاخے

24 جڏے شمعون پطرس اوتے چيلے نا اشارو ڏے ڪهيو، “تو

يسوع خاں پوچھ او ڪهے چيلے رے بارے ميں ڪهے.”

25 ايئے تے اوتے چيلے يسوع رے ڪون ميں ڪهه ايٿاں رو ايٿاں اوتے خاں

پوچھيو، ”پر بهو، او چيلو ڪهيو هے؟“

26 جڏے يسوع بلتي ڏني، ”هون جڪے نا گرھا پوڙ ڏئيخ، او چيلو او ئيج هے.“

پچھے يسوع ٻاڻي رو گرھا پوڙ شمعون اسڪريوتي رے ڏيڪرے يهوداھ نا ڏنو.

27 يهوداھ او گرھا ليو، آن شيطان اوتے رے من ميں بڙ گيو. تو يسوع اوتے نا

ڪهيو، ”جڪو تهناں ڪرڻو هے، او تون بيگو ڪر.“

28 پڻ بجا خارا ئي جڪو ٻاڻي ڪهاونڻ خارون بهيلا بتا، اوتان ميں ڪيئے نا وي

خبر ڪوني هتي يسوع اوتے نا ڪرے رے ڪرے ايٿاں ڪهے وو. 29 يهوداھ ڪڏھے

پيخا ري گوتهلي هووتی. ايئے خارون ڪئينڪ چيلاں ايٿاں خوچيو ڪه يسوع اوتے

نا ڪهے وو، ’اے خامان لے آ، جڪو آپاں نا عيد خارون چاييجرے،‘ يا ”ڪئينڪ

پيخا غريباں نا بند ڏے.“ 30 جڏے يهوداھ ٻاڻي رو گرھا لے جهٽ ميں ٻاھر نخر

گيو. اوتے ٿائم رات هتي.

31 جڏے يهوداھ بوبو گيو، پچھے يسوع ڪهيو، ”همے آدم زاد نا جلال مليو، آن

آدم زاد رے ڪرے ايشور رو اوتے ميں جلال ظاهر هويو. 32 آن ايشور اوتے نا آپ

ميں جلال ڏيخے آن اوتے نا بيگو جلال ڏيخے.

33 اے مهاراں پريمي ڏيڪراں، ٻالي هون تهوڙي تڪ تهون بهيتو هاں. اوتے خاں

پچھے تهون مهنان جوخو آن جاں مهين اگے يهودي اگوائتاں نا ڪهيو تو، بيتا ايٿاں

رو ايٿاں تهون نا ڪهين جيتھ هون جاوئين، اوتھ تهون آڪوني خگتا.

34 ہوں تھوں نا بیک نوؤ حُکم ڈٹیں کہ تھوں بیکے پجے خاں پریم راکھو. جاں

35 مہیں تھوں خاں پریم راکھیو ہے، تھیں وی بیکے پجے خاں پریم راکھو. جے  
تھوں آبت میں پریم راکھی، تو ایئے خاں خاراں منکھاں نا خبر بوخے کہ تھوں  
مہارا چیلا بو.

36 جڈے شمعون پطرس یسوع نا کہیو، ”اے پرہو، تھوں کیتھ جاوئی؟“  
یسوع اوئے نا بلتی ڈنی، ”جیتھ ہوں جاوئیں، اوتھ تون بیٹا مہیں لارے آ کونی  
خگتو. پٹ ایئے خاں پچھے تون مہیں لارے آئیں.“

37 تو پطرس کہیو، ”اے پرہو، بیٹا ہوں تھوں لارے کے رے کرے آ کونی  
خگتو؟ ہوں تھوں خاروں آپری جان ڈیون خاروں تیار ہاں.“

38 یسوع اوئے نا کہیو، ”تون آپری جان مہیں تے ڈیون خاروں تیار ہے کی؟ ہوں  
تہناں خچ کہیں آج رات رو کوکڑ رے ہونگ ڈیون خاں پہل تون تین دفعہ مہارو  
انکار کر کہیں کہ ہوں یسوع نا اولکھتوئی کونی.“

14

1 پچھے یسوع آپرے چیلاں نا کہیو، ”تھوں آپرے من میں پریشان نی ہوو.

2 ایشور تے ویساہ راکھو آن مہیں تے وی ویساہ راکھو. مہارے باپ رے گھر میں  
گھٹے جگھاواں ہے. جی ایٹاں نی ہوونت، تو مہیں تھوں نا ضرور کہیو ہوونت،

3 ہوں اوتھ تھوں خاروں جگھا تیار کرن خاروں جائیں وو. جڈے ہوں اوتھ جا

تھوں خاروں جگھا تیار کریخ، تو ہوں بھلے پاچھو آئیں آن تھوں نا آپ بھیل لے

جائیں، بئی جیتھ ہوں ہوئیں اوتھ تھوں وی ہوو. 4 آن جیتھ ہوں جائیں وو، اوتھلے

مارگ ری تھوں نا خبر ہے.“

5 ایئے تے توما اوئے نا کہیو، ”اے پرہو، مہوں نا خبر نی کونی تھوں کیتھ

جاوئی. تو پچھے مہوں نا کوکر اوتھ جاوڻ رے مارگ ری خبر بوخرے؟“  
6 تو یسوع اُوئے نا کہیو، ”مارگ آن خچ آن جیون ہوں ہاں. کوئی وی مہارے

وسیلی بنا باپ کڈھے جا کونی خگتو. 7 جے تھوں مہناں اولکھیو بوونت، تو  
تھوں مہارے باپ نا وی اولکھیو بوونت. پڻ آج خاں لے تھوں باپ نا اولکھخو،  
آن تھوں اُوئے نا ڈٹھو ہے.“

8 تو فلپس اُوئے نا کہیو، ”پرہو، مہوں نا باپ رو درشن کراؤ، تو اے مہوں  
خاروں گھٹوئی ہے.“

9 جڈے یسوع اُوئے نا کہیو، ”فلپس، ہوں تھوں بہیلو اِترا گھٹا ڈنہ ریو ہاں،  
توئی وی تُوں مہناں کونی اولکھتو کی؟ جکے مہناں ڈٹھو ہے، اُوئے باپ نا وی  
ڈٹھو. تو پچھے تُوں کے خاروں کہیں مہوں نا باپ رو درشن کراؤ؟ 10 تُوں اے  
بات کونی منتو کی؟ ہوں باپ مئیں ہاں، آن باپ مہیں مہیں ہے.“ جکو باتاں  
ہوں تھوں خاں کرئیں وو، اے باتاں ہوں آپری مرضی خاں کونی کرتو. پڻ مہارو  
باپ جکو مہیں مئیں رہی، او آپرا کوم آپ کرئی. 11 مہاری ایئے بات تے ویساہ  
کرو ہوں باپ مئیں ہاں، آن باپ مہیں مئیں ہے. پڻ جے تھوں مہارے کہوڻ خاں  
ایئے بات تے ویساہ کونی کرتا، تو گھٹ میں گھٹ مہارے کوماں نا جو رو  
ویساہ کرو.

12 ہوں تھوں نا خچ کہیں جکو مہیں تے وشواس راکھئی، جیہڑا کوم ہوں  
کرئیں، اوہڑا کوم او وی کرخرے. پڻ او اُوئے خاں موٹا کوم وی کرخرے، کیانکے  
ہوں آپرے باپ کڈھے جائیں وو. 13 آن جکے وی بات خاروں تھوں مہارو نوں  
لے دُعا مونگخو او ہوں کریخ، جاں باپ رو جلال ڈیکرے رے کرے ظاہر  
ہوئے. 14 جکے وی بات خاروں تھوں مہارو نوں لے دُعا مونگخو، او ہوں ضرور  
کریخ.“

15 ”جے تھوں مہیں خاں پریم راکھئی، تو تھوں مہارے حُکماں تے بہنحو۔<sup>16</sup>

آن ہوں مہارے باپ کڈھے عرض کریخ، آن او تھوں کڈھے بیک بچو مدد کرن  
آو ملخے، جکو ہمیشہ تک تھوں بھیلو رہے۔<sup>17</sup> او مدد کرن آو پویر آتما ہے،  
جکو خچ ری خبر ڈئی۔ دُنیا را منکھ اُوئے نا قبول کونی کرتا، کیانکے او نی تو  
اُوئے نا جوووتا آن نی تو اُوئے نا اولکھتا۔ پٹ تھوں اُوئے نا اولکھئی، او تھوں بھیلو  
ری آن تھوں مئیں بوخے۔

18 ہوں تھوں نا یتیم بالان آئی کار بیکھلا کونی چھوڑاں، پٹ ہوں تھوں کڈھے

پاچھو آئیخ۔<sup>19</sup> تھوڑی دیر خاں پچھے دُنیا را منکھ مہناں بھلے کونی جووے پٹ  
تھوں مہناں جوخو، کیانکے ہوں بھلے جیوتو بوئخ آن تھوں نا جیون ملخے۔

20 اُوئے ٹائم تھوں نا خبر پڑخے ہوں مہارے باپ مئیں ہاں، آن تھوں مہیں مئیں  
ہو، آن ہوں تھوں مئیں ہاں۔

21 جکو منکھ مہارا حُکم منئی آن اُوئاں تے بہئی، او ئیج مہیں خاں پریم کرئی۔  
آن جکو مہیں خاں پریم کرئی، اُوئے خاں مہارو باپ پریم کرخے آن ہوں وی  
اُوئے خاں پریم کریخ، آن ہوں اُوئے تے ظاہر ہوئخ۔“

22 جڈے یہوداہ اسکریوتی نہ، پٹ پیجے یہوداہ نوں رے چیلے یسوع نا کہیو،  
”پرہو، اے کوکر بوخے؟ جکو تھوں مہوں تے آپ نا ظاہر کرخو، پٹ دُنیا رے  
منکھاں تے آپ نا ظاہر کونی کرو۔“

23 تو یسوع اُوئے نا بلتی ڈئی، ”جکو وی مہیں خاں پریم راکھئی، او مہارے  
کہیوڑے باتاں تے بہنحو۔ آن مہارو باپ اُوئے خاں پریم راکھنے، آن مہیں اُوئے  
کڈھے آخاں، آن اُوئے بھیلا رہناں۔<sup>24</sup> پٹ جکو مہیں خاں پریم کونی کرے، او  
مہارے باتاں تے کونی بہے۔ آن اے جکو بات تھوں مہیں خاں خٹئی وا، او بات  
مہاری مرضی خاں کونی پٹ مہارے باپ ری مرضی خاں ہے جکے مہناں میلیو

ہے۔

25 اے خارے باتاں مہیں تھوں بھیلو رہ تھوں خاں کرئی ہے۔<sup>26</sup> پین٘ ہاپ مہارے  
نوں خاں پوئتر آتما میلخے۔ او تھوں ری مدد کرن٘ آلو ہے، جکو تھوں نا خارے  
باتاں خکھاخے، آن اے باتاں جکو مہیں تھوں نا کہے ہے، اے خارے باتاں  
تھوں نا یاد کراخے۔

27 ہمے ہوں تھوں نا خکھ ڈیئے جاوئیں، ہوں تھوں نا مہارو آپرو خکھ ڈئیں۔  
جکو خکھ دُنیا را منکھ ڈئی، اوہڑو ہوں کونی ڈیوتو۔ تھوں من میں پریشان نی  
ہویا، نی تو پیہا۔

28 تھوں مہارے اے کہیوڑی بات بیٹا خٹی ہے ہوں جاوئیں آن بھلے پاچھو  
تھوں کڈھے آئخ۔ جے تھوں مہیں خاں پریم کریو ہوننت، تو تھوں خوش ہویا  
ہوننت ہوں مہارے ہاپ کڈھے جاوئیں وو، کیانکے مہارو ہاپ مہیں خاں موٹو  
ہے۔<sup>29</sup> بیٹا مہیں تھوں نا اے بات ہوون٘ خاں پہل کہی ہے، ایئے خاروں جڈے  
بات ہووے، تو تھوں ویساہ راکھو۔

30 ہمے ہوں تھوں خاں بدھیک گھٹے باتاں کونی کراں، کیانکے ایئے دُنیا رو  
راج کرن٘ آلو شیطان آئی وو۔ اوئے ری مہیں تے کوئی طاقت کونی۔<sup>31</sup> پین٘ جکو  
ہوں کرئیں، او ہوں ایئے خاروں کرئیں کہ دُنیا رے منکھاں نا خبر پڑے کہ ہوں  
مہارے ہاپ خاں پریم کرئیں، آن ہجو مہارے ہاپ جاں مہناں کرن٘ رو کہیو  
ہے، ایئاں رو ایئاں ہوں کرئیں وو۔  
اُتھو، ایتھ خاں بہاں۔“

15

<sup>1</sup> پچھے یسوع آپرے چیلاں نا بھلے کہیو، ”ہوں انگوراں ری خاچی بیل ہاں،  
آن مہارو ہاپ مالہی ہے۔<sup>2</sup> مہاری جکی وی ڈالی میں میوو کونی ہووتو، مہارو

باپ اُوئے نا باڈھ ڈٹی. آن ہر بیک ڈالئی جکے میں میوو ہووئی، او اُوئے نا  
چھونگئی، بئی اُوئے میں بدھیک میوو ہووے.

<sup>3</sup> جکو وچن مہیں تھوں نا کہیو تو، اُوئے رے کرے تھوں اگے صاف ہو گیا

<sup>4</sup> ہو. ہمے تھوں مہیں مئیں رہو، آن ہوں تھوں مئیں ریخ. کوئی ڈالئی آپہے آپ  
میوو کونی ڈے خگتی. پٹ جڈے او ییل مئیں لاگیوڑی ہووئی، پچھے اُوئے میں  
میوو لاگئی. ایہڑے نمونے جے تھوں مہیں مئیں کونی رہو، تو تھوں نا کوئی میوو  
کونی لاگے.

<sup>5</sup> ہوں انگوراں ری ییل ہاں آن تھوں ڈالے ہو. جکو منکھ مہیں مئیں ری آن ہوں  
اُوئے مئیں رہیں، اوئی نا گھٹو میوو لاگئی، کیانکے مہیں بنا تھوں کئیں کونی کر  
خگتا. <sup>6</sup> جے کوئی مہیں مئیں کونی رہتو، او اُوئے ڈالئی آلی کار ہے جکے نا باڈھ  
پہگا چھوڑئی، آن او خوک جاوئی. ایہڑے ڈالے خارے بھیلے کر باخڈے میں  
پہگاوئی جیتھ او ہل جاوئی رے.

<sup>7</sup> جی تھوں مہیں مئیں ری آن مہارے باتاں تھوں رے من مئیں رہی، تو تھوں نا  
جکو چاہیجے، او ایشور خاں مونگو، آن او تھوں خاروں بوخے. <sup>8</sup> جڈے تھوں نا  
گھٹو میوو لاگئی، تو ٹھا لاگئی تھوں مہارا چیلا ہو، آن ایئے بات خاں مہارے  
باپ رو جلال ظاہر ہووئی. <sup>9</sup> جاں مہارے باپ مہیں خاں پریم کریو ہے، اوئائیں

مہیں تھوں خاں پریم کریو ہاں. ہمے تھوں مہارے پریم میں رہو. <sup>10</sup> جے تھوں  
مہارے حکماں تے بہخو، تو تھوں مہارے پریم میں رہخو، جاں ہوں مہارے باپ  
رے حکماں تے بہئیں آن اُوئے رے پریم میں رہیں. <sup>11</sup> مہیں تھوں نا اے باتاں  
ایئے خاروں کہے ہے کہ مہاری جکو خوشی ہے او تھوں رے من میں ہووے، آن  
تھوں ری خوشی پوری ہووے.

<sup>12</sup> مہارو ڈیوڑو حکم اے ہے تھوں بیکے بجے خاں پریم کرو، جاں مہیں تھوں

13 خاں پریم کریو ہے۔ ایئے خاں بدھیک ایہڑو پریم ہے کونی، جکو کوئی منکھ  
آپرے پریمیاں خاڑوں آپری جان ڈے۔<sup>14</sup> جے تھوں مہارے حکماں تے بہی، تو  
تھوں مہارا پریمی ہو۔

15 آج خاں لے ہوں تھوں نا غلام کونی کہواں، کیانکے غلام نا آپرے مالک رے  
کوم رے بارے میں کوئی خبر کونی ہووتی پٹ بیٹا مہیں تھوں نا آپرا پریمی کہیا  
ہے، کیانکے جکو وی باتاں مہیں آپرے باپ خاں خٹھے ہے، اوٹاں خارے باتاں  
ری خبر مہیں تھوں نا ڈنی ہے۔<sup>16</sup> ایٹاں کونی کہ تھوں مہناں چٹو ہے نہ، مہیں  
تھوں نا چٹیا ہے آن تھوں نا راکھیا ہے ایئے خاڑوں تھوں جا ایہڑو میوو لگاؤ جکو  
ہمیشہ تک رہے، آن ایئے خاڑوں تھوں جکو وی مہارے نوں خاں باپ خاں  
مونگو، او تھوں نا ڈیخے۔

17 ہوں تھوں نا اے حکم ڈئیں وو تھوں بیکے بچے خاں پریم راکھو۔“

18 ”جے دُنیا را منکھ تھوں خاں بیر راکھئی، تو یاد راکھو تھوں خاں پہل اوٹاں  
مہیں خاں بیر راکھیو ہے۔<sup>19</sup> جے تھوں ایئے دُنیا را منکھ ہوونت، تو دُنیا را منکھ  
تھوں نا آپرا خمجھ تھوں خاں پریم کرنٹ۔ پٹ تھوں ایئے دُنیا را کونی، کیانکے  
مہیں تھوں نا ایئے دُنیا میں چٹ لیا ہے۔ آن ایئے خاڑوں دُنیا تھوں خاں بیر  
راکھئی۔<sup>20</sup> مہاری تھوں خاں کریوڑی اے بات یاد راکھو غلام آپرے مالک خاں  
موٹو کونی۔ جاں منکھاں مہناں تنگ کریو ہے، اوٹائیں او تھوں نا وی تنگ  
کرخے۔ آن جاں اوٹاں مہاری بات منی، اوٹائیں تھوں ری بات وی منخے۔<sup>21</sup> او  
تھوں نا مہارے کرے تنگ کرخے، کیانکے او اوئے نا کونی اوٹکھتا جکے مہناں  
میلیو ہے۔

22 جے ہوں نی آيو ہوونت آن تھوں نا نی خمجھایو ہوونت، تو اوٹاں را گناہ اوٹاں  
تے نی ہوونت وا۔ پٹ ہمے گناہاں ری سزا خاں بچٹ رے خاڑوں اوٹاں رو کوئی



23 بہانو کونی۔ جکو مہیں خاں بیر راکھئی، او مہارے باپ خاں وی بیر راکھئی۔

24 جے مہیں اُوٹاں رے بیچ میں ایہڑا بھلا کوم نی کریا ہوونت جیہڑا بجے کیئے کونی کریا، تو اُوٹاں را گناہ اُوٹاں تے نی ہوونت وا۔ پٹ ہمے اُوٹاں او مہارا کوم ڈٹھا ہے، آن توئی وی اُوٹاں مہیں خاں آن مہارے باپ خاں بیر راکھیو ہے۔<sup>25</sup> پٹ اے بات ایئے خارو ہوئی ہے کہ اُوٹاں ری شاستر ری لکھیوڑی اے بات پوری ہووے،

”اُوٹاں مہیں خاں ایہاٹی بیر راکھیو۔“<sup>26</sup> ہوں تھوں کڈھے مہارے باپ خاں مدد کرن اُو میلخ، جکو پوینتر آتما ہے۔ او خچ ری خبر ڈیون اُو ہے، آن باپ خاں آئی۔ او جڈے آخے، تو مہاری گواہی ڈینخے۔<sup>27</sup> آن تھوں وی مہارا گواہ ہو کیانکے تھوں شروع خاں لے مہیں بھیلہ ریا ہو۔

16

1 مہیں تھوں نا اے باتاں ایئے خارو کہے ہے، بی تھوں وشواس نی چھوڑو۔  
2 منکھ تھوں نا دھرم خاں باہر کاڈھنخے، آن ایہڑو ٹائم وی آئی وو جڈے او تھوں نا مار ڈینخے، آن ایٹاں خمجھنخے مہیں ایہڑے نمونے ایشور ری شیوا کریں وا۔  
3 او سبھ کجھ ایٹاں کرخے، کیانکے اُوٹاں نی تو باپ نا اوٹکھیو ہے، نی تو مہناں اوٹکیو ہے۔

4 پٹ مہیں تھوں خاں اے باتاں ایئے خارو کریے ہے کہ جڈے اُوٹاں باتاں رو ٹائم آوے، تو تھوں نا یاد آوے، مہیں تھوں خاں اے باتاں پہل کریے تے۔“  
”مہیں شروع میں اے باتاں تھوں خاں کونی کریے، کیانکے ہوں تھوں بھیلو بتو۔<sup>5</sup> پٹ ہمے ہوں اُوئے کڈھے جائیں وو جکے مہناں میلیو ہے، توئی وی تھوں

میں کوئی مہارے بارے میں کوئی پوچھتو، ہوں کیتھ جائیں وو۔<sup>6</sup> اٹھوئی جڈے  
مہیں تھوں نا اے باتاں کریے، تو تھوں من میں ڈکھاں خاں بھر گیا را۔<sup>7</sup> پٹ ہوں  
تھوں نا خاچی بات کہیں مہارے جاوٹ خاں تھوں نا فائدو ہے۔ کیانکے جے ہوں  
نی جاؤں، تو مدد کرن اٹو تھوں کڈھے کوئی آوئے۔ پٹ جے ہوں جائیخ، تو ہوں  
آوئے نا تھوں کڈھے میلخ۔<sup>8</sup> آن او آڈنیا رے منکھاں نا ایٹاں مناخے خچی پاپ

کی ہے، نیکی کی ہے، آن ایشور رو فیصلو کی ہے۔<sup>9</sup> او اوٹاں نا ایٹاں مناخے

پاپ کی ہے، کیانکے او مہیں ترے وشواس کوئی راکھتا۔<sup>10</sup> او اوٹاں نا ایٹاں  
مناخے نیکی کی ہے، کیانکے ہوں پاپ کڈھے جائیں وو، آن پچھے تھوں مہناں  
بھلے کوئی جوؤ۔<sup>11</sup> آن او اوٹاں نا ایٹاں مناخے ایشور رو فیصلو کی ہے، کیانکے  
ایئے ڈنیا رے راج کرن اٹے شیطان نا سزا ڈیون رو فیصلو ہوو ہے۔

گھٹے بچے باتاں ہے جکو مہناں تھوں خاں کرتے ہے۔ پٹ بیٹا تھوں او باتاں<sup>12</sup>

خمجھ کوئی خگو۔<sup>13</sup> پٹ جڈے پویر آتما آخے، جکو خچ ری خبر ڈیون اٹو  
ہے، تو او تھوں ری اگوائی کر خارے خچے باتاں کہخے۔ کیانکے او آپری  
مرضی خاں کوئی بولے، پٹ جکو او ایشور خاں خٹخے، او باتاں کہخے، آن  
جکو باتاں آوٹ اٹے ڈنہاں میں بوخے، اوٹاں رے بارے میں تھوں نا خٹاخے۔<sup>14</sup> او  
مہارو جلال ظاہر کرخے، کیانکے او مہارے باتاں مہیں خاں لے تھوں نا خٹاخے۔  
پاپ رو خبھو کجھ مہارو ہے، ایئے خاروں مہیں کہیو ہے پویر آتما مہارے<sup>15</sup>  
باتاں مہیں خاں لے تھوں نا خٹاخے۔“

پچھے یسوع آپرے چیلاں نا بھلے کہیو، ”تھوڑی دیر خاں پچھے تھوں<sup>16</sup>

مہناں کوئی جوؤ، پٹ بھلے تھوڑی دیر خاں پچھے تھوں مہناں جوخو۔“

ایئے ترے چیلاں میں کئینک جٹاں بیکے بچے نا کہوٹ لاگا، ”او آپاں نا کی<sup>17</sup>

کہی وو؟ ”تھوڑی دیر خاں پچھے تھوں مہناں کونی جوؤ، آن بھلے تھوڑی دیر خاں پچھے تھوں مہناں جوخو“، آن ”کیانکے ہوں باپ کڈھے جاوئیں وو۔“ ایئے رو مطلب کی ہے؟“<sup>18</sup> او آیت میں پوچھتا ریا، ”تھوڑی دیر رو مطلب کی ہے؟ آپاں نا خبرئی کونی او کی کہی وو۔“

<sup>19</sup> یسوع نا خبر ہتی چیلا مہیں خاں ایئے بات رے بارے میں پوچھن چاہوئی۔ ایئے خاروں اوئے کہیو، ”کی تھوں بیکے پچھے خاں ایئے بات رے بارے میں پوچھئی وا بئی مہیں ایئاں کہن خاروں کہیو ہے؟“ ”تھوڑھی دیر خاں پچھے تھوں مہناں کونی جوؤ“، آن ”بھلے تھوڑی دیر خاں پچھے تھوں مہناں جوخو۔“<sup>20</sup> ہوں تھوں نا خچ کہیں تھوں روخو آن پٹخو، پٹ دُنیا را منکھ خوش بوخے۔ تھوں نا ڈکھ بوخے، پٹ تھورو ڈکھ خوشی میں بدل جاخے۔

<sup>21</sup> جڈے کوئی لگائی ہال جٹن آلی ہووئی، تڈے اوئے نا گھٹی ڈوکھن ہووئی، کیانکے اوئے رے ہال جٹن رو ٹائم آو ہووئی۔ پٹ جڈے ہال جٹنی رو، تو اوئے نا تکلیف بخر جاوئی ری، کیانکے او اتری خوش ہووئی کہ اوئے دُنیا میں بیکے ہال نا جنم ڈنو ہے۔<sup>22</sup> ایہڑی نمونے تھوں نا وی بیٹا ڈکھ ہے۔ پٹ ہوں تھوں نا بھلے بھیلو بوئخ آن تھوں خوش بوخو، آن او تھوں ری خوشی تھوں خاں کوئی کونی کھوخے۔

<sup>23</sup> اوئے ڈنہ تھوں مہیں خاں کوئی سوال کونی پوچھو۔ ہوں تھوں نا خچ کہیں باپ خاں جکو تھوں مونگخو، او مہارے نوں رے کرے تھوں نا ڈیخے۔<sup>24</sup> ہالی تک تھوں مہارو نوں لے ایشور خاں کئیں کونی مونگیو۔ مونگو تھوں نا ملخے، آن ایہڑے نمونے تھوں ری خوشی پوری بوخے۔“

<sup>25</sup> ”اے باتاں مہیں تھوں نا مثالاں خاں کہے ہے۔ پٹ او ٹائم آئی وو جڈے ہوں تھوں خاں مثالاں میں کونی بولاں، پٹ تھوں نا باپ رے بارے میں صاف بات

کریخ۔<sup>26</sup> اوئے ڈنہ تھوں اوئے خاں مہارو نوں لے دُعا مونگخو۔ مہارو مطلب اے کونی مہناں تھوں رے بارے میں باپ خاں منتھ کرنی پڑخے۔<sup>27</sup> نہ نہ، باپ آپ تھوں خاں پریم کرئی، کیانکے تھوں مہیں خاں پریم کریو ہے آن وشواس راکھیو ہے ہوں باپ خاں آیو ہاں۔<sup>28</sup> ہوں مہارے باپ خاں آئے دُنیا میں آیو ہاں۔ آن ہمے ہوں دُنیا نا چھوڑ پاچھو بھلے اوئے کڈھے جائیں وو۔“

جڈے اوئے رے چیلان کہیو، ”جوؤ، ہمے تھوں صاف نمونے خاں کہی وا آن مثالان خاں کونی بولتا۔<sup>30</sup> ہمے مہوں نا خبر ہے تھوں خبھو کجھ جائی، آن تھوں نا اے ضرورت وی کونی کہ منکھ تھوں خاں سوال پوچھے۔ ایئے بات رے کرے مہیں ویساہ کرائیں کہ تھوں ایشور خاں آیا ہو۔“

ایئے ترے یسوع اوٹاں نا کہیو، ”تھوں ہمے پکو وشواس راکھئی کی؟“<sup>32</sup> پٹ مہاری بات خٹو۔ ایہڑو ٹائم آئی وو آن بیٹا آیو رو جڈے تھوں خارا ئی مہناں بیکھلو چھوڑ ہر بیک آپرے آپرے گھراں ڈِخا بھج جاخو۔ توئی وی ہوں بیکھلو کونی، کیانکے مہارو باپ مہیں بھیلو ہے۔

مہیں اے باتاں تھوں نا ایئے خاروں کہے ہے بی مہیں مئیں رھوٹ رے کرے<sup>33</sup> تھوں نا خُکھ ملے۔ ایئے دُنیا میں تھوں نا ڈکھ آن تکلیف ہے۔ پٹ ہمت راکھتا رہو، کیانکے ہوں دُنیا ترے غالب آیو ہاں۔“

17

<sup>1</sup> جڈے یسوع اے باتاں کرتو وو، جڈے اوئے آکاخ ڈِخا جو کہیو، ”اے باپ، ہمے او ٹائم آیو رو۔ آپرے ڈیکرے رو جلال ظاہر کر، جاں تھارے ڈیکرے تھارو جلال ظاہر کریو۔<sup>2</sup> ہوں اے منتھ کرئیں، کیانکے تھیں مہناں خاراں منکھاں ترے اے اختیار ڈُنو ہے جترا وی منکھ تھیں مہناں ڈِنا ہے، اوٹاں خاراں نا ہوں ہمیشہ

3 رو جیون ڈاں. آن ہمیشہ رو جیون اے ہے او منکھ تھیں بیکے ئیج خچے ایشور  
نا اولکھے، آن یسوع مسیح نا اولکھے جکے نا تھیں میلیو ہے.

4 جکو کوم تھیں مہناں کرن خاڑوں ڈنو تو، او کوم مہیں پورو کر ایئے دھرتی  
تے تھارو جلال ظاہر کریو ہے. 5 تو ہمے باپ، مہناں آپ کڈھے ایہڑو جلال ڈے،  
جیہڑو مہارو جلال اوئے ٹائم بتو جڈے ہوں دُنیا ٹھہوٹ خاں پہل تھیں بھیلو  
راکھتو.

6 ”دُنیا میں جکو منکھ تھیں مہناں ڈنا ہے، اوئاں آگے مہیں تھارو نوں ظاہر کریو  
ہے. او منکھ تھارا بتا آن او تھیں مہناں ڈنا ہے، آن اوئاں تھارے باتاں منیے ہے.

7 ہمے اوئاں نا خبر پڑی ہے جکے وی تھیں مہناں ڈنو ہے، او خاڑو تھیں خاں ملیو  
ہے. 8 کیانکے جکو باتاں تھیں مہناں کہے ہے، او باتاں مہیں اوئاں نا کہے ہاں.  
اوئاں او باتاں منیے ہے، آن اوئاں نا پکی تسلی ہوئی ری کہ ہوں تھیں خاں آيو  
ہاں، آن اوئاں ویساہ راکھیو ہے کہ تھیں مہناں میلیو ہے.

9 ہوں اوئاں خاڑوں تھیں خاں عرض کرئیں وو. اے عرض ہوں دُنیا رے منکھاں  
خاڑوں کونی، پٹ اوئاں منکھاں خاڑوں کرئیں وو جکو تھیں مہناں ڈنا ہے،  
کیانکے او تھارا منکھ ہے. 10 جکو مہارا ہے او خارا ئی تھارا ہے. آن جکو تھارا  
ہے او مہارا ہے. آن مہارو جلال اوئاں منکھاں رے کرے ظاہر ہويو ہے.

11 ہمے ہوں اے دُنیا چھوڑ تھیں کڈھے آؤں وو، پٹ اے ایئے دُنیا میں رنخے.

اے باپ، تُوں جکو پوئتر ہے، اوئاں نا تھاری آپری اوئے طاقت خاں خنبھاں  
راکھ، جکو طاقت تھیں مہناں ڈنی تی، ایئے خاڑوں اے بیک ہو جاوے را، جاں  
تُوں آن ہوں بیک ہاں. 12 جتری تک ہوں اوئاں بھیلو بتو، اتری تک ہوں تھاری

ڈیوڑی طاقت خاں اوئاں نا خنبھائتو ریو، آن مہیں اوئاں نا بیچائے راکھیا ہے.  
اوئاں میں کئی وی ہمیشہ تک وشواس کونی چھوڑیو، چھڑو اوئے بیکے جکو

نرگ میں ہمیشہ ری سزا لیونٹ جیہڑو ہے آن ایہڑے نمونے شاستر ری بات پوری ہوئی ہے .

<sup>13</sup> بیٹا ہوں تھیں کڈھے آوئیں وو . پٹ جتري تک ہوں ہالی دُنیا میں ہاں، ہوں اے باتاں کرئیں وو، ایئے خاروں اُوٹاں رے من میں مہاری خوشی پوری ہووے .

<sup>14</sup> مہیں اُوٹاں نا تھارے باتاں کہے ہے، آن دُنیا رے منکھاں اُوٹاں خاں بیر راکھیو ہے . کیانکے جاں ہوں ایئے دُنیا رو کونی، ائیاں تھیں وی ایئے دُنیا را کونی .

<sup>15</sup> مہاری عرض اے کونی کہ تُوں اُوٹاں نا دُنیا خاں دھار راکھن بچا . پٹ مہاری عرض اے ہے کہ تُوں اُوٹاں نا شیطان خاں بچائے راکھ .<sup>16</sup> اے ایئے دُنیا را

کونی، جاں ہوں وی ایئے دُنیا رو کونی .

<sup>17</sup> تھارو وچن خچو وچن ہے . تو اُوٹاں نا اُوئے خچ رے وچن خاں تھاری شیوا

<sup>18</sup> خاروں پوِتر کر . جاں تھیں مہناں دُنیا میں میلیو ہے، اوٹاں مہیں وی اُوٹاں نا

<sup>19</sup> دُنیا میں میلیا ہاں . آن اُوٹاں خاروں ہوں آپ نا تھاری شیوا میں پوِتر راکھئیں،

بئی اے وی خچے ئی تھاری شیوا خاروں پوِتر ہووے .“

<sup>20</sup> ”ہوں چھڑو ایٹاں منکھاں خاروں عرض کونی کرتو، پٹ اُوٹاں خاراں منکھاں

خاروں وی عرض کرئیں جکو ایٹاں رے کہیوڑے باتاں رے کرے مہیں تے

<sup>21</sup> وشواس راکھئی . اے باپ، مہاری عرض اے ہے اے خارا ئی بیک ہووے،

جاں تُوں مہیں مئیں ہے آن ہوں تھیں مئیں ہاں . ہوں عرض کرئیں وو، اے وی

مہوں مئیں ہووے، تو دُنیا را منکھ وِساہ کرے کہ تھیں مہناں میلیو ہے .

<sup>22</sup> جیہڑو جلال تھیں مہناں ڈنو ہے، ایہڑو جلال مہیں وی ایٹاں نا ڈنو ہے،

<sup>23</sup> جہڑے نمونے آپاں بیک ہاں، ایہڑی نمونے اے وی بیک ہووے . ہوں ایٹاں مئیں

ہاں، آن تُوں مہیں مئیں ہے . مہارو عرض اے ہے اے پورے نمونے بیک ہو

جاوے، آن دُنیا رے منکھاں نا خبر پڑے کہ تھیں مہناں میلیو ہے، آن تھیں ایٹاں  
خاں ایہڑو پریم کریو ہے جیہڑو تھیں مہیں خاں کریو ہے۔

<sup>24</sup> اے باپ، مہاری مرضی اے ہے جکو منکھ تھیں مہناں ڈُنا ہے، جیتھ ہوں  
بوئیںخ، اوتھ او خارا ئی وی مہیں بھیللا ہووے۔ ہوں ایٹاں عرض کرئیں جاں او  
مہارو او جلال جووے جکو تھیں مہناں ڈُنو ہے، کیانکے دُنیا ٹھہوٹ خاں پہل  
تھیں مہیں خاں پریم راکھیو ہے۔

<sup>25</sup> اے باپ، تُوں جکو خچو ہے، تھناں دُنیا رے منکھاں کونی اوٹکھیو، پٹ  
مہیں تھناں اوٹکھیو ہاں، آن ایٹاں مہارے چیلاں وی اوٹکھیو ہے کہ تھیں مہناں  
میلیو ہے۔ <sup>26</sup> مہیں اُوٹاں خومہوں تھارو نوں ظاہر کریو ہے، آن ہوں ایٹاں کرتو  
ریبخ، جاں تھارو پریم جکو تھیں مہیں خاں راکھیو ہے، او پریم اُوٹاں رے من  
مئیں ہووے، آن ہوں آپ وی اُوٹاں مئیں ہون۔“

18

<sup>1</sup> جڈے یسوع اے دُعا مونگی ری، تو او آپرے چیلاں بھیلو قدرون ندی رے  
پہلوڑے پاخے گیو۔ اوتھ بیک باغ بتو، یسوع آن اُوئے را چیلا اُوئے باغ میں  
گیا۔

<sup>2</sup> تو یہوداہ جکو یسوع نا جھلاوٹ آکو بتو، اُوئے نا وی اُوئے جگھا ری خبر ہتی،  
کیانکے یسوع گھٹی دفعہ آپرے چیلاں بھیلو اوتھ جاوٹو رہوٹو۔ <sup>3</sup> ایسے خاروں  
یہوداہ رومی فوج رو بیک ٹوٹو آن موٹاں پوجاریاں آن فریسی ٹوٹے آلاں خپایی آپ  
بھیللا لے اوتھ باغ میں آیو۔ اُوٹاں کڈھے موٹا ڈیٹا، بتے آن ہتھیار بتا۔

<sup>4</sup> یسوع نا خاری خبر ہتی کہ مہیں خاں کی ہووٹ آکو ہے، ایسے خاروں اُوئے  
اُوٹاں خومہوں آگھو جا اُوٹاں خاں پوچھیو، ”تھوں کے نا جوو وا؟“

<sup>5</sup> اُوٹاں بلتی ڈنی، ”مہیں یسوع ناصرت شہار آئے نا جوٹاں وا۔“

جڈے یسوع اوتان نا کہیو، ”او ہوں ہاں۔“ یہوداہ جکو اوتے نا جھلاوٹ اکو بتو،  
او وی اوتان بھیلو اوتہ اُبھو بتو۔

<sup>6</sup> جڈے یسوع اوتان نا کہیو او ہوں ہاں، تو او پاچھا ہو دھرتی تے کھر گیا۔

<sup>7</sup> یسوع اوتان نا بھلے پوچھیو، ”تھوں کرے نا جوؤ وا؟“

تو اوتان کہیو، ”یسوع ناصرت شہار آکرے نا۔“ <sup>8</sup> جڈے یسوع کہیو، ”مہیں  
تھوں نا اگے کہیو ہے او ہوں ہاں۔ ایٹے خاروں جے تھوں مہناں جوؤ وا، تو ایٹاں  
مہارے چیلاں نا جاوٹ ڈو۔“ <sup>9</sup> اے ایٹاں ہوو جاں یسوع ری اگے کہیوڑی بات  
پوری ہووے، ”جکو منکھ تھیں مہناں ڈنا ہے، مہیں اوتان خاراں میں کئی نا وی  
کونی گمایو۔“

<sup>10</sup> جڈے شمعون پطرس، جکے کڈھے تلوار ہتی، آپری تلوار کاڈھ مکھ پُجاری  
رے نوکر نا ماری، آن اوتے رو خاجڑی کون باڈھ ڈنو۔ اوتے نوکر رو نوں ملخس  
بتو۔ <sup>11</sup> ایٹے تے یسوع پطرس نا کہیو، ”آپری تلوار پاچھی میان میں راکھ۔ جکو

ڈکھاں رو پیٹالو مہارے باپ مہناں پیٹن خاڑوں ڈنو ہے، او ہوں ضرور پیٹخ۔“

<sup>12</sup> پچھے رومی فوج ری ٹولی آن اوتان رے موٹے آفیسر آن یہودیوں رے خیابیاں

یسوع نا جھالیو، آن اوتے نا باندھیو۔ <sup>13</sup> پچھے اوتے نا پہلی حناہ نوں رے مکھ

پُجاری کڈھے لے گیا، کیانکے او پیٹوکرے مکھ پُجاری کاٹفا رو خُخرو بتو۔

<sup>14</sup> کاٹفا او رو او خاگو منکھ بتو جکے یہودی اگوائٹاں نا اے کہیو تو، ”اپٹو فائندو

ایٹے میں ہے اپٹی خاری قوم خاڑوں بیک منکھ مرے۔“

<sup>15</sup> شمعون پطرس آن بیک پُجو چیلو یسوع لارے گیا بوبا۔ او پُجو چیلو اگلے

مکھ پُجاری ری اوٹکھاٹ اکو بتو، آن یسوع لارے مکھ پُجاری رے دیوان خانے

میں گیو۔ <sup>16</sup> پٹ پطرس باہرلے دروازے کڈھے باہر ابھیج ریو۔ تو پُجو چیلو جکو



مُکھ پُجاری ری اولکھاٹ اُکو بتو، بھلے دیوان خانے خان باہر نخر اُوئے نوکراٹی  
خان بات کی جکے باہر لے دروازے تے چوکی ڈنی تی۔ آن پچھے اُوئے پطرس نا  
مئیں بیلو کرایو۔

<sup>17</sup> اُوئے چوکی ڈیوٹ اُئی نوکراٹی پطرس نا کہیو، ”توں وی اُوئے رے چیلاں  
مئیلو کوئی ہے کی؟“

اُوئے کہیو، ”نا، ہوں کونی ہاں۔“ <sup>18</sup> اوتھ نوکر آن خپایی انگاراں رو باخڈے ہال  
ہاتھ خیکتا وا، کیانکے خی بتو۔ آن پطرس وی اُوئاں بھیلو ابھیج ہاتھ خیکتو وو۔

<sup>19</sup> اُوئے ٹائم مُکھ پُجاری یسوع خان اُوئے رے چیلاں آن اُوئے رے خکھایوڑے  
باتاں رے بارے میں پوچھیو۔ <sup>20</sup> جڈے یسوع اُوئے نا کہیو، ”مہیں خاراں رے

رُورُو باتاں کریئے ہے۔ مہیں بیکل آن بجاں بھگتی گھراں میں ہمیشہ خکھایو ہے،  
جیتھ خارا ئی یہودی بھیلو ہوئی، آن مہیں کوئی بات لک کونی کی۔ <sup>21</sup> ایئے  
خاروں تھوں مہیں خان کی پوچھئی وا؟ اُوئاں خان پوچھو، جکاں مہارے باتاں  
خُئیے کہ مہیں کیہڑے باتاں کریئے۔ اُوئاں نا مہارے کہیوڑے باتاں ری خاری  
خبر ہے۔“

<sup>22</sup> یسوع ایئاں کہیو، جڈے خپاییاں میں بیک جٹو جکو اُوئے رے نیڑو بیٹھو تو،

اُوئے یسوع نا تھپڑ ماریو، آن کہیو، ”توں مُکھ پُجاری نا ایہڑو جواب کیاں  
ڈئیں؟“ <sup>23</sup> تو یسوع بلتی ڈنی، ”جے مہیں غلط بات کری ہے، تو گواہی ڈے

کہہ غلط بات کی ہے؟ پٹ جے مہیں صحیح بات کری ہے، تو مہناں کرے رے  
کرے ماریں وو؟“ <sup>24</sup> جڈے حناہ یسوع نا کائیفا نوں رے مُکھ پُجاری کڈھے  
بادھوڑو رو بادھوڑو میل ڈنو۔

<sup>25</sup> اُوئے ٹائم شمعون پطرس اوتھ بجاں منکھاں بھیلو ابھیج ہاتھ خیکتو وو۔ تو

اُوئاں پطرس خان پوچھیو، ”توں وی اُوئے رے چیلاں میں خان کوئی ہے کی؟“

پن اُوئے انکار کر کہیو، نا، بون اُوئے رو چیلو کونی۔“  
<sup>26</sup> مکھ پُجاری رے نوکراں میں بیک جٹو اوتھ بتو۔ او اُوئے منکھ رو عزیز بتو  
 جکے رو کون پطرس باڈھیو تو۔ اُوئے نوکر کہیو، ”مہیں تھناں اُوئے بھیلو باغ  
 میں کونی ڈٹھو کی؟“<sup>27</sup> جڈے پطرس بھلے انکار کریو، آن جھٹ میں کوکڑ  
 ہونگ ڈنی۔

<sup>28</sup> خبیلے یہودی یسوع نا کائفا رے گھرے خاں رومی راج کرن آلا رے قلعے  
 میں لے گیا۔ پن یہودی آپ قلعے میں کونی گیا، متے او ناپاک ہو را عید فسح  
 نی منا خگے۔<sup>29</sup> ایسے خاروں راج کرن آلو پیلطس باہر نخر یہودیاں کڈھے آیو،  
 آن اوٹاں خاں پوچھیو، ”تھوں ایسے منکھ تے کیہڑو الزام لگاؤئی؟“  
<sup>30</sup> اوٹاں بلتی ڈنی، ”جے اے ڈوہاری نی ہوؤنت، تو مہوں ایسے نا تھوں رے  
 حوالے نی کریو ہوؤنت۔“

<sup>31</sup> جڈے پیلطس کہیو، ”تھوں آپ ایسے نا لے جاؤ، آن تھوں رے آپرے قانون  
 رے مطابق ایسے رو فیصلو کرو۔“  
 پن اوٹاں کہیو، ”قانون رے مطابق مہوں نا موکل کونی کہ کیسے منکھ نا موت  
 ری سزا ڈاں۔“

<sup>32</sup> اے بات ایسے خاروں ہوئی یسوع رے اشارے میں کہیوڑی بات پوری ہووے  
 کہ بون کیہڑی نمونے مریخ۔

<sup>33</sup> پچھے پیلطس پاچھو آپرے دربار میں گیو، آن یسوع نا آپ کڈھے ہولو کرا  
 پوچھیو، ”توں یہودیاں رو راجا ہے کی؟“

<sup>34</sup> جڈے یسوع بلتی ڈنی، ”کی تھوں آپری مرضی خاں پوچھو وا، یا پیجاں  
 منکھاں مہارے بارے میں تھوں نا کہیو ہے؟“

<sup>35</sup> پیلطس جواب ڈنو، ”بون یہودی ہاں کی؟ تھاری آپری قوم آلاں آن موٹاں

پوجاریاں تھناں مہارے حوالے کریو ہے . تھیں کیہڑو ڈوہ کریو ہے؟“  
<sup>36</sup> اُوئے بلتی ڈنی، ”مہارو راج ایئے دُنیا رو کونی . جے مہارو راج ایئے دُنیا رو  
 ہوونت، تو مہارا شیوادھاری ضرور مہیں خاروون بڑھیا ہوونت جاں ہوں یہودییاں  
 رے ہاتھان نی جھلیجنت . پٹ خچی مہارو راج اتھلو کونی .“  
<sup>37</sup> جڈے پیلطس کہیو، ”تو پچھے تون راجا ہے .“

یسوع کہیو، ”تھوں آپ مہناں راجا کہو وا . ہوں ایئے خاروون جاییو ہاں آن ایئے  
 خاروون دُنیا میں آیو ہاں، جاں ہوں خچ ری بارے میں گواہی ڈاں . جکو وی خچ  
 رے پاخے رو ہے ، او مہاری بات منی .“  
<sup>38</sup> پیلطس اُوئے نا کہیو، ”خچ کی ہے؟“

ایٹاں کہہ پیلطس بھلے دربار خان نخر یہودییاں نا آ کہیو، ”مہناں ایئے میں  
 کوئی ڈوہ جوون میں کونی آوتو .<sup>39</sup> پٹ تھوں میں بیک رواج ہے ہوں عید فسح تے  
 تھوں خاروون بیکے قیدی نا چھوڑیں . تو پچھے تھوں ری کیہڑی مرضی ہے ہوں  
 تھوں خاروون یہودییاں رے راجا نا چھوڑاں کی؟“<sup>40</sup> پٹ اوتاں بھلے زور خان  
 جواب ڈنو، ”ایئے منکھ نا نی، پٹ برابا نا چھوڑ ڈو .“ برابا بیکے دھاڑیل رو نوں  
 بتو .

19

<sup>1</sup> جڈے پیلطس یسوع نا لے جا چابکاں خان مریو .<sup>2</sup> پچھے فوجیاں کونٹاں رو  
 تاج گونٹھ یسوع ری ماتھے تے راکھیو، آن بینگٹائی رنگ ری بادشاہی شال  
 کھوٹیاں تے اوڈھائی،<sup>3</sup> آن یسوع ڈخا آ کہوتا ریا، ”اے یہودییاں را راجا،  
 نمشکار“، آن اُوئے نا تھپڑاں ماریے .

<sup>4</sup> اُوئے خان پچھے پیلطس بھلے باہر نخریو، آن یہودییاں نا کہیو، ”جوو، ہوں  
 اُوئے نا تھوں کڈھے باہر میلیں وو، جاں تھوں نا خبر پڑے، مہناں ایئے میں کوئی

ڈوہ جووٹ میں کونی آتو۔<sup>5</sup> پچھے یسوع کوٹاں رو تاج آن بینگٹائی رنگ ری شال اوڈے باہر نخریو۔ جڈے پیلاطس یہودیایاں نا کہیو، ”جوو، اے منکھ ابھو ہے۔“

<sup>6</sup> جڈے موٹاں پوجاریاں آن بیکل رے خپایاں اوئے نا جویو، جڈے اوٹاں زور خاں کہیو، ”ایئے نا خوٹی تے چاڑ مار، ایئے نا خوٹی تے چاڑ مار۔“  
پن پیلاطس اوٹاں نا کہیو، ”تھوں آپ ایئے نالے جا خوٹی تے چاڑھ مارو۔  
کیانکے مہناں ایئے میں کوئی ڈوہ جووٹ میں کونی آتو۔“

<sup>7</sup> جڈے یہودیایاں جواب ڈنو، ”مہوں رو آپرو بیک حکم ہے، آن اوئے حکم رے کرے ایئے نا موت ری سزا ڈیون چایجے، کیانکے ایئے منکھ آپ نا ایشور رو ڈیکرو کہیو ہے۔“

<sup>8</sup> پیلاطس جڈے اے بات خٹی، تو اگے خاں تمام گھٹو پیسی گیو،<sup>9</sup> آن بھلے پاچھو دربار میں جا یسوع نا پوچھیو، ”توں کتھلو ہے؟“  
پن یسوع اوئے نا کوئی بلتی کونی ڈنی۔

<sup>10</sup> جڈے پیلاطس اوئے نا کہیو، ”توں مہیں خاں کہن خاں کونی بولتو؟  
تھناں ایئے بات ری خبر کونی کی؟ تھناں چھوڑن، یا تھناں خوٹی تے چاڑھ  
مراون، اے خاں مہارے وس میں ہے۔“

<sup>11</sup> تو یسوع اوئے نا بلتی ڈنی، ”جے تھنا اے طاقت ایشور خاں نی ڈیوڑی  
بوونت، تو تھارو مہیں تے کوئی وس نی بوونت۔ ایئے خاں جکے مہناں  
تھارے حوالے کریو ہے، او تھوں خاں بدھیک ڈوہاری ہے۔“

<sup>12</sup> اوئے خاں پچھے پیلاطس یسوع نا چھوڑن ری بدھیک کوشش کرن لاگو۔  
پن یہودیایاں زور خاں کہیو، ”جے تھوں ایئے منکھ نا چھوڑخو، تو تھوں رومی  
راجا را دوست کونی ہوو۔ جکو وی آپ نا راجا ٹھاوٹی، او رومی راجا رے  
خلاف ہووٹی۔“

13 جڈے پِلاطُس اے بات خُٹی، تو اُوئے یسوع نا باہر منگایو، آن اُوئے جگھا رے فیصلے ری گدی تے بیٹھو جکے نا چبوترو کہی آن عبرانی بولی میں ایئے رو نوں ”گبتا“ ہے۔<sup>14</sup> او فسح ری عید رے ہفتے رو جمعے رو ڈنہ بتو، آن ڈیپاراں رو ٹائم بتو۔

پِلاطُس یہودیایں نا کہیو، ”جوؤ، اے ہے تھوں رو راجا۔“  
15 پِن یہودیایں زور زور خاں کہوٹن لاگا، ”اُوئے نا مار ڈو، اُوئے نا مار ڈو۔ خُوٹی تے چاڑھ مار ڈو۔“

پِلاطُس کہیو، ”ہوں تھوں رے راجا نا خُوٹی تے چاڑھ مراؤں کی؟“  
جڈے موٹاں پوجاریاں بلتی ڈنی، ”رومی راجا خاں ٹال مہورو پجو کوئی راجا کوئی۔“

16 ایئے تے پِلاطُس یسوع نا خپایاں رے حوالے کریو، کہ او جا اُوئے نا خُوٹی تے چاڑھے۔

پچھے خپاہی یسوع نا لے گیا۔<sup>17</sup> آن یسوع آپری خُوٹی آپ اُکھٹن شہار خاں باہر نخر کھوپڑی نوں ری جگھا تے گیو، جکے نا عبرانی بولی میں ’گُلگتا‘ کہی۔<sup>18</sup> اوتھ اوتھ یسوع نا خُوٹی تے چاڑھیو، آن پجاں پیاں منکھاں نا وی اُوئے بھیلّا خُوٹی تے چاڑھیا، بیکے ری خُوٹی خاجڑی پاخے بتی آن پجے ری کھاڑی پاخے، آن یسوع ری خُوٹی بچ میں بتی۔

19 پِلاطُس بیک پٹی لکھا یسوع ری خُوٹی تے لگائی۔ پٹی تے ایٹاں لکھیوڑے بتو:

20 ”یسوع ناصرِت شہار آلو، یہودیایں رو راجا“ یہودی قوم رے گھٹاں منکھاں او پٹی پڑھی، کیانکے جکے جگھا یسوع نا خُوٹی تے چاڑھیو تو، او جگھا یروشلم شہار خاں نیڑی بتی، آن اے بات تینہاں بولیاں میں لکھیوڑی بتی، عبرانی بولی میں، لاطینی بولی

میں، آن یونانی بولی میں۔

21 پچھے یہودی قوم رے موٹاں پوجاریاں پیلاطس نا کہیو، ”تھوں نا ”یہودیوں  
رو راجا“ کونی لکھٹو بتو، پٹ تھوں نا ایٹاں لکھٹو ہے اُوئے آپرے آپ نا یہودیوں  
رو راجا کہیو ہے۔“

22 پٹ پیلاطس اُوٹاں نا جواب ڈنو، ”جکو بات مہیں لکھائی ری، او بات ایٹاں  
ری ایٹاں لکھیوڑی رہے۔“

23 پچھے خپاہی جڈے یسوع نا خُوٹی تے چاڑھیو، جڈے اُوٹاں اُوئے را گابھا  
لیا، آن چاراں جٹاں بیک بیک گابھو بند لیو، پٹ گگھو رہ گیو۔  
او گگھو خپڑیے بغیر بتو، آن یکو بٹیوڑو بتو۔<sup>24</sup> تو اُوٹاں بیکے بجے نا کہیو،  
”ایئے نا آپاں نی پھاڑاں، پٹ ایئے خارو آپاں پکھا گھاتاں کہ اے کے رو  
ہوئے۔“

اے بات ایئے خارو ہوئی کہ شاستر ری اے بات پوری ہوئے:  
”اُوٹاں مہارا گابھا آپت میں بندیا،

آن مہارے پھرٹ خارو بھاگ آزمايو۔“

جڈے خپاہیاں ایٹاں رو ایٹاں کریو۔

25 اُوئے ٹائم یسوع ری خُوٹی کڈھے اُوئے ری ماء، اُوئے ری ماخی، کلویاس

ری لگائی مریم، آن مریم مگدلینی ابھے ہتے۔<sup>26</sup> جڈے یسوع آپری ماء نا آن

آپرے پریمی چیلے نا نیڑا ابھا ڈٹھا، جڈے اُوئے آپری ماء نا کہیو، ”ماء، جو۔

ہمے اے تھارو ڈیکرو ہے۔“<sup>27</sup> پچھے اُوئے آپری چیلے نا کہیو، ”جو، ہمے اے

تھاری ماء ہے۔“

تو اُوئے ٹائم خاں لے او چیلو اُوئے نا آپرے گھرے لے جا اُوئے نا خنبھائٹ لاگو۔

28 اُوئے خاں پچھے یسوع، جکے نا اے خبر ہتی کہ ہمے ہر بات پوری ہو گئی

ری، ایٹاں کہیو، ”مہناں ترخ لاگی ہے۔“ اُوئے ایٹاں ایئے خارو کہیو کہ شاستر

ری لکھیوڑی بات پوری ہووے۔

<sup>29</sup> اوتھ بیک ٹھوں انگوراں رے کھٹے رس خاں بھریوڑو بتو وو۔ جڈے خپایاں  
پوٹی نا چوسن آلی شے اوئے رس میں بھر زوفے بن ری تلڑی ترے لگائی، آن  
یسوع ری موہنڈے کڈھے راکھی۔ <sup>30</sup> جڈے یسوع او رس پیو، تو اوئے کہیو،  
”مہارو کوم پورو ہو گیو ہے۔“ پچھے آپرو کوندھو لڑکا دم ڈے ڈنو۔

<sup>31</sup> او جمعے رو ڈنہ بتو، آن یہودیایاں ری مرضی کونی بتی کہ چھنیچھر ری  
رات تک منکھ خوٹیاں ترے ٹونگیاں رہے، کیانکے اون آلو چھنیچھر گھٹو موٹو ڈنہ  
بتو۔ ایئے خاروں اوٹاں راج کرن آئے پیلاطس کڈھے آعرض کری کہ او منکھ  
جکو خوٹی ترے ٹونگیوڑا ہے اوٹاں رے ٹونگے تھوں بھنگاؤ، آن پچھے لاشاں نا  
اُترواؤ۔ <sup>32</sup> تو خپاہی آیا، آن اوئے پہلکے منکھ رے ٹونگے بھونگ ڈنے جکو یسوع  
بھیلو خوٹی ترے چاڑھیوڑو بتو، آن پچھے بجے منکھ رے ٹونگے بھنگ ڈنے۔

<sup>33</sup> جڈے یسوع کڈھے آیا، جڈے اوٹاں ڈٹھو او پہل مر گیو رو۔ ایئے خاروں  
اوئے رے ٹونگے کونی بھونگیے۔ <sup>34</sup> پن خپایاں میں بیکے جٹے بھالے خاں یسوع  
رو پاخو بیندھیو، آن جھٹ میں لوپی آن پوٹی نخریو۔

<sup>35</sup> جکے چیلے اے بات ڈٹھی، اوئے رے بارے میں گواہی ڈنی ہے، آن اوئے  
ری ڈیوڑی گواہی خاچی ہے۔ اوئے نا خبر ہے کہ او خچ کہی وو، آن او ایئے  
خاروں گواہی ڈئی وو کہ تھوں وی یسوع ترے وشواس راکھو۔ <sup>36</sup> اے خارے باتاں  
ایئے خاروں ہوئے کہ شاستر ری لکھیوڑے اے بات پوری ہووے،  
”اوئے رو کوئی باڈکھی کونی بھونگی۔“ <sup>37</sup> آن بھلے شاستر میں

اے وی لکھیوڑو ہے:

”جکے منکھ نا اوٹاں بیندھیو، اوئے نا او جوخے۔“

<sup>38</sup> اوئے خاں پچھے بیک یوسف نوں رو منکھ، جکو ارمیہ شہار رو بتو، او

پِلاطسَ کڈھے گیو. یوسفَ یسوع رو بیک چیلو بتو، پڻ اُوئے اے بات پدھری کونی کری تی کیانکے او یهودی اگواناں خاں بهیوتو وو. اُوئے جا پِلاطسَ خاں عرض کی، ”مهناں یسوع ری لاش لے جاوڻ ری موکل ڈے.“ جڈے پِلاطسَ اُوئے نا لاش لے جاوڻ ری موکل ڈنی، آن یوسفَ جا لاش اُکھڻ لے گیو.

<sup>39</sup> نیکدیمسَ وی بهیلو گیو، جکو اگے بیکے دفعہ رات ری یسوع کڈھے آیو تو. او آپ بهیلو مُنو منڻ کڻ خوشبو آئے شئیاں رو مصالحو لے آیو، جکے میں مُر نوں رے بڻ رو قیمتی گوند آن عود بچاڻیو رو بتا. <sup>40</sup> اُوئاں پنہائیں جٹاں یسوع ری لاش لی، آن آپرے یهودی قوم رے بُورڻ رے رواج خاں لاش نا خوشبو آئے مصالحے بهیلو کھپھڻ میں بیڑھیو.

<sup>41</sup> جکے جگھا یسوع نا خُوٹی تے چاڑھیو تو، اُوئے جگھا بیک باغ بتو، آن اُوئے باغ میں بیک نَوی قبر پہاڑ میں کھوتریوڑی بتی، جکے میں ہالی کیئے ری لاش نا کونی راکھی تی. <sup>42</sup> او یهودیاں ری تیاری رو ڈنھ جمعو بتو، آن او قبر نیڑی بتی ایئے خاروں اُوئاں یسوع ری لاش اُوئے قبر میں راکھی.

20

<sup>1</sup> اتوار رے ڈنھ خَبھیل ری، جڈے ہالی اندھارو بتو، مریم مگدالینییَ قبر تے آئی. اُوئے آڈٹھو جکو موٹو پتھر قبر رے موبنڈے تے آڈو ڈپوڑو بتو، او الگو راکھیوڑو ہے. <sup>2</sup> تو او ناختی ناختی شمعون پطرسَ آن اُوئے بچے چیلے کڈھے گئی جکو یسوع رو پریمی بتو، آن اُوئاں نا کہیو، ”او پرہو نا قبر خاں اُکھڻ گیا را. مهوں نا خبر کونی اُوئے نا کیتھ راکھیو ہے.“

<sup>3</sup> تو پطرسَ آن بچو چیلو اُوھا قبر ڈُخا روانہ بویا. <sup>4</sup> او پنہائیں بهیلا ناٹھا پڻ او بچو چیلو پطرسَ خاں اگے نکل گیو، آن پہل قبر تے پگ گیو. <sup>5</sup> اُوئے نگڑ جوویو او تھ کپھڻ جوویو، پڻ او میں کونی گیو.



6 پچھے شمعون پطرس اُوئے لارے آوتھ پُگو، آن خدھو قبر مئیں بوہو گیو۔

اُوئے اوتھ کپھن پڑیوڑو ڈٹھو۔<sup>7</sup> آن او رُومال جکو یسوع رے ماتھے تے بیڑھیوڑو بتو، اُوئے ڈٹھو کہ او کپھن بھیلو کونی، پٹن پجی جگھا دھار بیڑھیو روہے۔

8 پچھے پجو چیلو جکو پہل قبر تے آپُگو تو، او وی مئیں گیو۔ اُوئے خبھو کجھ ڈٹھو، آن ویساہ راکھیو۔

9 ہالی تک او شاستر ری اے بات کونی خمجھیا کہ یسوع نا مُوڑاں میں خاں

جیوتو بو اُٹھتو بتو۔<sup>10</sup> پچھے چیلا پاچھا آپری آپری گھرے بوہا گیا۔

11 پٹن مریم قبر خاں باہر ابھیج رووتی رہی۔ روتی روتی اُوئے نگڑ قبر میں جویو،

12 تو اُوئے نا ہے فرشتا آچھاں گابھاں خاں ڈُخیجا۔ او اوتھ بیٹھا تا جیتھ یسوع ری لاش اگے پڑی ہتی، بیک خرائتھیے آن پجو پگانتھیے۔

13 فرشتاں اُوئے نا کہیو، ”ہائی، تُوں روئی کیاں وی؟“

اُوئے کہیو، ”منکہ مہارے پرہو نا اکھن گیا را آن مہناں خبر کونی اُوئے نا کیتھ راکھیو ہے۔“

14 ایٹاں کہے او پاچھی پھری تو یسوع نا اوتھ بیٹھو ڈٹھو۔ پٹن اُوئے کونی

15 اولکھیو کہ او یسوع ہے۔ یسوع اُوئے نا کہیو، ”ہائی، تُوں کیاں روئیں؟ تُوں کے نا جوئیں وی؟“

مریم ایٹاں خمجھیو اے باغ رو مالھی ہے، تو کہیو، ”سائیں، جے تھوں اُوئے ری لاش نا اکھن گیا ہو، تو مہناں کہو تھوں اُوئے نا کیتھ راکھیو ہے، آن ہوں اُوئے نا اوتھ خاں اکھن جائیخ۔“

16 یسوع اُوئے نا کہیو، ”مریم۔“

ایئے تے مریم اُوئے خومھی پھری، آن آپری عبرانی بولی میں کہیو، ”ربونی“،

جکے رو مطلب ہے گرو جی .

17 یسوع کہیو، ”مہناں نی جہال، کیانکے ہوں ہالی تک باپ کڈھے پاچھو ماتھے کونی گیو۔ پٹ توں مہارے بھایاں کڈھے جا اوتان نا ایٹاں کہے، ہوں اوتے کڈھے پاچھو ماتھے جاوئیں جکو مہارو باپ آن تھوں رو باپ وی ہے، آن مہارو ایشور آن تھوں رو ایشور وی ہے۔“

18 جڈے مریم مگدلینی چیلاں نا جا کہیو، ”مہیں پرہو نا ڈٹھو ہے“، آن اوتان نا او باتاں کہے جکو یسوع اوتے نا کہے تے۔

19 اوتے خاکے اتوار رے ڈنہ خنجھیا رے ٹائم، چیلا بیکے گھر میں دروازا بند کرے بھیل پٹھا تا، کیانکے او یہودی اگواٹاں خاں پیہوتا وا۔ جڈے یسوع آ اوتان ری بچ میں ابھیجو، آن کہیو، ”تھوں سکھی رہو۔“<sup>20</sup> ایٹاں کہہ اوتے آپرا ہاتھ آن آپرو پاخو اوتان نا بتایو۔ پرہو نا جو چیلا تمام گھٹا خوش ہویا۔

21 جڈے یسوع اوتان نا بھلے کہیو، ”تھوں سکھی رہو۔ جاں باپ مہناں میلیو ہے، اوتان ہوں وی تھوں نا میلیں وو۔“<sup>22</sup> ایٹاں کہہ اوتے اوتان تے پھونک ڈنی، آن کہیو، ”تھوں پویر آتما لو۔“<sup>23</sup> جکان منکھاں نا تھوں پاپاں ری معافی ڈیخو، تو اوتان نا معافی ملخے۔ آن جکان منکھاں نا تھوں پاپاں ری معافی کونی ڈو، تو اوتان نا معافی کونی ملے۔“

24 یسوع رے چٹیوڑے ہارباں چیلاں میں بیکے رو نوں تو ما بتو، جکے نا توام وی کہوتا۔ او یسوع رے اوٹ رے ٹائم اوتان چیلاں بھیلو کونی بتو۔<sup>25</sup> تو ہجا

چيلا اوتے نا کہوٹ لاگا، ”مہوں پرہو نا ڈٹھو ہے۔“  
پٹ اوتے کہیو، ”جتری تک ہوں کوکاں را پھٹ اوتے ری ہاتھاں میں نی جوواں، آن اوتان میں اونگلی نی گھاتاں، آن جتری تک اوتے رے پاخے آتے پھٹ میں ہاتھ نی گھاتاں، اتری تک ہوں کئیں اعتبار کونی کراں۔“

26 بیکنے ہفتے خاں پچھے یسوع را چیلّا بھلے اُوئے گھر میں ہتا، آن توّمآ وی اُوئاں بھیلو ہتو. دروازا بند ہتا، توئی وی یسوع اُوئاں ری بچ میں آ ابھیجو، آن کہیو، ”تھوں سُکھی رہو.“<sup>27</sup> پچھے اُوئے توّمآ نا کہیو، ”ایتھ اونگلی گھات مھارا ہاتھ جو. آن مھارے پاخے آئے پھٹ میں آ پرو ہاتھ گھات. شک نی کر، پٹ اعتبار کر.“

28 جڈے توّمآ اُوئے نا کہیو، ”تھوں مھارا پربھو آن مھارا ایشور ہو.“

29 تو یسوع اُوئے نا کہیو، ”تھیں مھنا ڈٹھو ہے، ایئے خاروں تھیں وشواس راکھیو ہے. بھاگاں آلا او ہے جکاں مھنا کونی ڈٹھو، توئی وی اُوئاں وشواس راکھیو ہے.“

30 یسوع آپرے چیلان رے روبرو بجا گھٹا پرچا بتایا، جکاں رے بارے میں ایئے کتاب میں کونی لکھیوڑو.<sup>31</sup> پٹ اے باتاں ایئے خاروں لکھیوڑے ہے جاں تھوں ویساہ کرو کہ یسوع ایشور رو چٹیوڑو مسیح آن ایشور رو ڈیکرو ہے، آن اُوئے ترے وشواس راکھٹ خاں تھوں نا اُوئے رے وسیلے ہمیشہ رو جیون ملے.

21

<sup>1</sup> اُوئے خاں پچھے تبریاس جھیل رے کندھے ترے یسوع آپرے چیلان نا بھلے درشن ڈنو. بات ایہڑے نمونے ہتی.

<sup>2</sup> شمعون پطرس، توّمآ جکے نا توّمآ وی کہوتا، نتن ایل جکو گلیل صوبے رے قانا شہار رو ہتو، زبدی را ڈیکرا آن ہے بجا چیلّا اے خارا ئی بھیلّا ہتا.

<sup>3</sup> شمعون پطرس اُوئاں نا کہیو، ”ہوں مچھے جھالٹ جائیں وو.“

اُوئاں کہیو، ”مہیں وی تھیں بھیلّا ہائیں.“ پچھے اُو جا بیڑی میں چڑھ روانا ہویا. پٹ اُوئے رات اُوئاں نا کوئی مچھی ہاتھ کونی آئی.

4 جڈے ڈنھ اگن آلو بتو، یسوع جھیل رے کندھے تے آ ابھیجو۔ پٹ چیلان  
کونی اولکھیو کہ اے یسوع ہے۔<sup>5</sup> تو یسوع اوتان نا بولو کر کہیو، ”اے بھایاں،  
تھوں کوئی مچھی کونی جھالی کی؟“  
جڈے اوتان بلتی ڈنی، ”نا، کونی جھالی۔“

6 ایسے تے یسوع کہیو، ”پیڑی رے خاجڑی پاخے جال نوکھو، تو تھوں نا  
مچھے لادھخے۔“  
تو اوتان اوتے پاخے جال نوکھیو، آن اترے مچھے پھاتھے کہ او جال نا پیڑی  
میں چھک کونی خگیا۔

7 جکے چیلے خاں یسوع گھٹو پریم کرتو، اوتے پطرس نا کہیو، ”اے پرہو  
ہے۔“

جڈے شمعون پطرس اے بات خٹی کہ اے پرہو ہے، تو جھٹ میں آپرو گگھو  
پہر، چوتو باندھ، پوٹی میں ٹپو ڈنو۔ اوتے ایسے خاروں گگھو پھریو کیانکے اوتے  
ٹائم او چھٹو پٹھی اگھاڑو بتو۔<sup>8</sup> پٹ بجا چیلان مچھیاں خاں بھریوڑو جال پیڑی  
لارے چھکتا چھکتا پیڑی لے کندھے تے آیا، کیانکے او کندھے خاں چھڑا تین  
خو فٹ الگا بتا۔

9 جڈے او کندھے تے آپگیا، تو اوتان ڈٹھو انگاراں رو باخڈے بلتی وو، جکے  
ماتھے مچھے پڑیے ہے، آن ہاٹی وی ہے۔<sup>10</sup> یسوع اوتان نا کہیو، ”جکو مچھے  
تھوں بیٹا جھالیے ہے، اوتان میں خاں کٹینک لے آؤ۔“

11 ایسے تے شمعون پطرس پیڑی میں چڑھ جال جھالیو، آن پوٹی میں رو میں  
اوتے نا کندھے تے چھکے آيو۔ جال بیک سو ترونجاہ موٹیاں مچھیاں خاں  
بھریوڑو بتو۔ اترے گھٹے مچھے بتے، توئی وی جال کونی پھاٹو۔<sup>12</sup> جڈے یسوع  
اوتان نا کہیو، ”آؤ، نیراں کرو۔“ پٹ یسوع رے چیلان میں کیسے نا اوتے خاں

اے بات پوچھن ری ہمت کونی ہوئی کہ تھوں کُن ہو، کیانکے اوٹاں نا خبر ہتی  
کہ پرہو ہے۔<sup>13</sup> پچھے یسوع آ ہائی لے اوٹاں نا بند ڈنی، آن ایٹاں رو ایٹاں مچھے  
وی بند ڈنیے۔

<sup>14</sup> یسوع رو موؤڑاں میں جیوتو ہو اٹھن خاں پچھے او تیجی دفعہ ہتی جڈے  
اوتے آپرے چیلان نا درشن ڈنو۔

<sup>15</sup> جڈے اوٹاں نیراں کریو، تو یسوع شمعون پطرس نا کہیو، ”اے شمعون،  
یوحنا را ڈیکرا، جترو پریم بجا چیلان مہیں خاں کرئی، کی تُوں خچی اوٹاں خاں  
بدھیک پریم مہیں خاں کرئی؟“

پطرس کہیو، ”ہاوے، پرہو۔ تھوں نا خبر ہے ہُوں تھوں خاں پریم کرئیں۔“  
تو یسوع کہیو، ”مہارے گھیٹاں نا چار۔“

<sup>16</sup> یسوع بھلے بجی دفعہ اوتے خاں پوچھیو، ”اے یوحنا را ڈیکرا شمعون، کی  
تُوں خچی مہیں خاں پریم کرئی؟“

جڈے اوتے کہیو، ”ہاوے، پرہو۔ تھوں نا خبر ہے ہُوں تھوں خاں پریم کرئیں۔“  
تو یسوع کہیو، ”مہارے بھیڈاں ری خنبھاں کر۔“

<sup>17</sup> یسوع بھلے تیجی دفعہ اوتے نا پوچھیو، ”اے یوحنا را ڈیکرا شمعون، کی  
تُوں مہیں خاں پریم کرئی؟“

ایٹے ترے پطرس نا ڈکھ ہوو کہ یسوع تیجی دفعہ ایٹاں پوچھیو، ”کی تُوں مہیں  
خاں پریم کرئی؟“

تو اوتے کہیو، ”اے پرہو، تھوں نا خارے باتاں ری خبر ہے۔ تھوں نا خبر ہے  
کہ ہُوں تھوں خاں پریم کرئیں۔“

<sup>18</sup> جڈے یسوع کہیو، ”مہارے بھیڈاں نا چار۔ ہُوں تھناں خچ کہیں جڈے  
تُوں جوان ہتو، جڈے تُوں چوتو ہوندھ جیتھ تھارو من کہوتو اوتھ تُوں جاوتو۔ پٹ  
جڈے تُوں بوڈھو ہونخ، جڈے تُوں آپرا ہاتھ خدھا کریخ، آن بچو کوئی تھناں

ہوندھ اوتھ زوری لے جاخے، جیتھ تھارو من جاوٹ خاڑوں کونی کہے۔“<sup>19</sup> اے بات کہوٹ خاں یسوع اشارو ڈنو کہ کیہڑے نمونے پطرس مرخے، آن مرٹ خاں او ایٹاں ایشور ری عزت پدھری کرخے۔

پچھے اے بات کہہ یسوع پطرس نا کہیو، ”توں مہارے لارے آ۔“

<sup>20</sup> جڈے پطرس لارے پھر جوویو او چیلو لارے آوتو وو جکے خاں یسوع گھٹو پریم کرتو، آن جکے رات ری ہاٹی رے ٹائم یسوع نا نیڑو پاچھو ٹیک ڈے ایٹاں پوچھیو، ”اے پرہو، جکو چیلو تھوں نا جھلاخے، او کُن ہرے؟“<sup>21</sup> جڈے پطرس اُئے چیلے نا ڈٹھو، تو اُئے یسوع خاں پوچھیو، ”اے پرہو، اُئے نا کی بوخے؟“

<sup>22</sup> تو یسوع اُئے نا کہیو، ”جے مہاری مرضی ایٹاں ہوئی کہ اے مہارے پاچھو اوٹ تک جیوتو رہ، تو ایٹے میں تھارو کی؟ توں چھڑو مہیں لارے آ۔“

<sup>23</sup> ایٹے خاڑوں اے بات وشواسی بہایاں میں مشہور ہوئی کہ اے چیلو کونی مرے۔ پٹ یسوع پطرس نا ایٹاں کونی کہیو تو کہ اے چیلو کونی مرے، پٹ اُئے چھڑو ایٹاں کہیو تو، ”جے مہاری مرضی ایٹاں ہوئی کہ اے مہارے پاچھو اوٹ تک جیوتو رہ، تو ایٹے میں تھارو کی؟“

<sup>24</sup> او چیلو او رو او ہرے جکو ایٹاں خاراں باتاں نا اونکھیاں خاں جو گواہی ڈئی وو، آن جکے اے خارے باتاں لکھیے۔ مہوں نا خبر ہرے اُئے ری ڈنورزی گواہی خچی ہرے۔

<sup>25</sup> یسوع پیجا ڈھگ کوم کریا۔ جے منکھ اُئے رے ہر بیک کوم رے بارے میں لکھنت، تو اترے زیادہ کتاباں ہوونت جکو مانھری خمجھ میں پوری دُنیا میں کونی ماؤنت۔